

محمد فؤاد عيسى

كرافته

الملائكة لا تسكن قلوب البشر

كز دُون

ربيع الكتب
book-spring.com
عيش مع الكتب

book-spring.com

كرافتة

الطبعة الأولى، نوفمبر ٢٠١٤
رقم الإيداع، ١٩٥٤٥ / ٢٠١٤
التراقيم الدولي، ٧-٥٩-٦٤٢٦-٩٧٧-٩٧٨
تصحيح لقوى، محمود الفتام
تحرير، أحمد سلامة
تصميم الغلاف، أحمد مراد

جميع حقوق الطبع والنشر محفوظة
© دار دؤن

تليفون، 01020220053

E-mail: info@dardawen.com

www.dardawen.com

كرافطة

الملائكة لا تسكن قلوب البشر

محمد فرهاد عيسى

رواية

دَوْن



للنشر والتوزيع

دار دَوْن للنشر والتوزيع

إهداء

إلى أبي...

الذي وضع الكتاب أمامي منذ صغري..

وإلى أمي..

التي عملتني كيف أكتب...

هذا ثمار ما زرعتماه داخلي..

إليك وكم أشتقت سنين لك..

أعلم أنه لولا وجودك لما وجدت تلك الكلمات التي خرجت إلى النور..

زوجتي-

وإليك يا صغيري.. "إياد"

[إن الذين يصنعون أعمدة الدخان لحجب الرؤية ما هي إلا ربح
خفيف من الحقيقة وينقلب عليهم العمى]

الفصل الأول الأسرار

٢٠١ - كوبري قصر النيل

على كوبري الأسدين وقف يتأمل ملامح البنايات المنعكسة على ماء النهر، والتي تداعها الأمواج المنبعثة من تراقص المراكب في رحلتها النيلية، تخلل إلى أذنه خرير الماء وأنغام الموسيقى مع تراقص وتمايل الفتيات داخل تلك المراكب.. نظر لهن وهن يعبرن النهر بأسفل الجسر، ابتسم ثم عاد بنظره إلى الأفق البعيد، وماهي إلا ثوانٍ معدودة حتى قطع شروده صوت رجل عجوز تجاوز الخمسين:

- ممكن تتفَعني يا بيه؟؟؟ أي حاجة.

نظر له وقد أنارتة حالة الرجل وهندامه الرث، وهو يمد يده بكيس مناديل ورقية مقابل أن يعطيه ما يجود به قلبه من خير، كَرَّر العجوز سؤاله في إلحاح:

- أي حاجة يا بيه.. أي حاجة لله.

فكَّر لثوان ثم ابتسم بينه وبين نفسه، ومد يده في جيبه ثم أخرج منها ورقة مطوية من جريدة، وأعطاهما له دون أن ينظر إليه، فتحتها الرجل المسن ونظر متعجباً، وحاول فكّ الخط ثم نظر له في غضب:

- إيه دا يا بيه؟؟ أنت بتتمالس عليا؟؟

تركه دون ردِّ وانصرف.. ظلَّ الرجل الشحاذ معلقاً نظره إليه وهو يسير إلى الجهة المقابلة للجسر.. ترجَّل حتى ظهر في الأفق القريب بوابة دار الأوبرا من

ناحية كوبري قصر النيل، كان مقصده كوبري الجلاء في محاولة لاستعادة الاستمتاع بمنظر النيل الذي أفسده اقتحام العجوز المتسول منذ قليل، استمر في حكي الذكريات معه إلى الحد الذي جعله لم يشعر بمرور الوقت، تجاوزت الساعة العادية عشرة بوضع دقائق.. نظر لساعته متعملاً ثم للمم شتات عقله وما تبنى من الذكريات على وعد مع النهر في أن يعود إليه يوماً آخر: لإكمال ما بدأه سوياً منذ سنين.

أولج المفتاح داخل الباب فظهرت الشقة بإضاءتها الخافتة.. الشقة ذات مساحة كبيرة، يقابل الباب من الداخل ردهة صغيرة تقود إلى صالة ممتدة طولاً وعرضاً، ومقسمة إلى قسمين طولاً، النصف الأول به أثاث من اللون الأبيض يحمل الطراز الأمريكي بشكل جلي، خلف الأريكة الكبيرة على اليمين يوجد ثلاثة شبابيك خشبية كبيرة بامتداد الصالة من طراز السلملة المشهور، تغطها ستائر خفيفة تسمح بدخول أشعة الشمس في أوقات معينة من اليوم، في مقابل الشبابيك يوجد مدفأة تعمل فوقها بعض الصور العائلية، أما النصف الآخر من الصالة فكان يتوسطه منضدة طعام بيضاء اللون أيضاً، يواجهها سلم يقود إلى الغرف العلوية.. في نهاية النصف الأخير يوجد بار على شكل دائري، يحيطه ثلاثة مقاعد من طراز "Bar chair" ليضيفها جواً معيناً لهذا الركن المميز من الشقة، العوائط تزينها لوحات منتقاة أحضرها بعناية من معارض عالمية في أوروبا، ففي كل زيارة لبلد ما كان يحضر معه أشهر اللوحات لأفضل الرسامين المعاصرين، جلس إلى الأريكة التي تتوسط الجدار، والتقط أنفاسه قبل أن يمد بنظره إلى اللوحة المعلقة على الحائط، اختارتها بنفسها من أحد المعارض في فرنسا، تُدجِّره

هذه اللوحة بها دائماً، لم يفكر بعد ما حدث بينهما أن ينزعها من فوق العائط.

تذكر الدوسيه الرابض داخل الخزانة في غرفة مكتبه، أسرع إليه وأخرجه من مكانه، ثم بعثر محتوياته حتى وجد ضالته، تلك الأوراق التي بدأت في الاصفرار. جلس إلى المكتب وأضاء نور المصباح الصغير، ثم ارتدى نظارته الطبية وبدأ في قراءة العناوين الصحفية، ثم أوغل في قراءة التفاصيل وهو يتمتم بمحتوى الكلام.

يحتوي الدوسيه على أوراق العقود المهمة وأكثر من أربعة جرائد يحملون جميعهم عناوين مختلفة لنفس الخبر في باب الحوادث، لكن التفاصيل الأكثر إثارة كانت في أوراق جرنال "الساعة".

سَطَّر بعينه المقالات المكتوبة عن الخبر، وتذكر تلك الأيام، وما أشدها أيام، مرّت بصعوبة في كل أوقاتها ليلاً ونهاراً.. الذكريات ارتسمت أمام عينيه.. أزاح الأوراق والجرائد من أمامه، واعتدل في جلسته مسنداً ظهره على المقعد، أشعل غليونه يهدوء واسترخاء.. الغرفة واسعة، مليئة بالكتب، وأمامه يرقد جهاز راديو قديم.. مَدَّ يده في جيبه وأخرج الموبايل وشرع يبحث في قائمة الأسماء المسجلة في الهاتف حتى وجد الاسم المقصود، لم ينتظر على الموبايل طويلاً، فسرعان ما لبّاه الطرف الآخر بالرد:

- ألو.. إزيك يا أشرف؟

- عزت بيه.. إزيك عامل إيه؟؟

اعتدل قليلاً على مقعده وهو يرد على أشرف سائلاً:

- بخير.. قولي خلصت العقود اللي مطلوبة منك ولا لسه هتاخذ وقت؟

- يوم كمان وهتكون جاهزة قدامك.

- كويس جداً يا أشرف.

ثم تابع بلهجة من يؤكد على أمر مهم:

- ماتنساش تشيل اسم سلمان من على كل العقود الجديدة.. ماشي؟

- مفهوم يا عزت بيه.

أنهي المكالمة وأشعل غلبونه -الذي انطفأ- مرة أخرى، قام متجهاً إلى الراديو القديم، وأدار محرك بحث القنوات الإذاعية حتى استقرَ على إذاعة الأخبار، لم يتم، تركه ليؤنس وحدته التي اعتادها منذ رحيلها، فقد كانت الدقائق في عزلته تمر كالساعات، تذكّر أيامه الأولى في تجارة الأراضي والعقارات في مطلع التسعينيات عندما بدأ في بناء مملكته التجارية التي أصبحت من أشهر شركات تجارة الأراضي والعقارات في مصر، ومنذ فترة كان يتقاسم معه شريكه سلمان شركتهما -تقسيم للتجارة والمعمار- المبني الإداري الكبير في المهندسين، وجموع العاملين داخل هذا الصرح الكبير.. اقترب إلى حائط الإنجازات -كما يحب أن يطلق عليه- فهو يحمل الكثير من الصور التي تجمعته مع شخصيات كبيرة، اقترب من صورة كانت تجمعته هو وسلمان ووزير السياحة ووزير الإسكان في إحدى الحفلات في فندق الماربوت الزمالك في قاعة الجو الملكي، وشرّد بينه وبين نفسه متسائلاً: " كم مضى على هذه الليلة حتى الآن، ست أم سبع سنوات؟ ياااه.. أيام!" ثم غرق تماماً في شروده.

٢٠٣

جلسا إلى الطاولة المخصصة لهم يتبادلان أطراف الحديث عن المشروع الجديد المزمع إقامته في الساحل الشمالي بمشاركة الحكومة..

- مبروك يا سلمان.

- الله يبارك فيك يا عزت.

- المشروع دا لازم يبقى أقوى مدينة سياحية في الساحل كله.. أهم حاجة التمويل عشان نقدر نحقق اللي احنا عايزينه.

- ماتقلقش أنت بس.. الفلوس هنعرف نجيبها.. هي أول مرة؟

- أه أول مره ندخل مع الحكومة بقلب جامد كدا.

- خلاص يبقى لازم نكمل بقلب جامد.

بيبادل إحدى النساء الجميلات ابتسامه ثم يكمل:

- واحنا قدها.. ولا أنت شاكك يا سلمان؟

- (وعينه صوب المرأة) مين دي؟؟

- واحدة أعرفها.. إيه أول مرة تشوفني أعرف واحدة؟

- لا.. أصل أنت معارفك كتير (قالها وهو ييم بالدهاب).

- رايح فين؟

- شايف الراجل اللي واقف هناك ده عند البار؟

- أه مش دا هشام منصور مدير بنك التكامل؟ أعرفه.. بس مافيش بينا كلام كتير.

- أنا هخلى يبقى في بينكوا كلام وبيزنس كمان.

نظر عزت إليه في تعجب قبل أن يتركه "سلمان" ويتجه نحو مقصده.

تصافحا بحرارة ووقفا يتبادلان الحديث، حتى التفت "سلمان" إلى عزت في

محاولة لدعوته إلى الحوار.. أيقن "عزت" ما يريد "سلمان" فاتجه إليه وصافح هشام عزت.. استمرّ الحديث بينهما قرابة النصف ساعة بعد أن رفض هشام دعوتها إلى الطاولة المخصصة لهما؛ بحجة أن هناك من ينتظرونه، تركهم وانصرف إلى أصدقائه وعادا كلهما إلى مكانهما مرة أخرى.

سأله عزت في شفط:

- أنت عرفته منين؟

- كنت بايع له حنة أرض في أكتوبر من فترة كبيرة.

- إنت بتشتغل من وراها ولا إيه؟

- لا من وراك ولا حاجة. كان جاهلي من طرف واحد معرفة. وأنا كنت مسقع الأرض دي من فترة كبيرة بعد ما رجعت من الكويت قبل ما نتشارك.. شافها وعجبته وكلم واحد معرفة وخلصنا فيها. كان لسه هشام موظف صغير في البنك. بس عرف يعمل فلوس الأرض دي إزاي الله أعلم..

- طب الفلوس متبقي إزاي؟

- قرض بضمان الأرض. والمشروع يقف على رجله.

اعتدل في جلسته وأمسك "عزت" بقلبه، وسحب نفماً عميقاً وأطلقه في الهواء بلوله.

- وأنت فإكران الحواردا ماجاش في بالي؟

- ووصلت لإيه؟

- بص، كدا كدا اللي في الحكومة واخدين لسبتهم. إحنا هندخل معانا اتنين مقاولين أو ثلاثة بينوا وباخدوا لسبتهم والتورنة تنقسم علينا.

ابتسم "سلمان" له قبل أن يردف قائلاً: بقى أنا بقولك ناكل التورته لوحدينا
تدخّل لي ٣ مقاولين! أنت بتهمز؟ مش كفاية علينا حيتان الحكومة اللي
هيكلوا.. بص.. هشام مهاخد نسبة وخلص، والفلوس هتبقى في جيبنا
ومتلمش اراضي التجمع اللي أنا مسقها لو غربت نبيع ونكمل المشروع
ده..

- طب أنا هفكر وهرد عليك.

- مع النيل العظيم برده؟

- هو أنا لها غيره؟

- يا راجل بقى حد يكون معاه هند ويقول كده؟

- مانت طبيب ولا عارف حاجة.

ظهر على سلمان التعب واحمرت عيناه:

- طبيب.. أنا مقوم بقى علشان الضغط علي عليّ وعاهز ارتاح.

- ماشي.. أنا شويه كده ومقوم.. هلضي مصلحة وهمشي (وهو ينظر إلى

المرأة التي بادلتها الابتسام منذ قليل).

- عيش يا نص.

الذكريات تلو الذكريات مفتاحها دائماً النيل والصور.. والصور لا تنقطع والنيل لا ينضب، والتفكير لا يتوقف منذ أن ظل وحيداً، والأسئلة تشتعل في رأسه. لكنه لم ينجح في الإجابة.. كان على يقين في الماضي أن ذلك لن يكون ذا أهمية بالنسبة له. ولكن عندما نفقد الشيء نعرف قيمته فيما بعد. عاد ليجلس على مكتبه بعد أن تفحص صور حائط الإنجازات، وضع رأسه بين راحتيه. لمح في إحدى الصحف التي أمامه الوصف التفصيلي لوضع الجثة. ووصفاً لمكان الحادث.. اقترب بالورقة إليه أكثر ليزيد من تركيزه. "ماذا فعلت ليؤول إلها كل هذا؟"

مصنع أفكاره لا تتوقف فيه العجلة عن الدوران. معروف عنه أنه لا يكف ولا يمل من التفكير حتى يهتدي إلى الإجابة المناسبة له. والتي لا بد وأن تتناسب مع منطقته وتفكيره. ولكن هذه المرة أرهفت ذاكرته عن سرد حكايتها.. الماضي هو الماضي. لا يتغير. لا شيء يتغير أبداً. يظل معلقاً في الأذهان. ينهب بينا حيث نشاء. وإذا أردنا العودة نعود محملين بهموم المستقبل المنتظر لتزداد عبناً فوق عبء الماضي.

سأل نفسه مجدداً ما الذي فعلته حتى تلتهي إلى ما انتهت إليه؟ يعرف أنها تحب المال والمجوهرات والعطايا من كل شكل ولون.. تستغل كل ما حولها ومن حولها لمصلحتها فقط. لكن هل في يوم خالته؟
لا لا تخون.. أنا واثق من ذلك.. الأسرار تحملها القلوب.. والقلوب ستأتي يوماً لتعاسب.. وعندئذ سيظهر كل شيء في وقته.

الفصل الثاني البداية

نصف مليون جنيه.. ثروة طائلة.. سنقلب الأمور رأساً على عقب.. سترداد قوة.. وسأظل أنا هكذا كالشعوب الجائعة التي تنتظر من الحكومات الطامعة فتات العيش كي تأكله.. القوة للمال.. تحكّم الدول الكبيرة الغنية في الشعوب الفقيرة بالمال.. أنا أعرفها جيداً.. ستصنع من تلك الفرصة قوة هائلة ضاربة بي عرض الحوائط كلها. معاولة استغلال الفرصة.. وسيأتي اليوم الذي تنضب فيها بحور الدموع ولن تجدي، ولن أجي إلا الدم الذي يمتص الدماء داخلي وتأكل عقلي أكل الجسد في الجير الحي.. سوف أبحث عن الفرصة التي لن تكون لي يوم ضائعة.. سأحرر نفسي من تلك الأفكار المسمومة المستمدة من أفكارها.. المال + هي = القوة الفاشمة.

كان سلمان غارقاً في تلك الأفكار وهو متجه إلى مكتب حجز تذاكر السفر. عاد إلى المنزل ودلف إلى الشقة. وجدها تجلس جوارها طفلها ذو العينين. أسرع إليه الطفل بهتضنه. لم يهتم كثيراً به، إنما جلس وشرد بذهنه بعيداً.. فسألته:

- أنت إيه اللي رجعت بدري كدا؟

- ليكي حاجة عندي عشان تعاسبيني عليا؟

- براحتك..

ثم أكملت هي بعد صمت:

- أنا جبت تلاجة جديدة.

- كويس.. أشبعي بيها لوحديك.

قالت في كل برود:

- أنا قولت بس أعرفك.

- ميرمي ليكي على المعلومة.

قام إلى غرفته وفتح حقائب السفر. ووضع فيها كل ملبسه. لم يترك شيئاً. ذهبت وراءه في محاولة للتطفل على ما يفعله. سألته باستغراب وهي تنظر إلى الحقيبة:

- أنت بتلم هدومك له؟؟

- مسافر.

- دا مرة واحدة كدا؟؟ ورايح فين بشي؟

- لا مالكيش تسألني.. (نظر إليها وابتمس في سخرية) أنا قلت بس أعرفك.

نظرت إليه في غيظ مكتوم. واتسعت عيناها في توعّد وغضب. ظلاً ينظران لبعضهما البعض هكذا. وكان الزمن قد تجعد تماماً بينهما. نظر في عينيها طويلاً وهو يسأل نفسه: "أهاتان العينان حقاً هما نفس العينين اللتين هام بهما يوماً".. وعاد يذكر من جديد ذلك اليوم الذي يخجل من نفسه كلما واثته مشاعر الندم تجاهه في كل مرة يحتدم فيه الكلام بينهما.

مايو / ١٩٨٣

أضاءت القرية بأكملها احتفالاً. ودقت الفرقة الموسيقية للقرية الطبول. وأنت الراقصات -أو الغوازي كما يسمونهن- ليعتلين المسرح المنصوب خصيصاً لتلك المناسبة.. كانت القرية بأكملها مدعوة للاحتفال دون مبالغة.

وقف كل من أهالي العروسين لاستقبال المدعوين. وفي مقدمتهم الحاج صلاح شعبان والد العروس، والأستاذ عصام خال العريس. أطلقت الأعيمة النارية. ووصل صداها إلى أركان القرى المجاورة.. منذ الصباح الباكر كان دار الخطاطبة يطن كخلية نحل تتحرك بداخلها النساء كالشغالات في خلايا النحل استعداداً لليوم المرتقب. كل واحدة لها دورها الذي تحفظه جيداً. منهن من تقوم بعمل الخبز، ومنهن من تُعدّ الفطائر المشلقة بالسمن البلدي، ومنهن من تذيب الطيور من الأوز والبط والفراخ البلدي. الكل يعمل في جد. الكل يريد أن يخدم الحاج صلاح في ليلة كهذه الليلة عله يذكره.

الزغاريد تملأ المكان. وبعض الرجال والأطفال يرقصون مع الفوازي فرحاً بابنة الحاج صلاح أكبر تجار القطن في المحافظة. ولا مبالغة إن قلنا من أشهر وأهم تجار القطن في القطر المصري كله. ورث التجاره عن جده الأكبر "عزيز خطاب". رغم تفرق الأبناء والأحفاد في الوظائف الحكومية، إلا أنه هو الوحيد الذي أحب هذه التجارة. كان يعمل مع والده الحاج شعبان محمود عزيز منذ الصغر. لذلك يعمل معه الآن ابنه الأكبر محمود.

وقف الحاج صلاح في بداية الصوان المقام في الأرض العالية أمام داره الكبيرة. يستقبل كل معارفه وأحابيه. التفت الجميع إلى الجهة الأخرى عندما جاء أحد أبناء القرية مصرعاً صارخاً بأعلى صوت له:

- رجالة مصر وصلووا.. الرجالة وصلوا.

أطلقت الأعيمة النارية من جديد. لكن أكثر تسارعاً احتفالاً بأصدقاء الحاج صلاح القادمون من القاهرة أو كما يقولون (من مصر). ووقف في استقبالهم بكل حفاوة وحرارة. دخل معهم السرادق ليجلسوا في الأماكن

المخصصة لهم. كل في طاولته. وأشار إلى أحد الشباب الواقفين فأسرع إليهم ووضع أمامهم صحناً كبيراً مملوءاً بالفواكه الطازجة وزجاجات المياه الغازية ودوارق الماء المثلج القضية. كان الاحتفال بهم فيه حفاوة ملحوظة. فمنهم شركاؤه في التجارة. ومنهم من هم أكبر عملائه في شراء حصص القطن من أراضيه.

وقفت العروس أمام المرأة تتأمل ملامحها بدقة. وتتغزل في جسدها كأي عروس جديد. بعد أن ارتدت فستان الزفاف. ووضعت مساحيق التجميل الخفيفة. وزينت شعرها الطويل كيفما اتفق لها أن تفعل. كانت معها في نفس الغرفة كل صديقاتها وأترابها من أهل القرية. وأيضاً رفقاتها من الجامعة. الكل سعيد والكل يتمنى لها أن تكتمل سعادتها على خير. قالت لها إحداهن:

- مش بلايا عابدة عشان سلمان مستليكي تحت؟

نظرت عابدة لنفسها في المرأة مرة أخرى. ثم طلبت منهم أن يتركوها وحدها لدقائق معدودة.

خرج كل من في الغرفة. حتى أمها الطيبة خرجت دون نقاش معها. كان طلبها بالنسبة لهن غريباً. لكن من يجرؤ أن يرفض للعروس طلباً في يوم كهذا. كما أنهن يعرفنها جيداً. إذا أمرت أطيعت.. وقفت عابدة أمام المرأة. نظرت إلى عينيها تتأملهما لأول مرة. وكأنها تريد أن تقول شيئاً.. الجسد الذي ظل حبيس الأنوثة المراهقة اليوم خرج للنضوج.. الجسد الذي لم يروه ماء قط سوف يروى اليوم حتى يشبع. مررت يدها على جسدها بالكامل. وكأنها تودع صبره. وتودع آخر أيام المراهقة. فالليلة ستدخل عالم المرأة الحقيقي.

وستأخذ لقب زوجة. ابتسمت لنفسها في نشوة. وعضت شفتها السفلى ثم تحركت.

وقف سلمان بالأسفل ينتظر عروسه وهي تهبط درجات السلم المؤدي إلى الغرف العلوية. نظر لها فابتسمت بفتح يخالطه بعض حياء.. من الخلف تأتي الزغاريد من الأصدقاء ونساء القرية والأقارب الذين أتوا من كل صوب: لهتفوا بعبادة ولينالوا رضا الحاج صلاح الذي هو كالطعام للجائع والمحتاج منهم.

جلسا في الكوشة على المسرح المقام في وسط السرادق. كان المنظر جديداً على أهل القرية. فليست تلك العادات التي تسير في ذلك الوقت. ولكن عابدة ابنة الحاج صلاح وخريجة كلية الهندسة لن تخضع لتلك العادات والتقاليد. الكل لابد أن يشاهد الجديد في فرحها. كان كل شيء من تصميمها. حتى سلمان لم يتدخل في أي شيء. فهي التي اتفقت مع الفرقة الموسيقية. وهي التي أعدت ديكور السرادق. ووضع الكوشة وزينتها. كان كل شيء جديداً. وكل شيء به لمستها الكاملة دون تدخل من أحد.

اغرورقت عينا والدها بالدموع عندما رأى ابنته تتقدم إليه وهي تتأبط يد زوجها. سائرين على السجادة الحمراء الرابطة بين مدخل الدار ومدخل السرادق. وقف ينظر لها ويتلقى القبل والتهالي من كل الملتفين حوله من الأصدقاء وأهل القرية. احتضنها وقبّلها على جبينها. نظرت له وبكت ثم استجمعت قواها. واحضنته بقوة. نظر إلى سلمان واحتضنه. ثم قال له هامساً:

- أنا هاديك درة حياتي.. حافظ عليها يا سلمان.

- عابدة في عنيا يا حاج صلاح، أرجوك ماتقلقش.

سلمان يعرف جيداً من تكون عابدة بالنسبة لأبيها، فهي ابنته الوحيدة بعد أن رزقه الله بمحمود ولده الأكبر وساعده الأيمن في التجارة.. الحاج صلاح تمنى من الله أن يرزقه بأنثى، فهو يعلم أن رزقها واسع، وحنانها لا ينقطع.. وعندما أنت عابدة إلى الدنيا كان الحاج صلاح يبتاع أرضاً جديدة لزراعتها بالقطن، وعاد عليه ببيع المحصول بالمال الوفير الذي أذخر جزءاً منه لابنته. ترعرت عابدة داخل البيت في حياة مرفهة، لم يمنع الحاج صلاح شيئاً عنها، فهي أولى البنات اللاتي ذهبن إلى المدرسة رغم اعتراض أقارب الحاج صلاح وأخوته وإخوة زوجته، فأنلين إنها تستطيع أن تتعلم في المنزل كسائر بنات العائنة. كما اعتادوا أن الفتاة ليس لها سوى بيتها وبيت زوجها، لكنه رفض: فهو يعلم أن ابنته ستصبح ذات شأن كبير في يوم من الأيام، وقد كان فاحتفل بيها احتفالاً كبيراً عندما حصلت على الشهادة الجامعية من كلية الهندسة. كانت الوحيدة من بنات العائلة التي تحصل على شهادة جامعية. عابدة كانت مختلفة عن سائر البنات التي عرفتها القرية: كانت جريئة تتحدث مع الجميع دون حرج، فهي الواثقة من نفسها القادرة على مجادلة أكبر من في القرية، ظلت وراء أبيها حتى ابتاع سيارة جديدة موديل نفس العام، وحتى تكتمل الصورة أصرت أن يبتاع أرضاً جديدة لبناء منزل جديد للعائنة. وكانت أول هدية له أن صنعت للبيت خصيصاً لوحاً من الرخام محفور عليه (ادخلوها بسلام آمين.. دار الخطاطبة.. الحاج صلاح عزيز خطاب)، فصارت تلك المنطقة تطلق على اسم جدما الأكبر، الخطاطبة.. البيت على مساحة كبيرة تتوسطه حديقة زُلت بالنعيل وأشجار الموز.

ويتوسط الحديقة نافورة مياة كانت مزاراً لكل أهل القرية من خلف أسوار الدار. فهم لم يروا مثل هذا التصميم من قبل، أصبحت دار الخطاطبة أول دار تُبنى بالطوب الأحمر الحراري، ودون العروق الخشبية في الأسقف. كانت الدار مفتوحة للفلاحين المزارعين لأرض الحاج صلاح وغيرهم من أهل القرية.

ذات يوم طلبت عابدة من أبها أن تعمل معه في تجارة القطن مثل أخيها محمود. لكنه رفض بشدة وأصر على رفضه. قائلاً:

- لا يا عابدة.. أنتي مهندسة والشغلانة دي مرمطة. عابزة راجل وكمان أهل البلد ياكلوا وشي. ويقولوا مشغل بلنته معاه. ليه مش قادر أوكلك؟؟
- أهل القرية مين بس يا بابا. وكمان ماعاش ولا كان اللي ياكل وشك.. أنا بس قلت أشتغل معاك أهو أشيل عنك الحمل شوية. وكمان عشان أبقي فاهمة في التجارة.

- وانتي لازماكي التجارة في إيه؟؟ إنني دراستك الهندسة وكمان أخوكي ما شاء الله عليه شايل عني كتير. وأهوبقى تاجر قد الدنيا وكلمته في السوق.
- طب أمسك معاك الحسابات؟

- وعمك مفيد أودّيه فين؟ دا الراجل عشرة عمر.. لا لا يا عابدة خلاص الموضوع دا منتهي.

لم ترد أن تزيد غضبه فأردفت قائلة:

- خلاص.. اللي يربحك يا ابو صلاح يا كبير.

مزقت عابدة العادات والتقاليد المعروفة في القرية. أحبّت سلمان الشاب الوسيم الذي يعمل في مصر كمحاسب في إحدى الشركات الخاصة. كان كل

إجازة يأتي إلى القرية ليزور أمه وأخواته، وكان يأتي لقلبه الذي تركه في بلده، في تلك المرة عندما تقابلا خلسة عند فرع النيل وسط أشجار الخوخ طلب منها أن يأتي إلى والدها ليتقدم رسمياً لها.. سألها:

- أبوكي هيرضى بجوازنا؟

- وهيرفض ليه؟ (ردت في تعجب).

- مانتي عارفة الظروف اللي حصلت لعبتي والتجارة اللي راحت والفلوس اللي بقت على القد.

- بص يا سلمان أبويا كان يعرف أبوك كويس، ويعرف إنه كان تاجر كبير، بس اللي حصل دا كان قدر ومكتوب، فمفيش حاجة هتمنعه، وإذا كنت باصص على البيت والعربية فدا كله عادي اللي في النفوس هو هو.

- إنتي متأكدة؟

- أكيد يا سلمان ما تقلقش (مبتسمة).

أثلجت صدره وجعلت ثقته في هذه الزيجة كبيرة.. اتفقا على كل شيء وتركها على وعد منها بأنها سوف تفتح والدها في هذا الموضوع، على أن يأتي في الإجازة القادمة ليتخذا خطوة رسمية في موضوع ارتباطهما.

جلست عابدة بين يدي الحاج صلاح مستغرقة معه في حوار أخذ وقتاً طويلاً معها في محاولة منها أن تقلعه بتلك الزيجة، لم تحتج إلى أي شخص ليتدخل كي يوافق، فهي على درجة كبيرة من الوفاق مع والدها أكثر من أي شخص آخر.

- يا بابا انت عارف الحاج محمود الله يرحمه، وعارف إن سلمان من بيت عز بس اللي حصل دا كان خارج عن إرادتهم.

- أنا عارف سلمان كويس وأبوه كان صاحبي.
- الله؟ أمال انت تعابني معاك ليه يا ابو صلاح من الصبح.
يا بنتي انتي كل حاجة ليا، وما قدرش اسيبك كدا بسهولة.
- (احتضنته قائلة): ماتخافش عليّ يا حاج وانا هجيلك كل أسبوع.
- طب انتي هتسيي الهيلامان دا كله وتروحي تقعدني في شقة ٨٠ متر في
مصر؟

- بداية لحد لما نقف على رجلينا.. وانت عارف بلنتك كويس.
- براحتك أنا معودك إنك تختاري حياتك ودي مسؤوليتك وانتي حرة.
استمر حفل الزفاف حتى فجر يوم جديد، الكل كان فرحاً، حتى غادر
العروسان في منتصف الفرح إلى غرفتهما في الدار، ووسط فرحة المعازيم
والزغاريد التي لم تتوقف إلى فجر اليوم الجديد.
كانت ليلة لا توصف بالنسبة لهما، كان اكتشافهما لبعضهما من أعظم
مكتسبات القرن بالنسبة إليهما، لم يكن يتخيل أن عايدة بكل تلك الجرأة
والرغبة، ارتويا حتى منتصف نهار اليوم التالي، صعدت أمها إلى الغرفة تاركة
الطعام أمام باب الغرفة، أطعمها بيده وطبع على شفيتها قبلة استمرت
لثوان معدودة، حمد الله على النعمة التي أنعم بها عليه بزوجة يحياها
واستقرار نفسي كبير.

بعد أسبوعين قضى معظمهما في الغرفة وفي استقبال الأهل والمهنتين، ودّع
سلمان وعايدة الأهل وهما مستقلان السيارة متجهين إلى عين شمس، وأصر
السائق على أن يخرجوا من القرية بكلاكسات زفة العروسة رغم اعتراض
سلمان الذي لم يدم أمام رغبة عايدة الكاسحة.

دخل سلمان إلى الشقة، أزاح بيده اليسرى بايها وبيده الأخرى أمسك بيد عايذة التي كانت تقف تلتظره مبتسمة:

- اتفضلي يا حبيبتي.

- متشكرة.

قالتما في خجل ثم ضحكا، فاحتضنها وطبع قبلة خاطفة على شفتيها، ووضع الحقائب، ثم أغلق باب الشقة وحملها على زراعته في حركة مفاجئة. تعالت ضحكها معها في طريقهما إلى غرفة النوم، ثم استسلمت له تماماً.

في الشقة الصغيرة تبدلت الأشياء من الغرفة الخاصة لها والسرير الملكي والبيت الكبير الفسح إلى شقة صغيرة في حي شعبي مزدحم لا تزيد على ٨٠ متراً. صالة وغرفتين. غرفة للنوم وأخرى للمعيشة أو للأطفال في المستقبل القريب. تطل الأخيرة على الصالة مباشرة والأخرى تطل على ممر طويل يتفرع من الممر المطبخ والحمام.

ظهر لها مصطلح جديد في حياتها إلا وهو الشريك.. فقد أصبح لديها شريك، شريك في السرير. شريك في دلاب الملابس، وشريك في الطعام.. لم تعتد الأعمال المنزلية كسائر النساء المصريات؛ فهي ابنة الحاج صلاح لم تتفرغ إلا للمذاكرة والموضة والاهتمام بالجمال وأناقته. وبين عشية وضحاها أصبح في الشقة رجل له متطلبات ورغبات، كل تلك الأمور جديدة عليها تماماً، لكن حيا لسلمان جعلها تحاول أن تكون الزوجة المثالية التي تشبع رغباته كلها.

يعود سلمان من العمل مبكراً ينتظر طعام الغداء الذي غالباً ما يكون سيئ الطهي لا روح ولا نفس فيه، تحمل ذلك على أمل أنها سوف تتعلم، وكان من

الغريب عليه أن تكون امرأة تعيش في القرية، ولا تعرف كيف تطبخ أكلاً شهياً أو حتى عادياً.. لكن هذا كان طبيعياً، فهي عايذة محطمة كل العادات والمصطلحات الاجتماعية.. بعد أن ينتهي من الطعام تعدّ له كوباً من الشاي بالنعناع الأخضر، وبلتظرها في غرفة المعيشة على صوت أم كلثوم القادم من الراديو، تأتي له بالشاي ويجلسان يتحدثان في أمور الحياة، وما يمر عليه في العمل من مواقف كثيرة، كانت تلك هي الطريقة التي يقضيان بها وقتها سوياً كزوجين بسيطين أقرب ما يكونان ليصبحا زوجين سعيدين.

بين المجلات وأخبار الموضة والفنانين كانت تقضي الساعات الأولى من اليوم وهي وحيدة أثناء وجود سلمان في العمل، حيث كانت الإمكانيات لا تسمح بشراء تلفزيون "نصر" المنتشر في ذلك الوقت.

كان الراديو أحياناً يشغل وحدتها، وخصوصاً مع الأغاني الرومانسية الجديدة المنتشرة بشدة تلك الأيام.

في إحدى جلسات الشاي بالنعناع والراديو فاتحته في موضوع كان يشغل بالها قبل الزواج، إلا وهو مستقبلها وحياتها المهنية التي رسمتها لنفسها، قالت وهي تناوله كوب الشاي:

- أنا هتزل شغل إن شاء الله.. بابا كلم لي واحد من معارفه هيشغلي في سنترال رمسيس.

-وليه الشغل؟ هو أنا مش مكفيكي ومش مكفي طلباتك؟

- الموضوع مش كدا وبس.. أنا مهندسة وعابزة أحقق ذاتي، وبالشغل هقدر أعمل اللي بحلم بيه.

- هدفك إنك تراعي البيت وتراعي الطفل اللي هيبقي في الطريق (قالها بحدة كمن يعرف موقفها).

- ومين قالك إني مش هقدر أعمل كدا؟ وكمان دا مكالمش كلامك لي زمان!!

- انتي بقالك شهرين متجوزة متسرعة على إيه؟

وكانت لهجته قد ازدادت حدة وهجوماً، ثم نهض من جلسته ووضع كوب الشاي على المنضدة متجهاً إلى الصالة.

بصوت مرتفع قالت غاضبة:

- استنى أنا ماخلصتش كلامي.. لازم تسمعني.

أدار وجهه لها. حدقت وقالت لي ثقة:

- بص يا سلمان أنا هشتغل عشان أنا عايزة كدا وعشان أنا مش هقدر أدفن نفسي في البيت. ودا كل اللي عندي.

اقترب منها قليلاً وسألها:

- وهو أنا التربى اللي هيدفنك؟

- بطريقتك دي.. أم

قالتا وهي تسير متجاوزة المسافة بينهما لتعبر إلى الصالة ثم إلى غرفة النوم.

قالت له وهي متجهة إلى غرفة النوم بصوت عالٍ:

- أنا هبدأ الشغل يوم السبت.. مستلنية منك تقولي "مبروك".

صمت سلمان وكانت مفاجأة بالنسبة له، نظر لها وهي تجتاز الممر إلى

الغرفة، ثم تفلق الباب بقوة فأحدثت صوتاً كبيراً اهتزت له الشرفات في

الشفة، واهتزت معها رجولته وكبرياؤه.. بات سلمان لهلته في غرفة المعيشة

متجنباً الاقتراب منها أو التحدث إليها أو كما يعتقد كنوع من أنواع العقاب.

مزبومان.. ثلاثة.. أسبوعان.. كل ذلك وهو يعتقد أنها ستلين، وتبدأ الحديث معه، ولكن هيات، ظلت على موقفها، تسلّمت الوظيفة الجديدة دون اعتراض منه، فهو مسالم أراد ألا تتطور الأمور أكثر من ذلك، تركها تذهب إلى العمل، ولكن لاحظ شيئاً جديداً عندما بدأت فيه، لاحظ أنها أصبحت أكثر اتقاناً في الطعام، وأيضاً اهتمت بكل واجبات المنزل على عكس ما كان، أيقن أن ذلك من الممكن أن يكون لها وفوداً للاهتمام بالمنزل والأولاد في المستقبل، وقرر أن يتنازل عن موقفه مؤقتاً وكسبت هي أول معركة لها معه، لم يتحمل البعاد والخصام كثيراً فهي قادرة على ذلك لسنين إذا أرادت، أما هو فحاول أن تعود المياه إلى مجاريها، ولكن بطريقة لا تدل على ذلك، فذات مرة ذهب إليها متحدثاً معها بصراحة مصطنعة:

- فرح عادل صاحي بكره في الجيزة.. هنيحي معاها؟

قالت بعزم:

- هفكر وهرد عليك.

وكانها كانت تنتظر تلك المبادرة فقط لتلتبت له أنها قادرة على الاستمرار في الخصام إلى أبعد مما يتوقع، ندم على قوله ذلك.. كان لابد أن يعطي فرصة لكرامته، في كل مرة تهزمه في معركة مختلفة كبيرة أو صغيرة، لكن هل سيتحمل كثيراً؟

يقول علماء علم النفس إذا مرّ العام الأول في الزواج دون مشكلات كبيرة تحدث شرخاً في العلاقة الزوجية، فذلك مؤشر على نجاح العلاقة.

رُزقا بطفلهما الأول وفيهما يبدو ذات المسافة بينهما، كان سلمان دائماً يحاول أن يحافظ على قوام هذا البيت، لكن عابدة كانت لا تكترث بذلك.. كانت

تهتم بطفلها وأيضاً بوظيفتها، وخصوصاً أنها في خلال عام واحد أصبحت من أهم مهندمي الدعم الفني في السنترال. بينما سلمان انهمك في وظيفته كما هو لا يتقدم إلا قليلاً.

وقف سلمان وبجواره محمود شفيق عابدة الأكبر في السرادق الكبير ليستقبل المعزّين الذين قدموا لعزاء الحاج صلاح شعبان الذي وافته المنية صباح ذلك اليوم البعيد. كانت صدمة قوية لعابدة.. امتلأ السرادق بكل المعارف والأصدقاء والأقارب وأهل القرية، واستمرّ العزاء لمدة ثلاثة أيام. ظل الناس يأتون إلى الدار حتى نهاية الأسبوع. وكان على سلمان أن يعود إلى القاهرة: لكي يتابع عمله. أما عابدة فأبلغت مديرتها أنها ستتمد إجازتها إلى نهاية الأسبوع التالي.

ورثت عابدة من أبيها أموالاً تقدر بنصف مليون جنيه. وبحسابات عام ١٩٨٦ فهي ثروة طائلة بين يدي سيدة لم تتجاوز الخمسة والعشرين عاماً من عمرها. أيقن سلمان أن الفارق قد اتسع كثيراً. وأن ذلك لم يرجح كفته بعد أن أصبحت العلالة بينهما تقاس مؤخراً مادياً. فاتخذ القرار بالسفر إلى الكويت: حتى يستطيع أن يمدل الموازين التي انقلبت. وهو في نفسه متخذاً قراراً أنه لن يعود إلا إذا كان آخر شيء. يستطيع أن ينطلق من خلاله إلى الأعلى بصاروخ يهترق السماء إلى الفضاء الفسيح الذي يرى فيه الكواكب الدائرة حول الشمس. سهود ليكون تلك الشمس التي ستدور الكواكب المظلمة حولها لتستمد منه الضوء.

الفصل الثالث "اسمه مالك"

الجيزة - ٢٠٠٩

مقر جرنال الساعة

خلية نعل تعمل داخل أقسام الجرنال، المقر عبارة عن شقتين متجاورتين بإحدى العمارات القريبة من ميدان المساحة بالدقي.. الكل يعمل وفقاً لما هو محدد له ووفقاً لاختصاصاته، ووفقاً لما يرسمه الرجل ذو القبضة الحديدية.

في آخر الردهة مكتب كبير بواجهة زجاجية تُغطيه الستائر المكتبية ذات الشرائح الطويلة التي تمنع الرؤية والإضاءة. وقف مصطفى جمال وظهر عليه الانفعال. اندفع الدم أسفل جلد الوجه وهو يلوّح إلى زهير منصور الرابض أمامه. والأخير يحاول أن يتفادى كلماته الطاعنة.. حاول معه لتصحيح الموقف ولكن هيات، فمصطفى إذا أصدر سارينة الحريق لا يطفئه إلا شخص واحد فقط. أما إذا زاد أحدهم المجادلة معه يزيد اندفاع الدم إلى وجهه فيشتاط أكثر وأكثر. قذف في وجهه الأوراق فتناثرت على المكتب والأرض. لم يحتمل زهير ما فعله مصطفى، فخرج من الغرفة، وما أن فتح الباب حتى خرج لهيب كلماته العارقة. فأسمعت من في المكتب بأكمله:

- ماشوفش وشك هنا تاني.

- يعني همشي من الجنة يا أخي؟؟

قالها وهو يلوح بيده محاولاً تفادي الحرج من الموظفين المتفرجين على المشاجرة.

التفّ الجميع حول زهير؛ لمعرفة ماذا حدث، وأيضاً لمحاولة تهدئة الرجل. ثم ظهرت من تهدي نيران الغضب والبركان الثائر، هباءً.. سكرتيرة مصطفى مدير التحرير، تمشي فتهتز الأرض ومن عليها، ممثلة امتلاء خفيفاً من النوع الذي يثير مصطفى بشدة، ويطرق بابه في أي وقت، متوسطة الجمال ولكنها تمتلك أنوثة تفجّر براكين الرجولة داخل مصطفى ومعظم الموظفين الذكور في الجريدة.

دلفت إلى الغرفة وأغلقت الباب خلفها وأسدلت الستائر حتى لا يرى أحد ماذا سيحدث بالداخل، قال قائل منهم:

- خلاص يا سيدي أهو دلوقت ههدى وهيبلى كويس.
- بس.. خليك في حالك وشوف شغلك مش ناقصاك انت كمان.
- كان الحديث في الداخل عكس ما هو متوقع ممن هم بالخارج.
- تحدث إليها وهو يتهجج ويمسح عرقه:
- ماشفش وشه تاني.. فاهمة؟
- اللي تؤمر بيه.. ممكن تهدى؟ (في دلال ورقة).
- أهدي؟؟ ابن الكلب دا ضيع فرصة للجرنال بغبانه وهيجانه وتقوليلي أهدي؟
- إزاي؟ (جلست أمامه في اهتمام).

- بعد لما تعبت عشان أجمع كل التفاصيل عن القضية يروح زي الأهل
يريل قدام مروة ويديها الورق كله: لمجرد أنه طمعان في حنة لحمه منها..
وسخ.

- طب وانت عرفت ازاي؟

- رافت الوسخ بتاع جرنال الحدث كلمي وقال كدا تبقى اتين واحد.

- هو ماتش ولا قضية ولا إيه بالظبط؟

- كله.

- كله؟

أشعل سجارته وأطلق دخانها في الهواء ثم استطرد قائلاً:

- أه- اللي ماتت دي تبقى مسنولة كبيرة في شركة معمول معروفة. ولو كنا

عملنا التحقيق دا زي ما أنا كنت شايف كنا هنبيع ونجيب إعلانات ولشتغل

صح.

- بصراحة انت عندك حق.

- أنا نمي معروقي.. دا حتى الصور أخذتها.. أهوربالة الوسخ.

- خلاص يا بوس.. ولا يملك كل مشكلة ولها حل.

نظر لها بامتعاض:

- حل؟

قالت في حماس كأنها أمسكت أول الخيط:

- وجه جديد يدخل ينخور في القضية يكون عنده طاقة وعازي يثبت نفسه.

وفي نفس الوقت موهوب، وهيساعدنا في جمع معلومات أكثر من اللي كانت

معانا، وكدا نبقى ضرينا رافت بلعبة ثلاثية زي بتوع الباسكت يعني النتيجة تبقى أربعة ليك انتين ليه.

عاد بظهره إلى الخلف، وأدار جسده بالكرسي للجهة الأخرى في تفكير عميق..

قالت في محاولة لإقناعه بما تفكر وتخطط:

- بص يا أستاذ مصطفى، فيه ولد جديد بقاله معانا أربع شهر كان جاي من طرف الأستاذ علاء وجدي.. فاكره؟

- لا مش فاكره.. مين دا؟

- اسمه "مالك".. كان نازل تمرين عندنا لمدة شهرين، وبعد كدا زهير طلب إنه يستمر كمان لمدة شهرين.

التفت ناحيتها بقوة وحدجها بنظرة استنكار:

- إنتي عبيطة؟؟ دا عيل لسه طري وجديد في الشغلانة!

- أديله فرصه وتحت إشراي.. الولد دا غريب شوية بس يطلع منه حاجات جامدة أوي. وبرضو فيه المواصفات اللي احنا محتاجينها، وهو كمان محتاج للفرصة دي أعتقد إن كده كل المعطيات بتقول إن النتائج هتكون إيجابية.

أغمض عينيه متجنباً الرد عليها كي يفكر على مهل.. انتظرت لثوانٍ حتى يجيب عليها.. فتح عينيه ناظراً إليها قائلاً:

- انصرفي بمعرفتك المهم إن الموضوع دا بتغفل بطريفة مميزة مع إنني أشك.. ما عنديش اختياراتاني أهو يمكن يطلع منه حاجة.. أديله الورق دا وقوليله يبدأ يحط الخطوط العرضية اللي هيمشي عليها ويبهي يورهالي.. ماشي؟

نهضت كالمنتصرة فرحاً، أشار إليها أن تلمم الأوراق المتناثرة على المكتب والمتناثرة أيضاً على الأرض، انحنت حتى تلتقت الأوراق، فكشفت بذلك عن

موطن من مواطن أنوثتها العديدة، التهمها مصطفى بنظرة، بينما تابعت هي
بابتسامة خبيثة:

- ماتلقش كله هيمشي زي مانت عايز.

أسرّ كلامه ولم يعلنه إلى أذنها:

- طب أقلق ازاي وانتي موجودة؟

اتجهت إلى الباب وطرفات الكعب تصنع إيقاعاً منتظماً، التفتت إليه
ورسعت على وجهها ابتسامة لتؤكد لنفسها أنها انتصرت لهذا الوجه
الجديد.

على المقهي المجاور للجرنال جلس مالك في ركن بعيد يكتب بعض ما يمليه
عليه الخيال في مفكرته الخاصة بالأفكار وتدعى (متسلسلة الأفكار).. الكل
حوله شغوفون بمتابعة أخبار كرة القدم، وهو لا يكثر كثيراً لتلك الأخبار..
دائماً يفضل الجلوس وحده يكتب ويرسم بعض الأشكال كعلامة على الأجزاء
المهمة التي كتبها.. نظر في الأفق البعيد ثم نعى رأسه واضعاً قلمه على الورق
وبدأ يكتب.

المتسلسلة كما يحب أن يطلق عليها عندما يسأله أحد عنها دائماً مليئة
بالأفكار والقصص القصيرة وأرائه فيما يدور في المجتمع، وبعض أشعار
نجيب سرور وجاهين وبيرم، وبعض أرائه في روايات نجيب محفوظ، وأيضاً
قصص يوسف إدريس وإبراهيم أصلان، وبعض المقالات المفضلة لعمر
طاهر، ينقل كل هذا على صفحته على "فيس بوك" والتي لا يزورها إلا
القليل، كتب على صفحته:

يقول مورفي: (الفوضى تريح دائماً لأنها أفضل تنظيماً)¹.
وأقول أنا: اصنع الفوضى.. تحصل على أعلى الدرجات من الذين عاشوا في
الظلام.. تلك الفوضى الخلاقة هي في الأصل خطة محكمة الصنع، إذاً لا تطلق
عليها فوضى، إنما يجب أن تطلق عليها "الحدث المعاكس".
غزبل المجتمع داخل مفاهيم خاطئة، يسير كل شيء على ما يرام.. تلك هي النظرية.
اصنع ظمات للأعين حتى تستطيع أن تلتقي أنت وفريستك في مكان هادئ قابل
للتقاش المفترض، من طرفك فقط بالطبع.
اغتم تلك الفرصة، وانتم من الأصوات العالية المتحركة دائماً في الأشخاص،
فالمجتمع لا يستطيع أن يحتمل كل هؤلاء المتحكمين ذوي الأيدي الطويلة الرفيعة
والقادرة على أن تسرق الكحل من قلب العين.
لا تتعاطف مع الفريسة، فتلك هي الفرصة الجيدة.. ما أن تصنع "الحدث المعاكس"
حتى تصل إلى الغرض المنشود.. سيحكم المجتمع كثيراً عن الفرائس المتناثرة لحومهم
ودماؤهم على شاطئ النهر، ثم اصنع تشيتاً آخر....
سيأكل النهر اللحم ويشرب القاع الدم المعسول....

مالك سلمان

قطعه في خضم كتابته صوت القهوجي:

- تشرب حاجة يا بيه؟

¹ قانون مورفي: هو مجموعة من الأمثال الشعبية معظمها كوميدية وخيالية وتلعب إلى الكابتن
أدوار مورفي والذي كان يعمل مهندساً في مشروع قياس مدى احتمال الجسم البشري للتباطؤ
المفاجئ للسرعة

- هات لي عناب ساقع.

الحبر ينتشر على يده، يرتدي بنطلوناً من الجينز وقميص كاروهات وشنطة جلد كروس تحتضنه من أعلى، يكتب بهم وكأن المعلومات سوف تطير من رأسه إلى السماء حالاً.

يذهب مالك إلى المقهى في أوقات الراحة التي يمنحها له زهير منصور رئيس قسم الحوادث، لم يكن يعلم بعد أن زهير أصبح خارج قسم الحوادث، بل خارج الجرنال نهائياً.

حلم مالك لن يتوقف، خاصة بعد أن أمر مصطفى مدير التحرير أن يتدرب في قسم الحوادث.. هو يعلم جيداً أنه سيحقق ما يحلم به.. حاول مالك أن ينسجم مع مجموعة العمل ولكنه فشل تماماً، هم لا يرحبون بكل ما هو جديد داخل هذه الجدران، وهو لم يبأس ولن يبأس في صنع ما يتمناه، لكن ظل "هاني" هو أقرب الأشخاص إليه.

لم تمر ثوانٍ على مقاطعة الفهوجي لأفكاره حتى رن هاتفه المحمول.. حملت الشاشة اسم هنا السكرتيرة:

- ألو.. ازك يا هنا؟

- لولو ازك يا حبيبي؟ عامل إيه؟ إنت فين؟

- أنا في البريك بتاعي.. خير؟

- كل خير إن شاء الله إنت خلص اللي وراك وعدني عليا في المكتب، ماشي يا قمر؟

- يا رب يكون خير فعلاً!

- ماتقلقش يا حبيبي.

أسرع مالك إلى مكتب هناك، استقبلته بابتسامة أنثوية عريضة. شرحت له ما اتفقت عليه مع مصطفى جمال، لمعت عيناه وشعر أن الفرصة جاءت إليه أخيراً.. تسلّم من هناك نسخة من الأوراق الخاصة بالقضية، والتي كانت بمثابة مفتاح لسرداب عميق ليس به أي إضاءة إلا هذه الأوراق.

أسرع إلى مكتبه وبدأ في قراءة الأوراق التي أمامه، أبدى اهتماماً كبيراً بكل تفصيلة وبكل كلمة مكتوبة، أخرج من حقيبته متسلسلة الأفكار وبدأ يكتب:

بقلم "مالك سلمان":

- "منذ أن هبط آدم إلى الأرض وكان أول ذرياته هو من خطط لأول جريمة قتل، فاتبعه أبناؤه حتى صرنا الآن أمام جريمة قتل لا تقل بشاعة عما فعله قابيل في أخيه هابيل، الأحداث غريبة حركت الكثير والكثير من الآراء في المجتمع.. جريمة قتل بتلك البشاعة والعنف والاعتصاب، جديد كل هذا على مجتمعنا المصري، كيف نقبل بها؟ هل مازالت السلطات حائرة أمام تلك الجريمة، أم ستفعل مثلما فعلت في جريمة مذبحه بني مزار التي راح ضحيتها أكثر من عشرة أفراد والتي وقعت في عام ٢٠٠٦ وفي النهاية يظهر القاتل على أنه مريض فصام ولم يُعرف حتى الآن من هو القاتل الحقيقي؟

القتيلة في العقد الرابع من عمرها تعمل مديراً لقسم الدعم الفني في إحدى أكبر شركات المحمول، وأم لفتاة عمرها أربعة عشر عاماً، القاتل كان يتبعها جيداً ويعرف ما هو روتينها اليومي، اختار اليوم الذي سافرت فيه ابنتها إلى ألمانيا في رحلة صيفية مع مدرستها.. أسأل الآن لماذا قُتلت؟؟ وهل وراء كل ذلك يد خفية؟؟ نحن هنا لن نلتظر التحقيقات.. وأنا وفريق البحث معي سنتحرك لمعرفة تفاصيل أكثر عن تلك الجريمة البشعة، وسأقدم لكم على

صفحات الجرنال سلسلة حلقات لكي نكشف من هو القاتل الحقيقي، لذلك أرجو من سبادتكم أن تدعمونا لكي ننقل لكم الحقيقة وحتى نزيح من مجتمعنا ما يسبب مثل هذه الجرائم".

على الفور وافق رئيس التحرير على تلك المقدمة، كان رهان هناك كاسباً، اختار مالك طريقة يرى أنها جديدة في التحقيقات الصحفية في جرائم القتل ويأمل في أن يتابع القراء تفاصيل الجريمة عبر صفحات الجرنال.

تفاهل مصطفى قليلاً وسرعان ما طلبه إلى مكتبه، جلس مالك أمامه في كل ثقة، تبادل أطراف الحديث حول التحقيق، كان أهمها تلك المقدمة التي وافق مصطفى أن تنشر في الطبعة الأولى للجرنال في صباح اليوم التالي، لم يتوقع مصطفى أن هذا الشاب الرابض أمامه سيكتب عن هذه الجريمة، حتى تلك اللحظة لم يطمئن قلبه إلى أن مالك سيفعل ما لم يستطع زهير أن يفعله، ورغم فارق كبير في الخبرات، إلا أنه ينتظر منه المزيد عن تلك المقالة، سأله وهو يفوض في مقعده أمام المكتب:

- أنت ازاي جت لك الفكرة دي؟

رد مالك بكل ثقة:

- فكرت إن القارئ لو حس إن التحقيق هيبقى على شكل رواية أو قصة، وكل يوم أو أسبوع حلقة هيتابع كويس للجرنال دا غير الإعلانات اللي هتيجي.. أنا كل دا بعاول أعمل حاجة للجرنال.

سأله ثانية في مراوغة ومحاولة لرعزعة ثقة مالك في نفسه:

- وانت واثق منين إنك هتقدر تجيب المعلومات اللي هتكتب بها؟ لو أي شيء، مش صبح الجرنال هيفقد مصداقيته.

- أنا واثق من اللي مكتبه وكمان كل صحفي له مصادره (بايتسامه ثقة).

ضحك مصطفى حتى سعل قائلاً:

- صحفي؟؟ هما كلهم ٤ شهور خلاص بقيت صحفي؟!

وقف مالك من جلسته وبدا عليه الامتعاض:

- ايه يا مالك وقفت ليه؟

- بص يا أستاذ مصطفى اسمح لي أقول لك إنه مش من الذكاء خالص

أستهنون بقدرات اللي قدامي..

تعجب مصطفى من جراءة مالك لي لكه بتلك الكلمات:

- مش من الذكاء. فصدك إيه يا ابني. وضّح كلامك؟

- معلش يا أستاذ مصطفى. مضطر أستاذن عندي شغل كثير بخصوص

القضية دي.. عن إذتك.

رمقه بتفرس وهم أن يرد عليه، لكنه أثار الانتظار وأشار إليه بالانصراف.

خرج مالك من غرفة مدير التحرير وقد ظفر بأول معركة يتحدى فيها

مصطفى. وبيثبت أنه جدير بما أوكل اليه من مهمة يرى أنها تحتاج إلى مجهود

كبير.. دلف إلى الردهة فوجد هناك قبالبته، قالت له في نعومة:

- ها نقول مبروك؟

- أجلها لحد لما الموضوع يكمل.. وساعتها هنحتفل احتفال كبير.

- أنا أتمنى إنك تبقى أحسن واحد في الجرنال.

اقترب منها حتى أصبحت المسافة بينهما لا تتعدى سنتيمترات قائلاً:

- شكراً.. بس غريبة إن مصطفى هو اللي كلمني مش زهير.

ابتسمت له:

- زهير مشي من الجرنال النهارده. وأنا أقنعت مصطفى إنك انت اللي تمسك الموضوع دا مكانه.

- غريبة!! مشي؟؟

قالها بتعجب شديد.

- أنت عارف الغلطة عند مصطفى بفورة.

- ليه إيه اللي حصل؟؟

- ورق القضية اللي معاك كله راح لجرنال الحدث. واحدة شغالة هناك اسمها مروة وقَعته وأخذت منه كل حاجة لها علاقة بالقضية حتى صور هاتي اللي صورها.. وطبعاً انت عارف زهير رتل على البت وسلّم لها.

- انت هتقوليلي على زهير.. عموماً مصائب قوم عند قوم.

اقتربت إليه ووضعت يدها على صدره:

- المهم انت خد بالك من نفسك ماشي؟

أزاح يدها بهنوء وابتسامة هادئة:

- ماتقلقيش.. سلام.

اتخذ ميدان التحرير قبلة له بعد أن تحرك من ميدان الدقي متجهاً ناحية شارع النيل. هاتفه "هاني" صديقه المصور بقسم الحوادث بعد نصف ساعة من رحيله قائلاً:

- ماكنش دا اتفاقنا.

- طب قول سلام عليكم الأول.. اتفاق إيه؟

- إنك تولع الدنيا كدا من أولها.. قولي هتكمل ازاي؟

- هو الخبر لحق ينتشر في الجرنال؟ ربنا يسامحك يا مصطفى.. بص يا هاني
أنا تعبت كثير عشان أوصل للموضوع دا، ولا انت لميتت زهير عمل فيها إيه؟
لو انت عايز ترجع في كلامك واتفاقك أنا ماعدبش أي مشكلة.

حاول هاني أن يتجنب الصدام:

- الموضوع مش كدا.. بس أنا خايف إن الحوار يتطور.

- ماتلقش كله تمام.

كان هاني سمير مصوراً بالجرنال في قسم الحوادث، تصادق هو ومالك بعد
أن أتى الأخير بفترة قصيرة. كانت البداية بهما عن طريق الصور القديمة
التي يعشقها مالك، فوالد هاني كان مصوراً فوتوغرافياً، بدايته كانت أيام
عبد الناصر. ذاع صيته كمصور عندما افتتح ستديو صغيراً في منطقة
عابدين، حيث اشتهر بتصوير الأماكن الأثرية والشوارع والمنازل القديمة ولم
يكن ذلك معهوداً وقتها، يملك أكثر من ٢٠٠٠ صورة لمصر قديماً، حصل
مالك على جزء من الصور واحتفظ بها على جهاز اللابتوب الخاص به.

يسكن هاني في أحد الشوارع الضيقة في منطقة الطالبة بالقرب من حي
العمرانية، بيت متهاك قديم لا تزيد مساحته على ٦٠ متراً يقطنه هو واثنتان
من أخواته، والده مريض غير قادر على العمل مثلما كان في السابق، أمه
تكافح لكي يبقى البيت كما هو دون انهيار، لم يجد الاهتمام الكافي ممن
حوله، فأوجد لنفسه عالماً خاصاً يصنع فيه وجوده الذاتي، وجده داخل
هذا الصندوق الأسود ذي العدسات، قرر أن تكون بدايته عكس ما بدأ
والده، فكر في كسب المال دون الفن، ابتاع في بداياته كاميرا ليست على
المستوى التقني المطلوب وبدأ في تصوير الأفراح، تعلم من أحد أصدقائه

كيفية تعديل الصور على برنامج الفوتوشوب، بدأ في هذا المجال بعد أن أنهى دراسته الثانوية الصناعية، كانت بدايته في قاعة الأفراح الخاصة بنادي الطلبة، كان يلجّ على مدير القاعة حتى يشارك المصور الخاص بالنادي، حتى وافق المدير أن يساعد المصور الخاص للنادي في الأفراح التي يكون فيها أعداد المعازيم كبيراً وبالفعل بدأ، وكانت بداية جيدة له.. اجتهد حتى تعرف على سارة التي فتحت له أبواب دخوله إلى عالم الصحافة.

كان يوم صلاة الأحد بالكنيسة، ذهب وصلى وأحضر معه الكاميرا الجديدة ذات التقنية العالية التي ابتاعها بعد عام كامل من العمل بالنادي.. بعد أن أدى الصلاة تجول في ساحة الكنيسة وقاعتها ليصور بعض الصورة.. رآته فاتجهت إليه وتعرفت عليه، تعجب من جراتها في البداية، عرفت منه أنه يعمل مصوراً للأفراح في أحد النوادي، فطلبت منه أن يحضر الأحد القادم لكي يصور فرح ابن خالتها بنفس الكنيسة سألته:

- ممكن أعرف هتاخذ كام؟

- خليا بعدين مش هنختلف.

وبالفعل قام بالمطلوب منه على أفضل وجه ممكن، وركّز عليها في التصوير وصنع لها ألبوماً خاصاً يضم صوراً لها في الفرح.. سأل نفسه هل هذا حب أم إعجاب؟؟ أعجبت سارة بالصور كلها، رفض أن يأخذ منها مقابلاً، ألحّت عليه فوافق على شرط أن يحصل على نصف المبلغ، بعد أسبوع تلقى اتصالاً هاتفياً منها، سألته إذا كان يفضل أن يعمل في مجلة فنية أم لا، وافق دون تفكير، عمل يضمن منه دخلاً ثابتاً بجوار عمله مصوراً للأفراح.

بدأ يذيع صيته كمصور للأفراح. انتظر أن تتصل به. ولكنها لم تفعل. ظن في بادئ الأمر أنها تبادله إعجاباً ما لكنه خاب ظنه.

أثبت نفسه في المجلة. وأصبح من أهم المصورين بها، ولكن تأتي الرياح بما لا تشتهي السفن. أغلقت المجلة وأنتت عملها نهائياً. فعاد مرة أخرى إلى تصوير الأفراح وتفرغ لها. حاول أن يقرب من سارة. لكنها أهملته ولم تبال بما يشعر به في داخله تجاهها. طلبها على الهاتف بعد تردد كاد أن يقتله وطلب منها أن تقابله لكنها رفضت.

تعرف هاني بعد ذلك على "زهير" في أحد الأفراح. طلب منه أن ينضم إلى فريق العمل في جرنال "الساعة". لم يتردد. كل هذا وهو يحاول أن يثبت لنفسه وللآخرين أنه ناجح وموهوب. وأن يثبت لسارة أيضاً أنه كان جديراً بها.

في كل مرة كان يحاول معها فما كانت يوماً تصده. ترفض مقابلته باستمرار. أحس أنه أصبح ثقيلاً عليها. فآثر الهير لكرامته وابتعد.



أكمل مالك دربه أمام دار الأوبرا في طريقة إلى المقهى الذي يفضل الجلوس عليه في وسط البلد. وصل إلى مقصده وجلس في ركن بعيد يفضلته. أحضر له حسن المشروب المفضل لديه وبدأ يفكر ويكتب في متسلسلة الأفكار. بدأ يرسم الشكل الذي يضعه أمام الأفكار أو المقالات المهمة. رسمه بوسط الصفحة وكتب في أسفل الرسم.. "فضية اللسر القناس".

في وسط كل هذا الضجيج الذي يملأ رأسه من تصارع الأفكار التي تنهمر كالشلال قرر أن يفاد المقهى نظر إلى ساعة هاتفه المحمول تجاوزت الثانية

عشرة بعد منتصف الليل تخطى شارع شامبليون سيراً، كان الطريق يزينه
إنارة أعمدة الإضاءة الصفراء، وكانت بعض الكلاب الضالة تلبح من بعيد..
ظهر في الأفق البعيد التمثال الرابض في وسط الميدان للشهيد عبد المنعم
رياض، كان اليوم يمثل له الكثير، استحضر إلى ذهنه بعض المعلومات التي
كانت في الأوراق الخاصة بالقضية، تأكد أنه يريد مساعدة صديقة فبحكم
العلاقة القريبة بينهم سيكون الأمر هيناً عليه للوصول إلى ما يريده.



الفصل الرابع أول الحكاية

قبل الحادث بأربعة أشهر

غرفة كبيرة يتوسطها مكتب خشبي، على سطحه من اليمين توجد فائنة من الأوراق المنتظرة للإمضاءات داخل ملف خاص، إلى اليسار يوجد جهاز اللاب توب، وخلف المكتب على الحائط يوجد برواز كبير أسود داكن يحيط بشهادة كتبت باللغة الإنجليزية، على يسار الشهادة الشعار الخاص بالجامعة الأمريكية كتب في منتصفها من الأعلى باللغة الإنجليزية "ماجستير في إدارة الأعمال". ومن أسفل هذا العنوان بقليل كتب باللغة الإنجليزية بالخط السميك "نسرين وهبه أنيس". في يمين الغرفة يوجد منضدة من الخشب دائرية الشكل للاجتماعات يحيط بها أربعة كراسي من الجلد، وفي جهة اليسار يوجد شبك كبير يسمع بإضاءة الغرفة نهاراً.

دلفت إلى الغرفة وجلست إلى المكتب، التقطت يدها القلم واليد الأخرى التقطت هاتف المكتب، واتصلت بعامل البوفيه وطلبت منه أن يعد لها كوب النسكافيه المعتاد، أغلقت الخط ثم وضعت أصبع السبابة على الماوس الخاص للاب توب فأضاءت شاشته، كتبت اسم المستخدم وكلمة السر.. فتع الجهاز.. استعرضت البريد الإلكتروني الخاص بالشركة، وجدت ٦ رسائل غير مفروءة وصلت إليها أثناء اجتماعها الأسبوعي مع فريق العمل، تعمل "نسرين" مديرة لقسم الدعم الفني لدي إحدى أكبر شركات شبكات الهواتف المحمولة في مصر.. منضبطة في العمل.. تحب الصراحة.. تتجنب

كل ما هو قببح الكلام. تمتلك سيارة (BMW) موديل العام بسائق خاص. تهتم كثيراً برشاققتها وجمالها وأنوئتها. ترتدي جيب رمادي قصيرة إلى الركبة وقميص أبيض وجاكت رمادي.. صوتها هادئ وناعم. نظرات عينها ذكية وأسلوبها في الحديث إلى الآخرين قوي المنطق و متماسك. كل هذا جعل منها أسطورة داخل الشركة.. حاول الكثيرون من زملائها التقرب إليها بعد الطلاق. ولكنها أثرت أن تحتفظ بحياتها لنفسها ولابنتها ذات الأربعة عشر عاماً. وراء كل هذا تختبئ شخصية قوية ذات سيطرة كبيرة. فإذا أمرت أطيعت. طاقم العمل معها مكون من خمسة عشر شخصاً أربعة فتيات واحد عشر شاباً.. أكثر الأفراد في المجموعة مقرب إليها كانت "يارا". تعمل معها منذ سنتين. اختارتها ضمن ثلاثين فرداً تقدموا إلى الوظيفة. التي كانت شاغرة قبل أن تنالها يارا.. سرعان ما تعلمت من نسرين أسلوب إدارة الشغل واكتسبت منها خبرة كبيرة وواسعة.

تخرجت "يارا" في كلية الحاسبات والمعلومات بتقدير عام جيد جداً. كانت تعمل في الماضي في إحدى الشركات المسؤولة عن صيانة أجهزة الاتصالات اللاسلكية لمجموعة شركات عقارية. لكنها لم تشعر بأن موقعها هذا قد يحقق أياً من أحلامها في المستقبل. حتى وجدت ذات يوم إعلاناً بجريدة الأهرام عن الوظيفة التي تعمل بها الآن.. تقدمت إليها واجتازت الاختبارات. وتجاوزت أيضاً مقابلة نسرين الشخصية. والتي تعدّ أصعب المقابلات.

بعد عام من العمل نشأت بينهما علاقة قوية. لم تكن كعلاقة بين مديرة واحد أفراد طاقم العمل معها. لكن كانت علاقة احتياج كل منهما للأخرى. يارا تشعر داخلها أن نسرين تعوضها عما تفتقده في أمها. ونسرين تستمع

إلها تصادقها وتشاركها الفرح والحزن. أما أمها الحقيقية فهي لا تبالي بكل ذلك. لم تكن تستمع إلها ولا تهتم بما يحزنها أو يجعلها سعيدة. والدها سافر للعمل في السعودية منذ أن كانت في الرابعة من عمرها. يأتي لزيارتهم مرة كل عام لمدة أسبوعين. فلا يشاركونهم حياتهم.. تهتم أمها بأخواتها الصغار فقط وترى أنها لا بد وأن تحمل معها مسؤوليتهم!!

أما نسرين فكانت ترى في يارا الأرض الخصبة التي تستطيع أن تزرع بداخلها بذرتها. لكي تصبح شيئاً فشيئاً شبيهة لها. تضمن من ناحيتها الإخلاص والوفاء والالتزام.. أجادت التعامل معها واستطاعت خلال العامين أن تستحوذ عليها تماماً وأن تضمن ولاءها اللانهائي..

بينما كانت نسرين تستعرض باقي الرسائل على بريدها الإلكتروني كانت يارا وعمر بعدان أوراق المشروع الجديد الذي فازت به الشركة بعد معاناة: بسبب المنافسة الشرسة بين شركتها والشركات الأخرى التي تعمل في نفس المجال.

تقدمت يارا بخطوات ثابتة إلى مكتب نسرين.. الطريق يتناثر على جانبيه مكاتب كثيرة كل مجموعة مقسمة إلى أربعة مكاتب متلاصقين متواجهين يفصل بينهم من التواجه حاجز لا يتعدى نصف المتر. يستغله بعض الموظفين في تعليق صورهم الشخصية. وآخرين في تعليق أوراق صغيرة صفراء مكتوب فيها ما يكرههم بما هو مطلوب منهم.

طرقت "يارا" الباب. فأخذت الإذن بالدخول. قابلتها "نسرين" بابتسامة. ثم أعادت النظر إلى شاشة اللاب توب. سألتها وهي تنظر إلى البريد الإلكتروني: - ها.. أخبار المشروع الجديد إيه؟؟ وصلنا لفين؟

اقتريت يارا إلى المكتب وهي تجربها:
- المهندس علاء عمل معاينة للموقع وفي خلال ٣ أيام هيبدأوا التركيبات هناك.

أكملت نسرين الحديد معها. وهي مازالت معلقة نظرها بالشاشة:
- جميل.. بناخذ خطوات سريعة.
- الحمد لله.

- المشروع دا مسؤوليتك انتي وعمر. هتكولي المديره بتاعته.
ثم نظرت إليها مبتسمة:
- اتفقنا؟

- ماتلقيش يا نسرين كل حاجة هتمشي زي ماني معودانا وزي ماني عايزة.
قالت لها وهي تغمز بعينها اليسرى:
- قوليلي.. أخبارنا العاطفية إيه؟
- مالناش غير الصبر!

- صبر إيه يا بنت؟؟ إنتي زي القمر.. بصي خيلنا نتكلم في التفاصيل لما تعدي
عليها النهارده في البيت نتفدى مع بعض.. ماشي؟
Ok -

- أه على فكرة. "ماهي" زعلانة منك عشان أحرمة مشيتي وهي كانت نايمة.
وكانت عايذاكي تصحها وتسلم عليك.
ابتسمت في وداعة قائلة:
- أنا لما حاجي النهاردة هاصالحها.
- خلاص هستناكي.

- مش عايزة حاجة تانية؟

- لا خلاص سيبيلي الورق اللي معاك عشان أمضيه قبل لما أمشي.

- أوكي.. عن إذتك.

- اتفضلي.

اتجهت يارا إلى مكتبها. جلست وبدأت تتصفح الرسائل الإلكترونية. وتصفححت بعد ذلك صفحتها على الفيس بوك. قالت وهي تسرح حديثها إلى نفسها:

- لسه لحد دلوقت ماعملش أكسبت.. براحتة شكله كدا مُتعَب ولفاكر نفسه حاجة.. منك لله يا هيثم إنت الصبب في المعرفة دي.. بص برضه مش هو الصبب إني أعجب به.. عموماً أنا كده هتعامل معاه بنفس أسلوبه.

أغلقت صفحتها واتجهت إلى عمر. أخبرته بما قالت له لها نصرين بأن المشروع سوف يقع على عاتقهما. أدخل هذا الاختيار السرور إلى عمر. وشعر أن نصرين بدأت تلظر له بعين الاهتمام بعد عام من العمل معها. وشعر أن الفرصة قد أتته. ولا بد أن يثبت نفسه لها.. قال وهو يمسح نظارته الطبية بالمنديل:

- تفتكري كدا إن نصرين هتبدأ تكبرني في الشغل.

ابتسمت قائلة: إنت مش واثق في نفسك ولا مش واثق فيها؟ بص.. لو انت مش واثق فيها فتيقى انت غلطان.. أما لو انت مش واثق في نفسك فيبقى تروح تتعالج يا عموري.

توقفت يداه عن تلميع النظارة ونظر لها قائلاً:

- هتشوفي يا يارا مين اللي مش واثق في نفسه وعايز يتعالج.

تعالى ضحكاتها فأسمعت من حولها قائلة:
- ماشي يا عمر.. بس أهم حاجة عند نسرين القواعد الاثني عشر اللي أهم
اتنين فيهم الإخلاص والوفاء.. فاهم؟؟ الإخلاص والوفاء.
- يا ستي فهمت خلاص هبقى أولى من الكلاب.
اقتربت منه قائلة:
- توتوتوتو ماتقولش على نفسك كدا.
- لا مانا قلت خلاص.

بعد موعد العمل كانت يارا تتخذ طريقها إلى منزلها بالهرم بعد يوم حافل
بالعمل الشاق. كانت قد انقطعت مع نسرين أن تحضر إليها للمنزل في تمام
السادسة مساءً بحي الزمالك حيث تسكن نسرين خلف فندق الماريوت
مباشرة.
في تمام الخامسة والنصف استقلت يارا تاكسي متجهة إلى هناك. كانت قد
ابتاعت كتاباً جديداً هدية كي تصالح مامي ابنة نسرين. فهي تعرف أنها تحب
القراءة. ابتاعت رواية "مومو" للكاتب الألماني الشهير "ميشيل أند" .. أعدت
نسرين الجلسة التي تطول بينهما. وأخبرت ابنتها أن يارا ستأتي ليتناولوا
الغداء سوياً.
استقبلت مامي يارا بالترحاب والقبلات. فهي تشعر أنها أختها الكبيرة التي لم
تنجها أمها.. جلستا في الصالة بالقرب من الشرفة الواسعة المطلة على
الفندق من الخلف. كان هواء النيل يداعب خصلات شعرهن.. فرحت مامي
بالهدية قائلة:

- أنا أصلاً بحب الرواية دي قووي يا رايو.

- أنا قولت لازم أصالعك بحاجة انتي بتحبيها.

- ميرمي قووي ليكي..

ثم قامت وطبعت على خدها قبلة امتنان.

انفردت نسرين بهارا لتتحدث معها في أمور خاصة بها. سألتها نسرين إكمالاً

لآخر حوار دار بينهما منذ يومين:

- لسه مخاصمة مامتك؟

نظرت لها باراً وردت في ضيق:

- نفسي في مرة واحدة ماما تتعامل معاها زي مالتني بتعاملني معايا.. أنا كل

اللي عايزاه منها إنها تسمعني. تهتم بها وبمشاكلي.

بصي.. مامتك مش هتتغير. هي كدا من سنين. وكمان والدك مش موجود.

فمحدث هيتكلم معاها ويفهمها اللي هي بتعمله دا إذا كان صح أو غلط.. أنا

عايزاكي تغيري نفسك وتبقي أقوى من كدا.. مش عايزة أشوف في عنيني

نظرة الضعف دي أهدأ.. اتفطنا؟

- بس برضه..

قاطعتها قاتلة:

-عارفة.. وأنا أصفر منك كنت لسه في الجامعة. ماما اعترضت إني أسافر

بريطانيا مع أصحابي في إجازة الصيف.. عارفة أنا عملت إيه؟

- إيه؟

- صحتها الصبح على تليفون مي وأنا في بريطانيا وكنت في المطعم بتفدى

مع أصحابي!

حدقت فيها يارا في تعجب شديد:

- للدرجة دي؟

- أكثر، من ساعتها.. هي عرفت كويس قوي إني أقدر أعمل اللي أنا شايفاه صح ومناسب بالنسبة لي.

أخذت يارا تداعب خاتمها الذي يزين أصبع البنصر وتديره يمينا ويساراً.. كانت تفكر في ما قالت له لها نسرين، لاحظت أن يارا قد دخلت في صراع نفسي صعب تحتاج فيه أن تأخذ قراراً في ما يحدث لها مع أمها.. أدارت الدفة إلى موضوع آخر:

- قوليلي يا رايو أخبار لوكا إيه؟

- زي ماهو.

- هو مش اسمه مالك؟

ابتسمت لها:

- أه.. انتي لعفتي نسيتي؟

- لالا أنا مانسيتش أنا بس بتأكد.. ماتعلمنا نتقابل إحنا الثلاثة في يوم كدا؟

- حاضر.. بس أعرف أقابله أنا الأول.

الطريق مزدحم.. والمتزل بعيد.. السيارات متلاصقة ومتراصة كهيوم الحشر. والباعة الجائلون يتطفلون كالذباب على طعام مكشوف.. درجة الحرارة مرتفعة قليلاً هذا اليوم.. حاولت أن تشغل ما يهون عليها الطريق. مدت يدها إلى تابلوه السيارة وفتشت في مجموعة أسطوانات ثم انتزعت واحدة منها وأدخلتها إلى جهاز الكاسيت الخاص بالسيارة. فخرجت موسيقى

موتسارت من سماعات السيارة رويدا. أمدت رأسها إلى مقعد السيارة
وأغلقت النوافذ وأدرات جهاز التكيف، فصلت نفسها عن العالم الخارجي
تماماً، وأخذت تداعب خصلات شعرها البني المتدلي على كتفها.. مازال
الطريق مغلقاً والازدحام شديداً.. لم يكن يبدو عليها أنها قد تجاوزت الأربعين
بقليل، تهتم بأناقتها ومظهرها جيداً.. نظرت إلى اليسار فوقعت عينها على
عين شاب رابض بالسيارة المجاورة لها، نظر لها في إعجاب شديد محاولاً
مغازلتها، لم تُبال به وأعدت النظر مرة أخرى إلى الأمام قائلة في تدمر:

- عيب يا وسخ دا أنا في سن أمك.

زادت من صوت الموسيقى، ومع ارتفاع صوت الكمنجات داخل السيمفونية
زاد معدل اندفاع الدم داخل جسدها.. لم تستطع الصبر على تلك الزحمة
الخانقة.. وضعت يدها على كلاكس السيارة لتنبهه رجل المرور أن الوضع
أصبح لا يُطاق، وهو مازال مُصرّاً على غلق الطريق.. ثوان معدودة ثم فُتح
الطريق مرة أخرى، كانت قد فاض بها الكيل مما دفعها إلى أن تفتح زجاج
السيارة وتُخرج رأسها مخاطبة رجل المرور الوقف جوارها:

- خلاص شايفين شغلوكوا قوي؟

دخل كلماتها إلى أذن الرجل وكانت قد سبقته بعدة أمتار، لم يلتظر كثيراً،
أمسك دفتر المخالفات في يده ودون رقم سيارتها، وهو ينظر إليها في المرأة،
لاحظته هي الأخرى فتأبعت بغضب:

-ابقى وريني بقى يا حبيبي هتعمل بيها إيه؟

لن يستطيع فعل أي شيء، لا هو ولا غيره، تعلم ذلك جيداً.. الكل يعلم ذلك،
من يستطيع أن يقف في وجه هند جلال زوجة رجل الأعمال والمقاولات

الشهير عزت الشامي.. ليست لأنها زوجته فقط، ولكن لأن هند تمتلك شبكة علاقات اجتماعية كبيرة جداً تشمل كبار الأسماء في الدولة، والتي لها وزن كبير.. شبكة كبيرة من العلاقات تفتح الأبواب الموصدة، لا يقف في وجهها شيء ولا تبالي بأحد.. تعشق الهدايا والمجاملات الصريحة، تستغل الفرصة لمكاسب كبيرة وعبقرية في لمح البصر.. تنسلق الهرم الاجتماعي أعلى فأعلى، تريد القمة ولا شيء غيرها، وعندما تصل، تكتشف أن هناك قمماً أخرى لا بد أن تصل إليها.

وصّلت إلى العقار التي تسكن فيه، صعدت إلى الطابق الخامس.. كانت في تلك اللحظة تتصل بعزت ولكن لم يأت إليها أي رد من جانبه، قالت وهي تدخل الشقة: أكهد مع واحدة من الأوساخ اللي يعرفهم.

على الجانب الآخر كان عزت يجلس هو وسلمان في مقر شركتهما في اجتماع مع إحدى الشركات التي تعمل في مجال البنية التحتية يتفقان على إتمام مشروع وحدات سكنية جديدة بالتجمع الخامس.

نظر عزت إلى هاتفه الذي واصل الرنين فضغط على زر "صامت". سأله سلمان فلم يجبه، وأكمل حديثه في الاجتماع.. رن هاتفه مرة أخرى، فأعاد سلمان السؤال فرد عزت في حلق:

- هند-

- طب ما ترد عليها أو اقله خالص-

- لا مش هرد.. تلاقها عايزة تتكلم في أي كلام فارغ وخلص-

- خلاص أقله خالص-

- ركز انت بس مع الناس وسيبك من التليفون-

تشدق سلمان:

- براحتك.

صعدت هند إلى غرفة النوم، خلعت ملابسها ثم اتجهت إلى حمام داخل الغرفة، فتحت صنوبر الماء بالبانو حتى امتلأ.. تجردت من ملابسها، وهبطت إليه لتحتضنها جدرانه، أخذت تداعب الماء بقدميها وكانت تفكر في كيفية قضاء بقية اليوم؟ تشعر أحياناً بالفراغ، لكنها كل يوم تحاول أن تقضي عليه بأي طريقة كانت، مرة مع أصدقائها في النادي ومرة أخرى كسيدة مجتمع تشارك في الأعمال الخيرية، وثالثة تذهب إلى الشركة لتباشر بعض الأعمال بنفسها.. تمنّت أن تُرزق بطفل لكن كيف وقد تجاوزت الأربعين؟؟ إرادة الله كانت في أن يعطيها زوجاً غير قادر على ممارسة حياة زوجية طبيعية.. في بداية الأمر ومنذ خمسة وعشرين عاماً كانت قد قررت الانفصال، لكن سرعان ما تراجع عن قرارها عندما تغير حال عزت وأصبح من كبار رجال الأعمال، وزاد المال في يده، ودخلت هي في نطاق سيدات المجتمع التي تشارك في أنشطة كثيرة، مما فتح لها أبواباً من العلاقات استطاعت من خلالها تحقيق ما كانت تحلم به..

وجد عزت الطريق الذي سيجنبه الخلافات بينه وبين زوجته هند، وجد طريقاً سيختصر عليه الكثير، ويفلق أمامها أبواب طليها الانفصال، وجد طريق الهدايا والمجوهرات، الذهب والمال الذي لم تكن ترفضه أبداً، أما هي فقد رحبت بأن تسلك هذا الطريق الذي تراه جيداً لها ومناسباً تماماً لطموحاتها.

بعد الاستحمام هاتفت صديقتها منال وطلبت، منها أن تلتقيا في النادي،
سألها إذا كان في استطاعتها أن تأتي بسيارتها ليذهبا سوياً، فوافقت منال
دون اعتراض..

دلفا سوياً إلى بوابة النادي، في تمام الخامسة جلستا على منضدة في وسط
حديقة النادي يحيط بهما النجيل الأخضر وأشجار النخيل، استغرق الوقت
نصف ساعة قبل أن تطلب هند من منال أن تذهب لتجلس بجوار حمام
السباحة، وهناك قابلت كل منهما بعض الأصدقاء من النساء اللاتي لا
يبرحن هذا المكان إلا بعد أن يمارسن عاداتهن المفضلة من النسيمة ونقل
الأخبار. قالت أحدهن لهند:

- أنا مش قادرة أفهم انتي يا هند مش ماسكة منصب كبير ليه في شركة
جوزك؟

أجابتها هند في محاولة لمراوغتها:

- اللي انتي ماتعرفهوش يا قمر إني بمشي الشركة دي بالتليفون.. الموضوع
بالشخصية مش بالمكاتب.

ابتسمت صديقتها بسخرية، وأردفت أخرى قائلة:

- يا بخت من كان النقيب خاله.

- وحياتك يا قمر النقيب والقوات كلها في جيبى الصغير.

- غريبة قوي ثقتك دي يا هند.

- أنا عارفة بقولكم إيه.

علقت هند نظرها على أحد مدربي السباحة في التمرينات المسائية. شاب في أعلى الثلاثينات مقسم العضلات ذو بنية قوية. بينما كانت هند مستغرقة في تأمل هذا الشاب لاحظت منال ذلك. فافتريت منها قليلاً هامسة لها:

- إيه يا هند هو عزت مش رافع راسنا ولا إيه؟

ضحكت هند بصوت أسمع من حولها:

- وحياتك يا قمر أخره يرفع سماعة التلفزيون!

الفصل الخامس تعددت الأسباب

اخترق شعاع الشمس الحجرة المظلمة من بين ضلفتي الشباك الخشبي..
اخترق ليداعب جفونه النائمة التي كانت غارقة في دجنة الليل.. تقلب ذات
اليمين وذات اليسار. محاولاً تجنب شعاع الشمس المبتسم.. رسم الشعاع
على حائط الغرفة صورة لخطوط فتحات الشباك، وانعكست الصور على
المرآة المقابلة لسريره. حاول تجنب الشعاع بوضع الوسادة على راسه، ولكنها
لم تُجِدِ نفعاً. فتح كلتا عيناه ببطء شديد فلتشبعته حدقته بالنور، ثم ثبت
نظره إلى المرآة. قام نصف جلسة وأسند ظهره إلى السرير.. نظر إلى ساعة
تليفونه المحمول، فوجدها التاسعة وعشر دقائق. استعاد وعيه بعد أن
وجد خمس مكالمات فائتة من هناك. ومكاملة من مدير التحرير للجرنال.. نهض
من مرقده وجلس إلى طرف السرير. وضع رأسه بين راحتيه في محاولة
لاستعادة ما تبقى من وعيه.. تذكر ما حدث بالأمس.. جريمة القتل.. المقدمة
التي كتبها.. موافقة مدير التحرير.. ثم تذكر الشخص الذي يريد مساعدته
في التحقيق الذي يكتبه عنه، وجوده سيختصر عليه الطرق المؤدي إلى
مراده. أحمد خيرى.. صديق مالك القديم، فمنذ الصف الأول الإعدادي
اتخذته خليلاً له. تزاملا حتى المرحلة الثانوية، لكن مكتب التنسيق الجامعي
فرق بينهما فالتحق مالك بكلية الآداب والتحق أحمد بكلية الحقوق، ورغم
ذلك لم يفترقا طوال فترة الدراسة الجامعية، كان القدر قد جمعهما داخل

سور جامعة القاهرة.. صديقان منذ الطفولة. وصديقان في المراهقة.
وصديقان بعد أن أصبح كل منهما في مجال عمل مختلف.

بعد أن تخرج أحمد في كلية الحقوق التحق بالنيابة، وتدرج حتى أصبح وكيل
نيابة قصر النيل. والده مستشار ووالدته مديرة لمدرسة ثانوي، نشأ أحمد في
أسرة مترابطة مع أخته هديل التي يعتبرها أقرب الأصدقاء إليه بعد مالك.
استجمع مالك قواه وهاتف هناء: لمعرفة سبب مكالماتها المتكررة، لم تتجاوز
المكالمة الدقيقتين. عرف أنها كانت ترغب في أن تصبح أول المهندسين له بعد
نشر مقاله الأول بالطبعة الأولى للجرنال. لم يُبالِ بالتهنئة ارتدى ملابسه
وهاتف أحمد. وأخبره أنه في طريقه إلى مكتبه في سراي النيابة. تعجب أحمد
من تلك المكالمات المبكرة.

بعد نصف ساعة كان مالك واقفاً أمام مكتب صديقه. طلب من الرجل
الواقف أمام المكتب أن يهينه أنه بالخارج.. ثم أذن له بالدخول.. دلف مالك
الغرفة وتقدم واحتضن كل منهما الآخر. بعد السلامة والسؤال عن الأهل
والأحوال بادره مالك بسؤال:

- هتقدر تساعدني؟

- نسرين وهبه؟

ابتسم مالك ولم يعقب على إجابته:

- عايز كل حاجة متعلقة بالقضية دي.

أشعل أحمد سيجارة:

- إنت عايز ملف التحقيقات.. صح؟

- أحبك وانت قاريني.. مش بس كدا وتقرير الطب الشرعي كمان.

- ودا هيفيدك في إيه؟
صمت مالك قليلاً ثم رد:
- هيفيدني في اني أحل لغز القضية دي.
تقدم أحمد إلى ثلاجة صغيرة بجوار مكتبه الخشبي الكبير، والتقط علبة عصير معلبة، وجلس في الكرسي المقابل لمالك:
- حل الألغاز دا شغلنا يا مالك.
نظر له مالك ملياً ثم رد في إصرار:
- القضية دي هيتوقف عليها حاجات كتير في مستقبلي. ولازم تساعدني.
ثم تناول مالك علبة العصير منه..
- بص يا لؤلؤ القضية دي مش معايا، هي مع زميل ليا هنا بس هو حبيبي.
كما لو التقط مالك خيطاً مهماً في الحديث أردف قائلاً:
- حلوبيقى هبخدمك.
هو أنا أه خادمه في حاجات كتير. بس القضية حساسة قوووي وأشك إنه هيساعدني.
- ولا.. بلاش تلاعبني.. الورق هيبكون معايا النهارده بالليل ماشي؟
- سيبني بس أشوف الحوار إيه لما أكلم محمد جمعة الأول.
- كلمه دلوقتي..
- انت عايز تودبنا في داهية أصلا الورق دا ممنوع يطلع برا النيابة أو أي صورة منه. أنا هعمل كدا عشان انت صاحبي، غير كدا أروح في داهية.. أنا هكلمك جماجم ومحاول أجهولك النهارده.
تعجب مالك قائلاً:

- مين جماجم دا؟

ضحك أحمد حتى ظهرت أسنانه المتشحة بالسواد من أثر المسجائر:
- محمد جمعة إحنا مسمينه كدا عشان أول قضية حقق فيها كان القتل
عبارة عن جمجمة.

تقدم مالك لي جلسته إلى مقدمة الكرسي وهو يضحك:

- بص يا عم أنا ماليش دعوة لا بجماجم ولا هياكل.. خبري.. الفرصة دي
جاتي لي الستة ياردة ولازم أدخل جون. خلحك بقى البلاي ميكر الصبح
وباصيلي الكورة.. ماشي؟
- ماتقلفش.

نهض مالك متجهاً إلى الباب:

- خلاص أنا هسيبك لمواويلك.. مش عايز القضية دي تبقى بني مزار تانية
فاهمني طبعاً..

- ماشي يا كرومبو.. بالليل عدي عليها وبتكلم.

- الكلام انتهى هنا.. عندك هيكون الضفل.. سلام.

أحس بأنه اقترب. ومن حسن حظه أن جميع الخيوط أصبحت متدفقة من
بين يديه.. صديقه والجرنال والمعلومات التي سوف يحصل عليها في المساء..
إذا لا يوجد أي شيء يعرفه نسج خيوط القصة: لعرضها على القراء
ليعلموا إلى أين يسير المجتمع..

دلف إلى الجرنال ثم أسرع إلى مكتبه، وبدأ يدون بعض الملاحظات في
متسلسلة الأفكار. شعر بقدم أحد فأغلق الكشكول وانتظر القادم.. كانت

هنا.. جلست جواره تهنّته بالمقال.. شعر برضا داخلي وأنه قد بدأ في تحقيق أولى خطواته. تبادلنا أطراف الحديث حتى قاطعهما مدير التحرير:

- مالك. عايزك في مكتي حالا.

نظر مالك إليه ثم نظر إلى هناء بعد أن التفت مصطفى للناحية الأخرى. وخرج من الغرفة. فهمت هناء مقصد مالك:

- مش عارفة يا مالك.. روح شوفه عايز إيه.

دخل مالك الغرفة خلف مصطفى. قال مصطفى لي حنق قبل أن يجلس:
- واضح إن الداخلية زعلت.

حدجه مالك باستنكار:

- إشمعنى.. أنا اتكلمت في حاجة تضايق؟

- عشان موضوع بني مزار ده.. كمان التحقيقات في القضية دي عايزينه ياخذ شكل السرية. واضح إنه ممكن يكون فيه فرار من النائب العام بكدا.
- بقولك إيه.. يعملوا اللي عايزينه.. بكره الصبح هيكون عندك مقال تاني للقضية.

- إنت واثق من مصادرك؟

- إنت لسه مش واثق فيها؟؟؟

- لا طبعا واثق جداً.. بص.. اشتغل أنت وسيب الباقي علينا.

- اتفقنا.. عن إذنك.

ثم انصرف.

الطريق يطول به. يطول لأن الأفكار مازالت معلقة على جدار الذكريات القديمة. خطا الشاب الأبيض النحيل خطواته الأولى في منزل عائلته بين

اهتمام الأم وسفر الأب وانشغاله. فكانت له بمثابة العالم الذي يرى من خلاله. العالم الذي لم يكن يعرف فيه شيئاً. أحيط بالاهتمام والخوف المبالغ فيه من أمه.. لم تتركه كي يمرح ويلعب كبقية الأصدقاء. حتى عندما حاول في يوم أن يخرج مع أصدقائه كان رد فعلها عنيفاً جداً عليه. تجتئها. دلف إلى غرفته وبكى. كانت تعنفه لاتفه الأسباب حتى إذا تكلم دون إذن أمام الأقارب أو أصدقائها في العمل. ذات يوم سمعته وهو يتحدث إلى زميلته في المدرسة بالهاتف. كان قد تجاوز الرابعة عشرة بأشهر قليلة. دخلت الغرفة وأغلقت الخط. وأخذت تضربه بقسوة. لم يفهم ما الذنب الذي اقترفه لكل هذا؟ من باب أولى أن تفعل أم الفتاة ذلك!

قاطعها بعد هذه الواقعة ولم يتحدث إليها. تجنب النظر إليها. مرت ثلاثة أيام دون أن تكلمه. كان ينتظر منها أن تعترف بخطئها. لكن عابدة لا تعترف إبدأ بأنها مخطئة. شعر بالذنب لمقاطعتها. اتجه إليها واعتذر في خنوع. في البداية رفضت الاعتذار. ولكن عندما لمحت الدموع وهي تنساب من عينه احتضنته وقالت له:

- أنا بحبك وبخاف عليك.. وأنا شايلة مسؤوليتك لوحدي لازم أحافظ عليك
- أنا مابقيتش صغير.

تكررت الجملة الأخيرة كثيراً في أذنيه وهو يترجل في المنطقة التي تربى وترعرع فيها. تأمل جدار البيوت القديمة التي لمسها بكفيه عندما كان صغيراً. محل البقالة الذي كان يبتاع منه كل ما يحبه من حلويات وكراريس المدرسة وغيرها. ظل كما هو لم يتغير قط. شعر أنه أصبح عملاقاً داخل هذا المكان. بالأمس كان الطفل الذي يمشي وهو يحتضن كف أمه. واليوم تخلى عن تلك

الكف، وأصبح يسير بمفرده يتذكر الناس ويتذكر كل شيء كان يحبه، كم مر من العمر؟؟ ستة عشر عاماً، تغيرت أشياء كثيرة وظلت أشياء أخرى كما هي، ولكن اليقين الذي بداخله الآن أنه تغير، تغير كل شيء ما عدا تلك الجدران القديمة.

لم يشعر بالوقت، كم مر عليه داخل تلك الذكريات، استوقفه صوت أحد الرابضين على مقهى بجوار منزله القديم، التفت إلى صاحب الصوت، إنه سعيد، صديقه في الصف الثالث الابتدائي، نظر له مالك لثانية دون أن يبدي أي رد فعل منه، لاحظ سعيد أن مالك لا يتذكره، نهض سعيد واتجه نحوه ثم صافحه وذكره بنفسه، ادعى مالك أنه لا يعرفه، الملامح ليست غريبة عليه ولكنه لا يتذكر شيئاً عن كل هذا الذي قاله له، من أبه فلانة ومن الأستاذ علان.. سأله مالك أين يعمل الآن فقال له إنه كان يعمل في إحدى شركات خدمات المحمول، والآن هو عاطل عن العمل، جلسا إلى القهوة وتبادلا أطراف الحديث، قال له سعيد متفخراً بثقاقتة:

- أنا قرئت مقالك في الجرنال النهارده.

لم يُبال مالك بما قاله:

- عجبك يعني؟

- آه طبعاً، على فكرة أنا أعرف نسرين وهبه.

التفت إليه مالك متسانلاً:

- تعرفها منين؟

أجابه سعيد وهو يللمم خيوط الحديث المبعثرة:

- لالا أنا ماعرفهاش بصفة شخصية يعني، بس هي كانت معروفة عندنا في الشركة أيام ما كنت شغال فيها.. شفتها كام مرة كدا من بعيد لبعيد.. مديري المباشر هو اللي كان بيتعامل معاها كثير.. كانت مزة بجد.. شخصيتها قوية وشديدة قووي، كل اللي اشتغل معاها قال عليها كدا.

- إنت سببت الشغل ليه هناك؟

ارتبك سعيد ولم يعقب على سؤال مالك.

- إيه يا سعيد مش بترد ليه؟

حاول سعيد الحفاظ على رباطة جأشه:

- عادي حوار كده..

قام مالك في طريقه إلى الشارع:

- عموماً يا سعيد خد رقمي لو في حاجة عندك هتساعدني في التحقيق اللي بكتبه أنا مستعد أسمعك.. دا لو فيه فعلاً حاجة عندك عايز تقولها.

ارتبك سعيد أكثر:

- أكهد يا معلم دا احنا عشرة سنين.

ابتسم له مالك:

سلام.. يا سعيد..

ثم انصرف مالك وهو شارد في أفكاره، ربما قد يضع لنا القدر أشياء لا نعرف قيمتها إلا فيما بعد..

الساعة تجاوزت الثامنة مساءً، وقف مالك أمام إحدى البنايات في مدينة نصر حيث يسكن صديقه أحمد في نفس الشارع الذي كان يسكن فيه مالك عندما كان يعيش مع والديه، ضغط على زر الدور السادس، أخذه إليه

المصعد الكهربائي، ضغط على جرس الباب، فتح له أحمد، دلف مالك إلى الشقة قائلاً:

- أيوا يا عم كدا.. بلا بدل بلا كرافتات.

- صح؟ مش كدا أريح؟

- والنبي شكلك قمر في البيجامة الكستور.

- بيجامة؟؟ إنت أعمى؟؟ دا ترنج أديديس.

- والله؟ معلش انت عارف بقى الوحده بتخلي الواحد مش بيميز.

- خش جوا يا عم اللعض.

- أبوك وأمك وأختك فين؟

- في نادي القضاة بيحضروا فرح.. خش بلى عشان أخلص من حوارك دا.

- والنبي البت أختك دي لو كانت كبيرة شويه ماكنتش سبتها.

- والله لو كنت وقفت على شعرك ماكنت جوزتهالك.. هو أنا لاقيا في

الشارع؟!

ضحكا سوياً ثم جلس مالك على الكرسي الخشبي الهزاز بالغرفة المخصصة

لأحمد. أخذ يعبث ببعض الأقلام والأوراق، لاحظ إحدى الصور الرابضة في

إطار أسود تجمعه مع أحمد في إحدى رحلات المدرسة. صاح قائلاً:

- فإكر اليوم دا؟ انت فين يا عم خيري؟؟؟ اخلص مافيش وقت عايز أنجز

عشان أبعت المقال للجرنال.. يا أأحمد.

دلف أحمد إلى الغرفة وهو يحمل في يده صينية عليها كأسان من المانجو.

- يا حلاوتك يا سعادة المستشار.. وكمان مانجه.. والله وبقينا ولاد ذوات..

أنت لسه حاطط الصورة دي هنا؟

- فإكر اليوم دا يا مالك؟
- طبعاً.. لما رحنا رحلة لدريم بارك.. فإكر انت كنت ساعتها هتموت وتكلم مين؟
- ابتسم أحمد ثم قال:
- طبعاً فإكر.. انت بلى فإكر أخذت تربة قد إيه على التي شيرت دا؟ إيه يا ابي العلامة اللي أنت حاططها في النص دي؟
- يا أبو جهل.. دي الرسمة الموجودة على الكومي في الكوتشينة.. أنا عارف إنك هتبلم.. رقم سبعة في الكوتشينة.
- أه.. عرفتها.. من يومك مدمن كوتشينة.
- كانت أيام بلى.. المهم ادبي الورق.
- أمسك مالك بالورق وكأنه وجد كتر "علي بابا". تأمل أول سطوره. وتصفح باقي الأوراق. كان كمن ابتاع مجلة جديدة يتصفحها قبل القراءة. لاحظ أحمد اهتمام مالك. فقطع تصفحه قائلاً:
- إنت ليه مهتم قوي بالقضية دي؟
- فرصة وجت لعد عندي. عايز أثبت فيها نفسي.
- إنت لسه سايب البيت؟
- عاد بنظره إلى الأوراق:
- مش موضوعنا يا أحمد.
- عيلتك ناس كويسة.. وعمرهم ما بخلوا عليك في شيء.. ماتبقاش عاصي. حدجه بنظرة قوية:
- أنا مش عاصي يا أحمد.. ومش كل حاجة الفلوس.. الراحة النفسية

أحسن ١٠٠ مرة من أي فلوس.. كمان أنا لازم أثبت نفسي ووجودي.

- لمين؟

- للدنيا كلها.

- طب قولي إنت بتصرف منين؟

- في إيه يا جدع مانا شغال في الجرنال.

- ومين اللي وداك الجرنال.. مش معارف والدتك؟

وهنا لم يستطع مالك أن يكمل إلى نهاية الحوار، وقرر أن يفلقه نهائياً:

- إنت مش عايش مبسوط مع أهلك؟ أنا بقى مبسوط وأنا عايش لوحدي..

يبقى أحسن حاجة إنك تفضل على الموضوع دا نهائي.. إحنا الاتنين مبسوطين

باللي إحنا فيه.. اتلقنا؟

بتعجب واستنكار:

- اللي يربحك.

- أنا هقوم أمشي عشان وداها شغل كثير ولازم أخلصه.

- على فكرة في كلام إن النشر في العادة دي هيفف بقرار من النائب العام.

- دا أكيد؟

- لا.. كلام.

- عموماً ماتقلقش أنا عامل حسابي.. أهم حاجة خللك معايا في القضية

دي.. الموضوع دا يا يطلعنا لسابع سما.. يا ينزلنا لسابع أرض.

- أنا معاك.. وأكيد كمان جمعة معانا.. ظلما إحنا عاهزين الخير والصالح.

- أشوفك على خير.. سلام.

في غرفته كان المكان نصف مضاء، جلس إلى المكتب، طلب من صديقه علاء الذي يشاركه المسكن أن يُحضر له كوب شاي بالنعناع الأخضر، أمسك بالأوراق وكأنه وجد كتراً ثميناً، فكل كلمة وكل صفحة بالنسبة له هي كتز من الذهب به ما تشتهيهِ الأنفس، تطلّع إلى الأوراق بنهم شديد، وبدأ في قراءة التقارير التي أمامه:

(في تمام الساعة السادسة مساءً عثر على جثة لسيدة في العقد الرابع من عمرها بيضاء البشرة متوسطة الطول.

وُجِدَت مسجاة على ظهرها داخل غرفة النوم على السرير، وبقايا دماء حول مرقدها، يبدو أن الجثة فُتلت في الصالة لوجود آثار لدماء كثيرة هناك، وُجِدَت عارية تماماً، كان النصف الأعلى حتى الخصر على طرف السرير من الأمام والنصف السفلي، الساقان كانتا متباعدتين مما كشف عن عورتها، ووضعت كل ساق على طرفي كرسي خشبي من كراسي منضدة الطعام، وُجِدَت عدت طعنات في الصدر وذبح بالعنق، ووُجِدَ رباط عنق (كرافنة) رجالي التفّ حول رقبتهما، يبدو أنه من موديل قديم يعود إلى التسعينيات، وُجِدَت آثار للسانل المنوي على الجثة، وكذلك فحص أغطية السرير لاحتمال وجود نفس الإفرازات عليها.

لوحظ ظهور علامات من الزرقعة الرمية في ظهر المجني عليها، مع تيبس في الجثة، بمعاينة الشقة تبين أن الجاني قد دخل إليها بطريقة مشروعة، بحيث لم يتبين في باب الشقة والنوافذ أي نوع من الكسر أو المقاومة، مما يدل على أن القاتل له علاقة بالقتيلة، بمعاينة الشقة لم يظهر أي شيء يدل على فقد محتوياتها، بمعاينة المطبخ وُجِدَ بقايا طعام من الوجبات الجاهزة

داخل سلة القمامة، وُجد سكين المطبخ بجوار الحوض، وعليه بعض آثار
الدماء المتجلطة كان القتل قد حاول محوها.

تم رفع بصمات القتيلة لاستبعادها من الأثار المرفوعة محل الحادث.

انتداب عضو الطب الشرعي وتشريح الجثة: لمعرفة وقت وسبب الوفاة،
وانتظار تقرير الطب الشرعي في أقرب وقت ممكن).

انتهى مالك من قراءة تقرير فريق البحث الجنائي، أمسك بتقرير الطب
الشرعي، وبدأ في فراءته حيث جاء فيه:

(من تشريح الجثة تبين الآتي:

- وجود جرح ذهبي بالعنق وإصابة من نزيف دموي مع وجود مظاهر
(أسفكسيا الخنق)، وخمس طعنات متعددة بالجثة.

- المعدة بها طعام شبه مهضوم.

- وجود أثر لعملية تعبٍ جنسي ووجود بعض اثار للسائل المنوي داخل المهبل،
وبمعاينته تبين أنه مطابق لآثار السائل التي وُجدت على أغطية السرير.

- يوجد نصف بصمة مدممة.

انتهى مالك من قراءة التقارير، أخرج متسلسلة الأفكار من حقيبته الجلدية،
وبدأ يكتب أولى حلقات الكشف عن القاتل، وضع سن القلم على الورقة

وكتب الحلقة الأولى... "جثة في غرفة النوم".

الفصل السادس أوراق متناثرة

الخوف يعصرني، خوفاً عليه لا على نفسي، إنه إحساسي الداخلي الآن، رغم ابتعاده عني لأيام كثيرة إلا أنني مازلت أراه في كل أركان الشقة، ليس حباً فيه فقط، فهو جزء مني، فلذة كبدي، هو لا يتفهم هذا، ولا يشعر بي ولا يشعر بخوفي عليه، فمنذ أن تركنا سلمان وغادر إلى مقصده وأنا وهو لعيش سويّاً بمفردنا، هجرت كل الأقارب والأحباء حتى لا يشاركه أحد في، في كل يوم تتغير ملامحه أمامي حتى أصبح اليوم رجلاً، والآن وبعد كل ما فعلته من أجله تركني وحدي وذهب إلى ما يحبه هو، ذهب إلى عالمه دون خوف من المجهول، ودون أن يستمع إلى نصائحي وتوجيهاتي، خرج إلى العالم الذي لا يتحملة أحد، خرج إلى ما هو دميم، عالم لا يرحم، عالم كله أخطاء، عالم خلع ثياب العفة والطهارة ليرتدي ثياباً نجساً، يا طفلي أرجوك لا تقترب من هذا العالم النجس.. فتلك هي المشكلة، أن تصيبك لعناته.. هؤلاء البشر بالخارج هم نتاج للقاء حميم، فهم أبناء سفاح، أما أنت فولد طيب طاهر القلب.. كيف أضمن أنك لن تتعرض إلى أذى تلك العاهرة التي بالخارج؟ كان في كل مرة أتحدث معه وأوجه له نصائحي يوبخني بعنف شديد، ويذكرني أنه قد تجاوز الخامسة والعشرين.. حتى وإن أصبح رجلاً سيظل في نظري طفلي المدلل.. ماذا تفعل الآن يا صغيري؟ كيف تقضي يومك؟ مع من تأكل؟ مع من تعيش الآن؟ هل دق قلبك لأحد؟ أم مازال يدق بحب أمك فقط؟! تركني لشهور، هل أصبح قلبه قاسياً على أمه؟ في كل مرة كنت أحاول أن أطمئن عليه كان

يصدني ويرفض كل أساليبي حتى اضطررت أن أجا إلى سلمان كي يساعدني. ولكن كان كما لو لم يكن له ابن. قال لي بكل برود: "أتركه يفعل ما يشاء فهو الآن ليس صغيرك كمان تعتقدين.. هو الآن رجل".. كيف لي أن أتركه يفعل ما يشاء؟! أنت لا تعلم أيها الأحمق الضعيف كيف تعبت حتى أصبح شاباً جميلاً!! تعال إلى أمك يا صغيري. فما زال العالم من حولك رديناً غير نقي. أنت لا تستحق أن تعيش به.. أنت تستحق عالماً أفضل.. فتحت درج مكتبها. ووضعت الورقة الثانية بعد المائة. تكتب لكي تتحدث مع نفسها. لا تثق بأحد غير نفسها. لا أحد غيرها.. عابدة.

عندما تريد أن تتذكر الماضي تسجله لهصبح مستقبلاً في حكايات تُحكى. ترى أنها صنعت المعجزات في زمن لا يؤمن إلا بالمال والسلطة. زمن تكاثر فيه العفن. وأصبح أسلوب حياة. تطورت حياتها العملية بسرعة كبيرة. وأيضاً تطورت حياتها الخاصة. فبعد أن تركها سلمان ورحل إلى الكويت في رحلة للبحث عن ذاته. احتضنت طفلها ذا الأربعة والعشرين شهراً. وقررت أنها ستصبح كما تريد. تدرجت في السلم الوظيفي داخل عملها حتى أصبحت المدير المسؤول عن قسم المشروعات داخل الوزارة.. ابتاعت شقة جديدة بمدينة نصر أثناء سفر سلمان. انتقلت هي ومالك إليها. بدأت حياة جديدة مع طفلها. التحق مالك بمدرسة أخرى قريبة من السكن الجديد. لم يعرف سلمان بذلك: إذ فوجئ وهو عائد إلى مصر أن عابدة انتقلت إلى مكان آخر. لم يُبال بشيء. وكأنه يتوقع منها أن تفعل أكثر من ذلك. فهو يعلم أن المسافة أصبحت كبيرة بينهما.

عالم آخر داخل تلك المؤسسة، التي أصبحت ذات صيت واسع في مجال العقارات وبيع وشراء الأراضي.. في المدخل الرئيسي للمبنى الإداري كتب على حائط من الرخام الأسود أمام البوابة الرئيسية (شركة تقسيم للعقارات وتجارة الأراضي)، كتبت بالخط العربي البارز المصنوعة من الحديد الملون بالذهب.. في الجهة اليسرى يوجد مكتب الاستقبال يقبع داخله شاب وفتاة في العشرينات، وفي الجهة المقابلة لمكتب الاستقبال يوجد مكان لانتظار الزائرين، المبنى الإداري مكون من ستة طوابق، كل إدارة مخصص لها طابق، في الطابق السادس وعلى مساحة كبيرة قسمت المساحة إلى غرفة كبيرة للاجتماعات وغرفتين كبيرتين، معلق على باب كل منهما اسم مالكي المؤسسة عزت الشامي وسلمان محمود.

عزت في منتصف العقد الخامس من عمره، أنيق الهندام، يرتدي حلة سوداء، يحمل الغليون الذي لا يفارق فاده، أبيض الشعر كلون الثلج الناعم، أبيض البشرة، لا يتسم إلا قليلاً، ينظر إلى من أمامه فيشعر برهبة من نظراته، يثق في نفسه جداً ويحبها أيضاً، لا يجادل مع من يختلف معه الرأي فهو يعرف أنه على صواب دائماً.

أما الشريك الآخر.. سلمان فكان يختلف عن عزت؛ فهو الرجل الذي يحبه الموظفون، قريب منهم، يستمع إليهم، يرتدي القميص ذا الأكمام الطويلة وينظرون الجيتز، في منتصف الخمسين، طيب القلب، تعرّف إلى عزت بعد أن عاد من الكويت إبان حرب الخليج، كان عزت يعمل في بيع الأراضي، وكان سلمان أيضاً قد بدأ تلك المهنة، ذاع صيت سلمان في سوق الأراضي بعد ما استطاع أن يبتاع أراضي كثيرة في مدينة السادس من أكتوبر، وقسمها ليربح

الكثير. تعرف إلى عزت وتصادقا حتى قررا أن يعملوا سوياً في تجارة الأراضي والعقارات. عزت يحمل خبرة كبيرة في المفاوضات، فقرر أن يضم تلك الخبرة في شركتهما. بحيث يكون سلمان مسؤولاً عن بيع وشراء الأراضي. ويكون عزت مسؤول عن البناء والمقاولات.

دلف سلمان إلى غرفة عزت، وهو غاضب قائلاً:

-إزاي توافق على كذا؟

كان عزت في تلك اللحظة يشعل غليونه الذي انطفأ. نظر إلى سلمان:

- أقعد بس الأول وبطل عصبية.

- أقعد إيه وعصبية إيه؟! أنت إزاي توافق على النسبة دي؟

-لو ماكنتش عملت كذا.. ماكناش أخذنا المقاوله دي.

جلس سلمان وأسند ذراعه على المكتب:

- لا فهمي!!

- المنافسين اللي كانوا داخلين معنا في نفس المقاوله.. كانوا ضارين نسب

ربع تخلي العميل يوافق على عرض الأسعار بتاعتهم.

رجع سلمان بظهره إلى الكرسي وبدأ هادناً قلها:

- وانت عرفت الكلام دا مين؟

-عرفت وخلص.. لها عيون وودان في كل حته.

- عيون إيه؟ إنت هتعملهم علي؟

اتكأ عزت بمرفقه الأيسر على المكتب، واضعاً خده على كفه ونظر إلى

سلمان:

- بعد السنين دي كلها واحنا شغالين مع بعض.. تفتكر هخدعك في يوم؟
طب كنت قلت الكلام دا في الشغل اللي كان مع الحكومة من ٧ سنين.. على
الأقل كان شغل دسم ومليان فلوس.. ولا إيه؟

ظهر على سلمان ملامح الإحراج:

- ما قصدش يا عزت.. بس عيون إيه اللي انت بتقول عليها؟ وكمان عرض
الأسعار بيتقدم في مظاريف مقفولة بتعرفها ازاي؟ إنت مشغل ناس لحسابنا
في الشركات المنافسة؟

ضحك عزت بصوت عال:

- وحياتك يا صديقي.. الورق قبل ما بهدخل في المظاريف يبقى عارف إيه اللي
جواه.

- يعني انت بتنجسس على المنافسين؟

عاد عزت بظهره إلى المقعد الوثير. وأخذ يقلب في هاتفه المحمول:

- مش بالظبط كدا.. بس كل شبع وله طريقة.

اتجه سلمان إلى باب الغرفة ثم استدار كما لو أنه تذكر شيئاً:

- ماتزعش مني.. أنت عارف أنا قد إيه قلقان على الشغل.

وهو مازال بحمق في هاتفه:

- عارف ومش زعلان.

ثم تحدث إلى الهاتف:

- ايوا ياهند.. خلاص.. الساعة ٣ هكون هناك.

انصرف سلمان إلى مكتبه. وأخذ يقلب في بعض الأوراق. وكان شيئاً لم يكن!

٧٦

دلفت هند إلى النادي قبل الميعاد بخمس دقائق. كما اتفقت مع زوجها عزت. جلست إلى الطاولة. تلتفت من حولها الأزهار الناضرة وأشجار الياسمين. طلبت من النادل فنجاناً من القهوة. أخرجت من حقيبتها كتاباً وبدأت تقرأ سطورَه. تعلم أنه غير ملتزم في شيء فكيف يلتزم في موعد معها؟ بين الحين والآخر كانت تعلق نظرها إلى البوابة. ثم تعود مرة أخرى إلى القراءة وهي تداعب خصلات شعرها المتدلي على كتفها فتظهر بعض الخصلات البيضاء التي بدأت في اقتحام اللون الأسود. نظرت إلى ساعتها. تجاوزت الثالثة والنصف بدقائق. هانفت عزت:

- هسناك كتير ولا إيه؟

- الطريق زحمة.. مافهاش حاجة لما نستني.. مش سايبك في الشارع.

- طب خلّص وخليك خفيف في السوافة.. بلاش سوافة ولاد الهوات.

- نفسي تنمي مرة إنك من شارع السدا

تضعك في سخرية:

- اللي زيك هما اللي بيفكرون.

بعد المكالمة بعشر دقائق كان عزت جالساً أمام هند بالنادي، وطلب عصيراً،

أشعل غليونه وحدجها قائلًا:

- ولازمتها إيه بقى نيهي هنا؟

- برتاح هنا.. أحسن بكثير.

- وما له البيت؟؟ بيخنقك في إيه؟

- مش عارف ليه؟! بيفكرني بنجاستك.

- احترمي نفسك يا هند. وقولي عايزة إيه؟

- حقي في آخر صفقه رسيت عليك يا قمر.
- كل حقوقك يا هند وصلتك.. وأنا مش مقصر معاكي.
- ضحكت بصوت أسمع من حولها:
- مش مقصر؟؟ طب متخليني ساكنة وبلاش فضايح.. يا راجل دا انت من كتر التقصير ما بقتش أحسن بيك.
- وأكلمت ضحكها...
- أحمرت وجنتاه من صراحة زوجته، باغتها بسؤال لتغير دفة الحوار:
- عارفة إيه اللي مصبرني عليك؟
- غمزت بعينها البصري:
- عرفني.
- إن مصلحتي معاكي.. غير كدا ولا تلزميني في شيء.
- أنا صليرة عليك بنى عشان أنا عارفة كويس احطك بين أسناني.. وبعرف إمتى أشد عليك وإمتى أسيبك براحتي.
- لو أطول أدفنك في البحر.. أعلمها ومش هتردد.
- فام متجهاً إلى الخارج.. صاحت بصوت عال:
- والفلوس يا قمر؟
- لم يعقب. أدبر وانصرف، وهي تعلم أن الشيك سيصل إليها في غرفة نومها، وقبل أن تفلق جيبها.

خيم طائر الحزن عليها. تملك من كل شيء فيها. لم تعد تشعر أنها ترغب في الحياة مرة أخرى. منذ أن ذهبت من كانت لها كل شيء وسط حياة كانت مليئة بالوحدة من جانب الأهل. حتى الحب الذي اخترق جدار قلبها لم يقدم لها جديداً. لم يحدد هل يبادلها نفس الشعور أم لا. لم يكن صريحاً؛ فهو يقترب مثل موج البحر. فما أن تقترب لكي تعانقه حتى يعود إلى موضعه مرة أخرى.

أصبحت لا تأكل. ذبلت كوردة حمراء تُركت وقتاً طويلاً ممددة على شاهد قبر. تلك الفتاة الصهباء الجميلة ذات الملامح الهادئة. تتمتع بالذكاء وحب الآخرين. وجهها الذي كان مشرقاً يتميز بنمش يتناثر على وجنتها.

منذ أن رحلت نسرين وهي لا تستوعب ذلك. فعلاقتها كانت الأقرب إلى الأم وابنتها. مازالت دموع بارا لا تنضب. فمئذ أربعة أشهر كانت تتحدث معها. تضعكان. تخرجان. تشاركها في كل شيء. والآن ذهبت. سقطت مغشية عليها عندما علمت بالخبر. نُقلت إلى المستشفى في حالة صدمة عصبية فقدت من خلالها القدرة على الكلام. ظلت ثلاثة أيام لا تأكل. فكان عوضاً لذلك المحاليل الطبية.

رويداً رويداً بدأت تستعيد قدرتها على الكلام. بعد عدة جلسات مع المعالج النفسي. وبعد شهرين من الحادث عادت إلى المنزل واستعادت جزءاً من صحتها. فالموت هو الحزن الذي يولد كبيراً ثم يصبح أصغر مما كان. ذات يوم تلقت مكالمة من ماهي ابنة نسرين. وعلمت أنها ستسافر مع والدها إلى ألمانيا. وسوف تستقر هناك. زاد الحزن بداخلها. ولكنها أيقنت أنها لن

تستطيع أن تفعل شيئاً، ودّعها بحرارة وبكِيتا. طلبت منها أن تتواصلا وإن
عادت في يوم إلى مصر لا بد أن تتصل بها وتتقابلا.
عادت إلى العمل، كانت تنظر إلى عيون من حولها وهي تقول لهم إنكم
بالتأكيد قد نسيتم ما حدث، عاد كل شيء كما كان، الكل يعمل ويضحك،
لم تحتمل أن ترى أحداً يجلس إلى مكتب لسرين، تقدّمت باستقالتها، لم
تحتمل تلك الجدران التي تحمل معها الكثير من الحزن.

الفصل السابع

خيـط جـديـد

الساعة العاشرة صباحاً..

الهاتف لا يصمت.. يُحدث جلبة في الغرفة، مازالت المكالمات تنهال وهو لا يبالي بأحد. كل ما فعله عندما استيقظ مع أول مكالمة أن دخل إلى الحمام واغتسل. حلق ذقنه، وخرج إلى غرفته، أعدّ كوب شاي بأوراق النعناع الطبيعي. وجلس إلى كرسي في إحدى زوايا الغرفة وجهه إلى الحائط، أمسك بمتسلسلة الأفكار، وبدأ يكتب. جعل الكلمات تنساب من بين أنامله كما لو كان رساماً يرسم بالكلمات قيمة فنية كأنه فان جوخ، هو يرى في نفسه هذا، يثق في قدراته الإبداعية والفكرية، ترك نفسه لخيااله الجامح.. كان الهاتف لا يصمت، كل ما كان يفعله مع لغات هاتفه المحمول هو أن يقف عن الكتابة، يجلس كأن على رأسه الطير، في ثبات محكم، صلم رابض في مكانه منسجم مع ما هو جامد حوله، ما أن ينتهي الهاتف من رناته، حتى يبدأ في الكتابة مرة أخرى.

كان يعلم أن المقال الذي كتبه بعنوان "جثة في غرفة النوم" سيُحدث صدى كبيراً.. تجاوز به الزمن ساعتين، لم يشعر بما يحدث حوله، كانت شبه طقوس يفعلها عندما يشعر بمحاصرة الآخرين له، انتهى من كتابة ما يدور في فكره، ولكن أفكاره لا تنتهي، ذهب إلى موضع هاتفه والتقطه، كانت الشاشة تحمل اثنتين وعشرين مكالمة فائتة، لم يستعرض المكالمات وبدأ في عرض الرسائل إلى أن رن الهاتف مرة أخرى فجأة، فارتعش جسده وضغط

على الزر الأخضر دون قصد، لم يزا الاسم أو الرقم، ولكن بالصوت استطاع أن يميز من هو صاحب الصوت..

- هاني؟

قالها بتساؤل، كان بنوي هاني في تلك المكالمة أن يحتفل بنجاح موضوعهما الصحفي الذي بدأ يحدث صدها، اتفق مع مالك على أن يلتقيا أمام بوابة حديقة الجموان من شارع مراد.

بعد ساعة ونصف من المكالمة تقابلا أمام البوابة، عبرا الطريق إلى الجهة الأخرى ودلغا إلى الشارع المقابل للبوابة، صعدا إلى العمارة العملاقة من الجهة الجانبية لها، تساءل مالك في تعجب:

- رابعين فين كدا؟

- هنعترف.

- فين؟

- اتقل بس عشان تاخذ حاجة حلوة.

حملهما المصعد إلى الدور الثاني عشر، علّق مالك نظره على اللافتة المضاءة وهي تعلن عن هوية المكان (بلو ديسكو)، نظر إلى هاني متعجباً:

- إنت عارف إني مش بحب الزحمة ولا بحب الدوشة.

- يا عم انت هتقلني ليه؟ هنتص شوية ونمشي.

الإضاءة خافتة تمهل إلى الزرقة، البار يتوسط الديسكو، ويظهر من المدخل، يريض وراءه شاب في منتصف العشرينات يرتدي تي شيرت أبيض وينطلقون أسود وقبعة، حمراء مرسوم في وسطها شعار الديسكو، على اليمين واليسار تنتشر الطاومات، في أقصى اليسار يوجد مشغل الأسطوانات، أمام البار في

المنتصف يوجد مساحة كبيرة ترتفع سنتيمترات قليلة لتجمع من يريد الرقص.

جلس هاني إلى البار، ودعا مالك الذي ظل واقفاً بالقرب من المدخل، تراجع مالك خطوتين إلى الخلف وهو يفكر في العودة من حيث أتى، نظر هاني مرة أخرى إلى مالك لعله يجده يقترب، كان الديسكو مزدحماً في ذلك الوقت، كانوا مجموعة من طلبة الجامعة يحتفلون بعيد ميلاد أحد الأصدقاء، الموسيقى مرتفعة جداً، تحجب صوت أي متكلم، مرة ثالثة يدعو هاني صديقه ملوحاً له بيده، تقدم مالك بخطى ثقيلة، جلس بجوار هاني، كان هاني قد بدأ في شرب كأس من الخمر، طلب لمالك كأساً مماثلاً، تجاوز وجودهما في هذا المكان ما يقرب من ساعة، لم يعقب مالك على أي شيء، كان يتطلع إلى المكان بدقة كمصور يرغب في أن يلتقط لكل ركن في المكان صورة في ذاكرته، يريد أن يحتفظ بملامح الأشخاص الموجودين.. لماذا؟ هو الوحيد الذي يعلم ذلك.

بعد أن أعلن مسئول الديسكو عن راحة لطائف العمل لمدة نصف ساعة هدأ فيها كل شيء، عدا مجموعة الشباب الذين يحتفلون بعيد الميلاد، بدأ هاني في الحديث إلى مالك، وقد بدا عليه السكر بعد أن تجرع زجاجتين من الخمر، اعتدل في جلسته موجهاً جسمه إلى مالك:

- عارف.. كل اللي هنا دول وشوش بلاستيك ولا لها أي لازمة.. ناس عايشة تاكل في أنة محلولة.

نظر له مالك ولم يعقب، استمر هاني في الحديث وكأنه لم ينتظر أي رد من

مالك:

- أهو الواد اللي هناك دا اللي لآرق في البت صاحبة العيد ميلاد.. كاعع دم قلب أبوه عشان خاطر المزة بناعته.. قابلتهم قبل كدا دول يا زميل؟ تلاقى دافع له فوق التلات تلاف جنيهه عشان يفرح السنيورة صاحبتة.. مش عارف يصرف فلوس أبوه في إيه؟ مش زي يا عم مالك بيطلع عين أهلي عشان ندفع قسط التلاجة الجديدة!!

بدا لمالك أن هاني قد فقد بعضاً من رشده إثر الشرب، وتابع هاني قائلاً:

- حتى انت يا مالك.. أبوك وامك مش عارفين يودوا فلوسهم فين.

حدجه مالك متسائلاً:

- وانت تعرفهم منين؟

ضحك:

- وانت تفتكر مصطفى بيهي حاجة؟

- هو انت جايبي هنا عشان تعاسبني على فلوس أبويا وأمي؟

قام هاني من مكانه مترنحاً. ووضع قبلة على رأس مالك في محاولة للاعتذار:

- يا بيه انت دلوقت هنا الكبير.. أوامرنا واحدا ننفذ.

- طب بلا نمشي.

قالها وهو متجه ناحية الخارج.

أمسكه هاني من معصمه:

- استني يا نجم.. إتقل شوية.. عارف؟ أنا حاولت كتير معاها عشان اكلمها في

موضوع ارتباط.. أه.. كنت عابزها تحبني زي ما حبيتها.. بس هي عاشت الدور

عليا وعلمتني فيها بنت الباشا وأنا ابن الجنايبي.. نفضت لي (ثم نظر له

بشدة) طب مانا كمان بنفض لحریم كتير.. مش مصدقني؟ طب عارف هناع؟

(ضحك وهو يربت على كتف مالك) معلىش يا كبير بقى.. أكيد عارفها هو دا سؤال؟! أهى هناع دى كانت بتلاغيني أول لما اشتغلت فى الجرنال.. وكذا مرة كانت عايزانى أنام معاها.. متستغريش يا صاحبي هي بتاعه الكلام دا ونص.. بس أنا ماليش فى القطعية دى.. نفضت لها وش.. لما انت شرفت الجرنال لزقتك عشان تغيظني.. بس أنا ولا اتهزيت.. وكمان بنت الكلب دينها غير ديني. طب على الأقل توفّر طاقتها لحد من دهبها (ضحك مع صوت عال من أنفه).

لم يعقب مالك على كل ما قيل. واستمر فى الاستماع. أردف هاني:

- مالك؟ هو أنا فى حاجة وحشة؟! شكلي وحش يعني؟؟

ثم تابع وهو يميل رأسه قبالة وجه مالك حتى كاد أن يلتصق بأنفه متابعا:

- هو أنا دميم؟

ابتعد مالك بوجهه محاولاً ألا يلفت انتباه هاني إلى ذلك:

- وليه السؤال دا؟

- أصل كل واحدة تعجبي أحاول اكلمها وأقرب منها تلفض لى.. ولاد الوسخة

فاكريني بريل عليهم.. ما يعرفوش أنا مين.

ثم تابع مبتسماً بصغرية:

- ها كون مين يعني؟؟ ولا ابن مين؟ وكمان أنا زعلان من سارة إنها ماعبرتليش

ليه؟ ما هو أنا بالنسبة لها ولا حاجة.. أبوا يا مالك أنا ولا حاجة.. شوية

اللبس اللي بلبسه دا عشان الشغل.. أكل عيش يعني.

نهض مالك مرة أخرى:

- يا هاني يلا بينا من هنا أنا لا طابق الدوشة ولا الزحمة دي.. مش عايز اتعصب.

جذبه هاني مرة أخرى من معصمه:

- باعم خرينا هنا.. هنا كل واحد بهقلع عربان ملط وبيبان على حقيقتة.. ما أنت شفت من شوية المزز اللي هنا كانوا بيعملوا إيه.. كله هنا بيتعرف على أصله.. وبيبان هو عايز يعمل إيه مع الحنة اللي معاه.. ابقي اعمل لنا تحقيق صحفي عن الناس اللي هنا.
- أنا همشي.

- خلاص.. خلاص بلاش عصبية.. يا هيلم الحساب كام؟
دلها إلى المصعد. وتفرق كل منهما إلى دربه.

==

مكتب عابدة في الوزارة..

تقف عابدة في شموخ. تعرض بعض المعلومات المترابطة على الرسم البياني المعروض على الشاشة الكبيرة بجهاز (البروجكتور). كانت تراس اجتماعاً مع رؤساء إدارة سنترالات مصر. تعرض عليهم نتائج المرحلة السابقة على مدار ستة أشهر وتعرض مدى رضا العملاء عن خدمات الشركة.. وتمسأل هل وصل العمل إلى الهدف المنشود لديهم أم لا؟
دخلت في نقاش مع بعض المهندسين الرابضين أمامها. المسئولين عن أحد المشاريع التي يعمل معهم بها بعض الشركات الخاصة في تطوير وتحسين أداء الخدمة. وفي صيانة محطات الشبكات الأرضية التي تحتاج إلى صيانة.

بعد ساعة انضم إلى الاجتماع بعض مسئولي الشركات الخاصة التي تشترك مع الوزارة في مشاريع مازال العمل جارياً بها، وأيضاً بعض المسئولين الذين ينوون الدخول مع الوزارة في مشروعات جديدة، انصرف بعض المهندسين وظل آخرون يناقشون رسومات وأوراق المشاريع الجديدة، تقدم رجل في النصف الثاني من الأربعينات ذو ذقن حليق يرتدي حلة سوداء، يعتني جيداً بأنافته، جلس حول الطاولة وخلفه ثلاثة من مساعديه يحملون ملفات وبعض الأوراق والرسومات الهندسية، ألقى السلام على الجميع ثم ألقى السلام على عابدة في طريقة بدا للجميع أنهما على معرفة سابقة، بالفعل لم يخطئ ظن من ظنوا ذلك، فعابدة و"حسي محفوظ" على معرفة قديمة منذ أن كان "حسي" ضمن فريق العمل الذي يعمل معها في فترة من فترات حياته المهنية قبل أن يترك العمل في الحكومة وينتقل للعمل في إحدى الشركات الأجنبية التي تعمل في المجال التكنولوجي، استطاع بذكائه أن يتقلد منصباً كبيراً في تلك الشركة بعد فترة من العمل ليست كبيرة، أصبح نائب المدير الأجنبي والرجل الأقوى داخل الشركة، يتعامل مع عابدة دائماً على أنهما صديقان، وكأنها لم تكن يوماً مديرتها، هو يعرف قيمة نفسه جيداً لذلك ترك العمل الحكومي ووصل إلى ما يريد، ولكن دائماً ينتظر أن يصل إلى مراده الأكبر.. إلى عابدة.

جلس وقد ارتسمت على وجهه ملامح الثقة عند عرض أوراق المشروع الجديد والرسومات الهندسية، استمر مندوبو الشركات الأخرى في عرض الرسومات الخاصة وأوراق المشروع كمناقشات مبدئية قبل بدء عرض المظاريف الخاصة للجانب المادي والأسعار للمشروع.

انتهى الاجتماع بعد ساعتين، وقد بدا على عايدة الإرهاق، طلبت فنجانا من القهوة، ترك الجميع المكتب، وعاد حسني محفوظ مرة أخرى إلى مكتب عايدة، جلس أمامها وأشعل سيجارته ونفث دخانها في الهواء، نظرت له في تعجب قائلة:

- انت مش عارف إني بتعنى من ربة المسجاير؟

- نعمي أعرف إنت بتعملي إيه عشان تفضلي جمولة كدا؟

ابتسمت له، واتجهت بنظرها إلى الأوراق التي أمامها..

- أعتبر دا كسوف؟

- ممكن تقولي رجعت له؟

- عشان أشوفك.

- حسني.. دا وقت شغل وانا من زمان متحفظة على طريقتك دي معايا..

واعتقد إنه مالهوش أي لازمة إنك تفضل بالأسلوب دا.

- صدقيني غصب عني.. مش بقدر أمتع نفسي.

- مهو انت لو كنت اتجوزت كان زمانك محترم.

ضحك بصوت عالٍ:

- يا ما احلى عيشة الحرية.

حلب نخس في الموضوع؟

- ماشي.. اللي تأمريني به.. المشروع الجديد لورسي عليها هتبقى نقلة كبيرة

للشركة اللي أنا فيها.. كل مرة كنت بفوز بمشاريعكم من غير أي حاجة.. لكن

المرة دي عرفت إن في شركة يابانية داخله بتقلها في السوق ولو انتي.....

قاطعته عايدة في حدة:

- والمطلوب؟

قال في ابتسامه مصطنعة:

- أكيد فاهماني.. وحقق محفوظ.

حدجته وقالت له في حنق:

- امشي اطلع بره.

قال في تعجب:

- ليه يا عابدة؟

- بص يا حسني.. أنا صبرت على رخامتك دي كتير. وكنت كل مرة بقول أهو كان في يوم من الأيام شغال تحت إيدي، وفي بينا عشم. لكن المرة دي الموضوع زاد عن حده قوي.. وكمان هاربت نهف رجلك من هنا.. عشان انت ما شاء الله سمعتك مع المومسات بتوعك سابقاك.

غمز لها بعينه وهو يبتسم:

- طب بيتقولوا عليها إيه؟؟ جامد؟

- امشي بره.

- على فكرة أنا مش هسيبك.. هفضل وراكي زي زمان.. مش هسيبك إلا لما أدوق منك حته.. اللي زيك لازم تعيش أميرة.. لكن حظك بقى ماجاش غير مع واحد مش بيقدّر غير التراب اللي بيهبعه.

- حسني.. احفظ أدبك واتفضل بره.

قام متجهاً إلى الباب:

- من عينيا.. همشي حاضر.. بس صدقيني أنا رايح أحضّر الطبق اللي هاكله فيه.

ترك مكتبها وانصرف، وضعت رأسها بين راحتها، كانت تفكر، لا تريد أن تضعف، لا تريد أن تصبح لقمة سائغة بين فكّ هذا الجائع الذي لا يشبع من التهام لحم النساء، تلك هي هوايته المفضلة سواء أن كانوا مومسات أو من سيدات على علاقة بهن من قبل، حاولت أن تضع حداً لكل أفعاله، كانت تخشى أن يعرف سلمان أمره فتضع نفسها في موضوع ضعف أمامه وهي الأقوى دائماً، كانت تخاف على صورتها أمام ابنها مالك، ورغبتها أن نظل دون اهتزاز، حاولت أن تتجنبه داخل دائرة العمل، كان ذكياً ويتعامل بطريقة جذابة، لم تستطيع أن تفعل معه شيئاً داخل العمل رغم أنها كانت مديرة، كانت علاقته قوية بجميع الرؤساء، وعابدة كانت تمتحس كلماته بعض الشيء، كأي أنثى قد تتأثر بأعجاب أحد الأشخاص بها، ولكن كانت تتعامل معه بشدة وحزم، حتى بعد أن ترك العمل معها تقابلاً داخل سوق العمل المشترك بينهما، فبالأمس كان يحاول، أما اليوم أصبح كالحيوان المفترس الذي لا يكل ولا يمل من صيد فريسته.. ولكن.. لو علم الصياد أنه ذات يوم سيكون فريسة من نوع آخر عندئذ ماذا سيفعل؟



كانت قبلة مالك بعد أن ترك صديقه هاني هي مكتب أحمد خيرى، يأمل في أن يجده هناك، كانت الساعة قد تجاوزت الثالثة والنصف بقليل، استقل تاكسي متجهاً إلى نهاية قصر الليل، يدها ترتعشان وقدماه لا تتوقفان عن الاهتزاز، لاحظ السائق ذلك، حاول أن يتحدث معه في محاولة أن يقلل توتره، ولكن السائق فشل في مراده؛ لأن مالك لم يستجيب إلى محاولته.

دلف مالك إلى البناية وصعد إلى مكتب صديقه. علم أنه في دورة المياه. انتظره. ما هي إلا دقائق حتى كانا يتصافحان. جلس مالك. وبادره أحمد قائلاً:

- مبروك يا صاحبي.. المقال عامل شغل حلو قووي هنا الناس كلها بتتكلم عنه.

هذا ما أراد مالك. توجه إلى صديقه ليعرف مدى نجاحه هو ومقاله عند القضاة أو بالأحرى كان يشعر أنه لا بد أن يرى النجاح في أعين الجميع.. نعم الجميع بما تعمله الكلمة.

ابتسم مالك:

- غير يعني؟

- طبعاً يا صاحبي.. المقال لفت نظر ناس كثير من أصدقائي هنا.

- كله بمساعدتك.

- لا ماتقولش كدا.. إنت فعلا موهوب.

- كمان بومين هتلاقي المقال الثاني.. لازم يا خيرى نلاقي الجاني..

- خد بالك.. لازم تشتغل مع المباحث هما هيساعدوك.. إنما أنا وانت مش

كفاية.

قطب جبينه متعجباً:

- إשמعنى؟

- عشان دي الدايرة الصح اللي المفروض تمشي فيها القضية.. المباحث

بتساعدنا.. هي اللي أقرب.. هي اللي على أرض الواقع.

- وهيكون التعامل معاهم ازاي؟

- ماتلقش.. هديك رقم الظابط اللي ماسك القضية في قسم قصر النيل..
إنسان محترم وهيساعدك بجد.. اسمه "أدم عواد".. هكلمه وهحكيله عنك..
وكمان برضه فرصة ليه لما تنزل اسمه في الجرنال.
- إن شاء الله.

- كويس.. خد رقمه بقى.

كانت محطة جديدة لم يتوقع أن يدخل فيها، ولكن.. إذا كانت تلك المحطة
ستساعده في تحقيق حلمه، فلا يوجد أي مانع في أن يستقلها.
سأل نفسه كيف سيتعامل مع ظابط المباحث؟ وكيف سيحصل على
المعلومات التي يريدونها؟ ولكنه تأكد أنه لا يوجد عقبة ستركها توقف حلمه.
كانت الأفكار تحاصره كوحش يحاصر فرسة ضعيفة، ولكنه لم يجد سبيلاً
للفرار من التفكير، قرر أن يعود إلى شفته ليعيد ترتيب أوراق القضية مرة
أخرى لكي تلاتم هذا الظرف الجديد.

رن هاتفه المحمول، قطع حبال التفكير المنهمرة عليه، كان الرقم غير
معروف، توقع أن يكون ظابط المباحث، رد في ثبات:

- الو.. أيوا أنا مالك مين معايا؟

- أنا سعيد.. سعيد وهدان اللي قابلتك في عين شمس.

- لزيك يا سعيد؟

- أنا كويس.. لازم اشوفك.

- يبقي عندك جديد.

- قابلني في المكان اللي هوصفها لك.

٩٢

الفصل الثامن الأول

لم تعد الأمور مثلما كانت. حتى الذي دق قلبي بحبه لم يعد جوارى. أصبحت أبحث في صحراء جرداء عن قريب لي. عن شخص يقترب من وجداني فيجدني في كل عالمه وأجده الكون كله. احتضنه مثلما يحتضن البحر السفن والمراكب. أجعله جزءاً من حياتي.. حياتي؟! أين هي الآن؟ كل شيء اختلف بعد رحيل الصديقة التي كانت بالنسبة لي كالصندوق الذي أحمل بداخله كل ما هو ثمين. كانت كالمرأة أنعرت أمامها فلا أخجل من شيء. فتلقت غدرًا. فتلقت لأنها رفضت أن تسير مع التيار. أعداؤها كثيرون ولكن لا دليل لدي على أحد منهم.

الموت..

لم أكن أعرف معنى له من قبل. حتى من ماتوا لي عائلتي الكبيرة لم أحزن على فراقهم مثلما حزنت على فراقك يا لسرين. أكثر من أربعة أشهر مرت كالقطار الذي صدا حديدته. متهاك لا نشعر بوجوده. الأيام تشابه بعضها. لا معنى لطعام ولا لشراب. الوجوه التي أمامي كاذبة. حتى أمي تكذب. وإخوتي لا يبالي أحد بشيء يرون أن ما حدث مجرد حادثة لا أكثر. تدفقت دموعها على خديها متخذة طريقها إلى الفم. تذوقت الدمع المالح..

المر..

الآن فقط عرفت معنى مذاق الفراق...

الدموع بحر لا ينضب.. والموت طائر يعيش داخل بهوتنا وبين أحبابنا يرانا
ولا نراه، يشعر بنا ولا نشعر به.

وسط كل هذا الحزن، شخص واحد هو القادر على أن يعيد لي الحياة مرة
أخرى، شخص أريده الآن جوارى، لن أستطيع عليه صبراً، سأقف بين يده
أنظر إلى عينه، وأرتمي في حضنه كي أذوب كقطعة للجمد لمست شعاع الشمس،
لم يتبق لي في هذا العالم سواه، وأنا سأصير له العالم كله، أترف أنني
أضعف عندما أتذكره، ماذا سأفعل إذا أصبحت معه للأبد، لن يفرقنا
شيء: فحبه كالعسل الذي يربطنا ببعض فإذا تفرقنا عدنا مرة أخرى لبعضنا
البعض.

بالفعل لم تنتظر. أمسكت بيانها واتصلت به، لم يهجم في أول مرة، حاولت
مرة أخرى، جاء صوته على الجانب الآخر يحمل لها إكسير الحياة:

- ألو.. إزيك يا يارا؟

- مالك.. أنا محتاجالك قوي.. ممكن أشوفك؟

حي الزمالك.. ظهراً..

على ضفاف النهر، يرض رجل أربعيني يبيع الشاي أسفل كوبري ٢٦ بوليه
أمام الفندق العتيق، كان أثير صوت المذياع يرسل للجالسين الذين
يستمتعون بكوب الشاي الساخن وسحر النيل أجمل أغاني زمن الفن
الراحل.. كانت الساعة قد تجاوزت الواحدة ظهراً.. وصل سعيد إلى المكان
الذي اتفق مع مالك على أن يلتقيا فيه، جلس ينتظره، شرد قليلاً في أمواج
النهر التي تتحرك مع مرور المراكب، نظر إلى ساعته ثم أعاد ببصره مره أخرى

إلى النيل، سأل نفسه هل يوجد ما يستحق أن يفعل ذلك؟ لا بد أنها مسألة ضمير ليس أكثر.. جلس مالك بجواره فجأة دون أي إشارة إلى أنه حضر:
- إزيك يا سعيد؟

انتبه سعيد إلى وجوده فرد عليه:

- الحمد لله.

بدأ سعيد مرتبكاً بعض الشيء، وضع كوب الشاي المنتصف بجواره، اعتدل في جلسته وبدأ يتحدث في حماسة، سأله مالك في هدوء الجراحين:
- تليفونك أكد لي إحساسي.

- مش عارف أبدأ أزاى؟

- قول من غير مقدمات.

بدأ سعيد يقص على مالك في حماس ممتزج بتوتر:

- مالك إنت مش عايز تعرف أنا مشيت من الشغل ليه؟

- يا ريت.. ويا ريت أكثر لوله علاقة بالقضية اللي بحلق فيها.

- أنا كنت شغال مع إبراهيم عطا الله في التيم بتاعه.. عرفت بالصدفة البعثة إن إبراهيم كان بيسجل مكالمات لعملاء.. وبعد كذا عرفت إن نسرين كانت معاه في الليلة دي.. ولما الموضوع اتعرف في الشركة لبسوني القضية دي: لأن أنا كنت تاني واحد بعد إبراهيم في القسم بتاعنا.. إبراهيم ونسرين عرفوا يخلعوا كويس من الموضوع دا.. كل اللي عملوه معاهم إنهم فصلوني بعد التحقيق، وماخذتش مستحقاتي كمان..

بدأ مالك في كتابة ما يقوله سعيد في متسلسلة الأفكار.. أردف سعيد قائلاً:

- قبل مامشي بيوم بدأت اتبع الأرقام اللي بتتسجل وأعرف الأرقام دي تخص مين بالضبط.
- ووصلت لحاجة؟
- اللي قدرت أوصلهم هما ثلاثة من ضمن ١٦ رقم كانوا بيتسجلهم مكالمات
- وبعدين كمل.. أصحاب الأرقام الثلاثة دول وظايفهم إيه؟؟ أو أي معلومة عنهم؟
- اتنين منهم ماسكين منصب كبير في شركات مفاوضات، ورقم منهم مدير شركة.
- اسمهم إيه؟
- تردد سعيد في إكمال الحديث. لاحظ مالك ذلك. لم يعد عليه السؤال وتركه يكمل لبعطيه الثقة كاملة.
- بعد اللي حصل للسرير.. إبراهيم قَدَم استقالته من الشغل واختفى، حصل دا بعد الحادثة بشهرين.
- عايز تقول إيه بكلامك دا؟
- اللي عرفته إن قبل الحادثة بيومين إبراهيم بلغ نسرير إنه مش هيكمل في موضوع تسجيل المكالمات.. لأن الموضوع بدأ يتعرف تالي في الإدارة.
- وانت عرفت مين وانت بره الشركة؟
- أشرف صاحبي اللي شغال مع إبراهيم في الإدارة هو اللي بلغني.. هو متضايق جداً من اللي حصل معايا وبيحاول يساعدي.
- طيب لو أشرف عرف يجيب إثبات إنك بريء كدا هتقدر ترجع؟

- لا.. أشرف مش هيقدر دي أول حاجة.. تاني حاجة أنا مش عايز أرجع تاني خلاص.

- طب إيه اللي حصل بعد كدا لإبراهيم؟

- اختفى.. وساب شقته، بيقولوا بعد موت نسرين بدأ يتصرف تصرفات غريبة، ممكن تكون صدمة، لدرجة إنه في يوم ضرب موظف من اللي شفالين تحت إيدو.

- ماتعرفش عنه أي معلومات؟

نظر له سعيد دون أن ينبس بكلمة.

قال له مالك وهو يمسك بمعصمه:

- يا عم متحافش.. ماتبقاش خواف زي زمان.. سببتك أول مرة وماقولتليش أصامي الناس اللي بيتجسسوا عليهم.. مش هسيبك بقى المره دي.

- هقولك على اللي انت عايزه.

- بس مش ملاحظ حاجة يا سعيد؟

- إيه؟

- إن نسرين اتقتلت.. وإبراهيم مش عارفين مكانه.. وانت طرف بين الاتنين.. مش غريبة دي؟

ابتسم سعيد ونظر بشرود للليل:

- يبقى أنا؟

جلس أحمد خيرى في مكتبه يفكر هل ما فعله مع صديقه صحيح؟ هل إذا ذهب معه في نفس دربه سيحقق ما يريد من عدالة؟ هل سيحقق النجاح الذي ينتظره؟

كان في بداية الأمر نادماً على مساعدة صديقه وإعطائه ما يريد من معلومات. على الرغم من عدم اعتراض محمد جمعة، الوكيل الذي يحقق في القضية. إلا أن أحمد رأى أن تلك الأمور لا تُحل بأيدي الصحافة فقط. أحمد يعلم أن تلك القضية ستكون صعبة في الوصول إلى الجاني: لعدم وجود أدلة كاملة. ولعدم وجود مشتبه بهم حقيقيين. مجرد افتراض. إلا أنه يرى أن حماس صديقه قد يصل بهم إلى شيء. إلى طريق قد يكون شعاع نور داخل تلك القضية المظلمة.

المعلومات الأولى التي استطاعت المباحث الحصول عليها هي أن القتيلة ليست على خلاف مع أحد من الجيران أو في محيط الأسرة أو حتى العمل. ولكن التحريات توصلت إلى أنه قبل الحادث بعدة أيام حدثت مشادة كلامية بينها وبين زميل لها يُدعى "إبراهيم عطا الله" يسكن في حي المهندسين. قد يرى البعض أن تلك المشادة ما هي إلا مشادة عابرة. إلا أن التحريات توصلت إلى التحقيقات التي أجريت داخل الشركة التي تخص واقعة التجسس على أرقام العملاء. وباطلاع النيابة على التحقيقات الإدارية التي أجريت من قبل الشؤون القانونية تعرفت النيابة على أن المتهم في تلك الواقعة موظف يُدعى سعيد وهدان. ولكن ما توصل إليه فريق البحث الجنائي أن المتهمين الحقيقيين لتلك الواقعة هما إبراهيم عطا الله موسى ونسرین وهبه. لم تستطع المباحث الحصول على الأسطوانات المدمجة حيث

قام المتهمان بتفريغها وإعدامها، كما لم تستطع الحصول على الأوراق التي أفرغت فيها المكالمات، فربما قد تكون هي الأخرى قد فقدت أو أهدمت. كان هذا هو الخط الأول الذي سيسير عليه كل من مالك وضابط المباحث "أدام عواد": للوصول إلى القاتل الحقيقي، هكذا تتوحد الأهداف بينهما.

لم أدري لماذا يستمر في فعل ذلك.. بالأمس كانت كلماته قوية كأسهم صائد مسموم قاتل، يدرك تماماً ما يقوله ويعلم جيداً ما يريد، لن يستطيع أن ينال مني مراده، لست أنا مثل اللاتي يضعفن أمام اهتمامات الرجال، كرامتي وشرفي هما تاحي في تلك الحياة العفنة، في كل مرة لتقابل في عمل ما لا أراه إلا حيواناً مسعراً لا ناقة له ولا جمل، يفعل ما يريد مع النساء الضعيفات، أما أنا فلا، أنا غيرهن، لن يستطيع أن يفعل شيئاً معي، وإذا حاول ستكون نهايته حتمية وأقرب مما يتخيل.

تركت القلم واتجهت ببصرها إلى النافذة المطللة على حديقة كبيرة تقع بين ثلاث عمارات تسكن بإحداها.. مازالت عابدة تمارس طقوس كتابتها اليومية والتي تعافض عليها منذ أن رحل والدها عن الحياة، أمسكت القلم مرة أخرى وكتبت:

عندما علم أن زوجي سافر إلى الكويت، أخذ يقترب مني أكثر في محاولة منه لسرقة حق ليس حقه، لا يعلم هذا المجنون أن ما يجعله مجنون النساء لا يعنيني شيئاً، فأنا عابدة.. لست مثل اللاتي تُواعدهن في أوقاتك القذرة.. ظل يعمل معي لمدة خمس سنوات حتى ترك العمل، واتجه للعمل في إحدى الشركات الخاصة الأجنبية، ذات مرة قابلته في أحد الاجتماعات التي تجمع

الوزارة بمسئولي الشركات الأخرى التي تدخل معنا في مشروعات كثيرة. حاول أن يتطرق معي إلى محادثة. لكنني أوقفته متعلقة بذهابي إلى مكتبي للضرورة. وفي يوم كنت بالمتزل بمفردي أنا ومالك. طرقت باب الشقة. لم أدر من بالخارج. ما أن انفرج الباب قليلاً حتى دفع بنفسه إلى الداخل، دعوته إلى الجلوس مضطرة. نظرته كانت مخيفة. كانت حجته أنه أتى دون سابق ميعاد: لأنه لا يعرف رقم هاتفي. وأراد أن يعرض علي رسومات ولوحات المشروع الذي تفتوي شركته تقديمه للوزارة. أحضرت له عصيراً وجلست أستمع إليه. دخل مالك وجلس جوارني طلبت منه أن يذهب إلى غرفته. بعد أن عرض الرسومات نظرتني واقترب مني وهو يتغزل بكلمات. شعرت أنه مريض في تلك اللحظة. دفعته أرضاً وضربته بكوب العصير على رأسه فسالت دماؤه. وفجأة وجدت مالك ينفخ وقد رأى ما حدث. كان في الثانية عشرة من عمره. لم يستطع أن يفعل شيئاً غير أنه اتجه إلى غرفته وأغلقها على نفسه. خرج حسي من الشقة ودماؤه تسهل من رأسه. أسرعرت إلى مالك وتوسلت إليه أن يفتح باب الغرفة. فتح الباب. توقعنت أنه يبكي. ولكنني وجدته جالماً على مكتبه يكتب ويرسم رسومات لم أفهمها. احتضنته وبكيت. وعدني بعد أن طلبت منه الوعد ألا يقص تلك الواقعة على والده. وصدق مالك في وعده.

بعد تلك الواقعة لم أر حسي مرة أخرى إلا بعد عامين. كنت قد انتقلت إلى قسم المشروعات داخل الوزارة. كان يجلس مع مدير المشتريات يناقش بعض بنود عقد التوريدات. لم أبال. لمحتني وأسرع خلفي. استقبلته بفتور بالغ. تركني ورحل. ولم يكمل ما كان يريد أن يكمله من حديث.

تركت عابدة القلم وأعدت قراءة ما كتبتة. ثم دوّنت التاريخ أسفل الورقة الأخيرة.. كتابة يومياتها هو الطريق الذي يدخلها إلى دائرة الراحة النفسية. وضعت الأوراق داخل حافظه حمراء مع باقي أوراق يومياتها. ثم تركت القلم مرة أخرى مُسقى على المكتب وخرجت من الغرفة.

عاد هاني إلى منزله. تجنّب كل الرابضين من شباب المنطقة أمام البيت الذين اعتادوا التجمع عند اقتراب المساء لمتناولوا وجبتهم الشهية من لفافات البانجو وحبوب الهلوسة. صاح أحدهم ليستدعي هاني لينضمّ إليهم فلم يجهّم. دلف إلى البيت. ثم اتجه مباشرة إلى غرفته. جلس على السرير وهو ينظر بتمعن إلى الصور القديمة المعلقة على الحائط المقابل للسرير. استدعت تلك الصور صديقه مالك من طيات الذكريات الكامنة في عقله. تذكّر ما دار بينهما في الديسكو. وتذكر ما قاله له. لم يشعر بالندم حيال ما قاله: لأن مالك أصبح صديقه المقرب. فهو لم بعد لديه أصدقاء بالمعنى الحقيقي. كانت بداية صداقتهما ليست تقليدية. لم يتوقع أن زميله الجديد في العمل سيشاركه حب صور مصر أيام زمان. ذات بعد أن انضم مالك إلى الجرنال بأيام قليلة. يومها دلف مالك إلى غرفة هاني وجلس بجواره. كان هاني في ذلك الوقت يُعدّ مجموعة صور لتحقيق أجراه زهير لقسم الحوادث. بعد أن جلس مالك لم يعطّب على شيء. نظر له وابتسم ثم أمسك سيجارته مرة أخرى ونفث دخانها على شاشة اللاب توب الذي يعمل عليه. مدّ مالك يده إلى الشاشة قائلاً:

- لو شلت الجزء دا وصفرت الصورة شوية هتبقى أحسن.

نظر له هاني في تعجب واستنكار:

- هو أنت مصور واحنا مانعرفش؟ ولا اشتغلت قبل كدا على الفوتوشوب؟
لم يجبه مالك صراحة. وأعاد عليه الطلب مرة أخرى. عاد هاني بنظره إلى الشاشة وفعل ما طلبه مالك منه. دقق النظر في الصورة، وعاد بجسده إلى الخلف بمساعدة الكرسي ذي العجلات المتحركة ليرى الصورة بوضوح. وبزاوية أوسع. ثم نظر إلى مالك قائلاً:

- تصدق عندك حق.. (ثم ابتسم وربت على كتفه).

نظر هاني إلى الشاشة وبدأ يكمل ما كان يفعله قائلاً:

- إنت بتحب التصوير؟

- أه.. وخصوصاً صور مصر القديمة.

- يا راجل؟ أنا عندي صور لمصر زمان، والذي هو اللي كان مصورها، وصور تانية جبتها من ناس بتبيع صور قديمة من محلات في وسط البلد.. بص الفولدر دا هتلاقي فيه كذا فولدر فيه صور قديمة لمصر، اتفرج وشوف اللي انت عابزه وخده على أسطوانة عقبال ما اروح أطع شفيق واجيلك.

نظر له مالك في تعجب، فقال له هاني:

- رايح الحمام. رايح الحمام.

أخذ مالك يتجول ببصره داخل الصور في نفس الوقت الذي كان هاني يفرغ مثانته. كم تملأ مالك أن يعيش في ذلك الزمان، حيث الجمال والقلوب الصافية. وأن يترك هذا المجتمع العفن في كل جوانبه، انطلق بين الصور كالطائر الذي يجوب الأغصان عشقاً. حتى استوقفه أحد الفولدرات الذي يبدو عليه أنه مخفي. فضوله دفعه إلى استعراض الصور بداخله التي

حبست أنفاسه. في تلك اللحظة دخل هاني إلى الغرفة. فرأى ما يراه مالك
صاح فيه:

- إنت إيه اللي خلاك تفتح الفولدر دا؟

نظر له مالك وهو يحملق في وجهه. ثم عاد ببصره مرة أخرى إلى الصور.
وتأكد أن الذي يراه على الشاشة هو هاني الذي يقف أمامه الآن!!

الفصل التاسع في قلوب البشر

في غرفته الكبيرة التي يتوسطها سرير كبير، على يمينه يربض كأس من النبيذ الأحمر، وغليونه الذي لا يفارقه. وقف أمام المرأة لا يرتدي إلا سروالاً قصيراً. تأمل تفاصيل جسده وما فعله الزمن به، هو على يقين أنه يتمتع بحبوبة الشباب. ارتدي روباً من الحرير أحمر اللون مزركشاً. اتجه إلى السرير وجلس نصف جلسة، مدّ ساقيه وأمسك بهاتفه المحمول وعبث بمحتوياته من الأرقام حتى استقر على الاسم الذي يريده. ضغط زر اتصال فامتلت الشاشة بالاسم المراد. جاء صوت الجرس على الطرف الآخر. أمسك بالكأس وارتشف منه. أجابه الطرف الآخر بصوتها الرخيم قائلاً:

- عزوزي حبيبي.. واحشي.

- إنني اللي واحشاني.. عاملة إيه يا كتكوتة؟

ضحكت في نعومة الأطفال المراهقين:

-أنا كويسة.. إنت بقى اللي عامل إيه؟ بقالك يومين يا وحش مش كلمتني.

- معلش يا هبة كنت مشغول قوي في الشركة. وأول لما فضيت كلمتك على

طول.

- مممم.. ماشي هسامحك المرة دي.

- طيب هاتي بوسة حلوة لعزت.

- موووووه.. ها حلوة؟

- كل حاجة منك حلوة.. ها قوليلي بقى لابسة إيه؟

ضحكت قائلة:

- إنت على طول كدا مستعجل؟ دا حتى احنا لسه ماسخنناش.
- هعمل إيه بقى... ماهي أم قردان اللي عندي زمانها على وصول وعايزين ننجز.
- أنا مش عارفة إنت ليه ماتجيش تعيش معايا.. وأهو تتمتع بجد بدل التليفونات دي.. وماتخافش مش هقولك نتجوز.
- أنا كدا مبسوط ومتمتع معاكي من غير ما أحي وأعيش معاكي.
- طيب مش هتجيلي في يوم وأوريك اللي بتسمعوا مني وأكثر كمان؟
- صمت لبرهة وكأنه يفكر:
- هو أنت كدا مش مستمتعة معايا؟
- أي حاجة منك بتمتعلي.
- خلاص خلينا كدا أحسن.. ها قوليلي بقى لابسة إيه؟

أصاب ولم يخطئ عندما أعطى رقم هاتفه إلى سعيد، الزميل القديم الذي كان يحمل معه أولى خيوط الشمس التي تنير له طريق القضية المظلم، كانت الصدفة هي التي لعبت دورها في تلك العلاقة المقطوعة، نعم.. فهو يؤمن بالصدفة التي قد تصنع من حياتنا مستقبلاً لم نره أو نخطط له من قبل، إبراهيم عطالله هو أول الخيط الذي لا بد ألا يفقده، يرى أن ما فعله خطوة جيدة ولا بد أن يعيد ترتيب الأوراق من جديد، لا بد أن يكون هناك دافع قوي ليتمكن من إثبات التهمة عليه مع وجود الدافع المنطقي والقوي، الاتفاق الخفي.

لم يفلق جفنه طوال الليل، جلس إلى مكتبه وكتب الحلقة الثانية من حلقات الكشف عن القاتل، وضع تصوراً لما حدث، وأكد أن الجاني صار قاب قوسين أو أدنى من الإمساك به، كانت أحداث المقال مشوقة جداً، فأسلوب مالك دفع القراء إلى مراسلة الجرنال عبر البريد الإلكتروني لمعرفة أوقات نشر المقال الخاص بتلك الجريمة، أسرع مصطفى بالاتصال بمالك قبيل الفجر، وأكد له مالك أن المقال سيكون غداً بالمطبعة، وبالفعل عند بزوغ شمس يوم جديد كانت عربات توزيع الجرنال تلقي بالأعداد على أرصفة الباعة، بتوسط الجانب الأيسر من الصفحة الأولى عنوان المقال "خيوط جديد" بقلم مالك سلمان.. كان الانتظار الذي طالت به الأيام وطال معه الشوق إلى ما يريد تحقيقه.

هل حقق بذلك ما يريد؟ أم مازالت الأيام تعمل له المزيد؟

==

مكتب أحمد خيرى بسرايا النيابة الساعة الواحدة ظهراً.

يتحدث أحمد في الهاتف.. دخل عليه عامل البوفيه ووضع بجواره فنجان القهوة. أشار أحمد له بالانصراف ثم أردف قائلاً:

- يا آدم مش عايزك تكون قلقان من أي حاجة.. مالك دا صاحبي وأنا عارفه كويس. لا هو متهور ولا هو متمرع في أي حاجة، وكل المعلومات اللي بيكتها مصدرها صحيح.. أنا اتفقت معاه إنه هيتعاون معاك وهيكلمك انتوا هدفكم واحد.

- أنا ما عنديش أي مشكلة إني أتعاون معاه.. إنت قرئت مقاله النهارده؟

- لاله..

- طيب بص يا سيدي.. كاتب عن خيط جديد في القضية، وبيلمح في كلامه عن واحد من المشتبه فهم اسمه إبراهيم عطالله.. إحنا لسه بنعمل عنه تحريات وماوصلناش لأي معلومة بخصوصه.. إزاي يكتب عنه كدا.. أنا مارضتش أستعديه للقسم عشانك.

- هو كاتب اسم إبراهيم في المقال؟

- لا.. بس صاحبك بيكتب بأسلوب القصص والألغاز مافيش معلومة واضحة.. إنت عارف إن الجرنال دا بعد مقالاته بقى يجيله إعلانات بالعبيط؟

ضحك أحمد متفاخراً بصديقه:

- مالك دا واد لعيب وشاطر وعارف شغله كويس.

- أنا ماعنديش أي مشكلة، وأعتقد كمان إن النهاية ماعندهاش أي مشكلة إنه يتعاون معايا عشان أدرأفهم.

- وانت كمان هستفيد.. لو القضية دي اتحلت اسمك هيعلى في الداخلية، دا غير الترقية اللي هتكون مستنياك.. وطبعاً الاسم اللي هينزل في الجرايد.

- يا أحمد بيه الهدف الأساسي عندي أمن البلد.

- ومالك برضه هدفه أمن البلد.. (وهو بضحك).. مالك ماشي بنفس مبدنك ومبدني.. ماتقلقش من أي حاجة.

- أنا واثق في معاليك.. أنا هكلمه وهقابله ونشوف هتوصل لإيه.

- تمام قووي.. هسيبك بقى عشان أمن البلد ما يتأثرش.

- ماشي.. مع السلامة.

تأمل أحمد ما فعله صديقه.. لم يعرف طوال فترة صداقتهما أن مالك يتمتع بتلك الجرأة والحمامة المفرطة.. كان في الماضي يتزوي عن باقي الأصدقاء.. لا يتكلم إلا مع القليل جداً منهم. مالك اليوم أصبح شخصاً آخر. تطورت حياته. صنع لنفسه طريقاً جديداً أثبت فيه أنه قادر على الوجود. قادر على أن يتحدى ذاته التي فقد منها الكثير. صديق الأمس أصبح اليوم مشرقاً. يرى الحياة بعيون جديدة، رغم صعوبة ما يريد أن يتوصل إليه إلا أن أحمد يرى أن صديقه بدأ وضع قدمه على السلم الصحيح الذي سيصعد به إلى السماء. تراجع خوفه عن مساعدته عندما رأى ما يفعله مالك. كان في البداية نادماً على مساعدة صديقه؛ لأنه لا يعرف إلى أين يتجه بكل المعلومات التي كان من الخطأ أن تخرج بعيداً عن مبنى النيابة. ولكن ما أحدثه من جلبة بسبب مقالاته جعله يشعر أنه كان على خطأ عندما تردد بداخله في مساعدة صديقه.

حاول أحمد أن يكمل الدائرة بالحلقة المفقودة وهي اتصال مالك بآدم عواد. آدم يملك الأدلة. ومالك يملك القلم. كل منهما يملك قوته. القضية تحتاج إلى قوة. لمظهر الحق. وترقد القتيلة في سلام إلى الأبد.



خرج سلمان من سهارته بعد أن وضعها بالجراج أسفل العمارة التي يقطن بها. دلف إلى الأسانسير وصعد إلى شفته. أولج المفتاح بمزلاج الباب. كان مرهقاً. كان ممسكاً بيده جرنال الساعة الذي يكتب فيه مالك مقالاته. لم يكن يعلم شيئاً عن تلك القضية أو تفاصيلها. ولا يعلم أن مالك هو الذي يكتب التحقيق الصحفي لها. كان متابِعاً جيداً لصفحات البورصة

والاقتصاد التي يُخرجها زميل أبنة، دلف إلى غرفته واستبدل ملابسه، جلس على السرير، ونظر إلى الصفحة الأولى، وبدأ في القراءة..

وقعت عينه على اسم مالك، اتجه إلى رقم الصفحة التي كُتبت تحت عنوان المقال وبدأ يقرأ، لم يصدق أن ابنة هو من كتب ذلك، أين تعلم الكتابة؟ كيف بدأ؟ وكيف ذهب إلى تلك الجريدة ومنذ متى وهو يعمل بها؟ هل من المعقول أنه لا يعلم شيئاً عن ابنة؟ إذا لماذا يعيش؟ لماذا أصبح أباً لابن لا يعلم عنه شيئاً؟ كان يشعر أن من وضعت تلك المسافة هي عابدة، هي التي صنعتها، وأنه رغم محاولاته للتقرب من ابنة كانت تفرق بينهما، كانت تبني سوراً، زرعت بداخله الكراهية له، هل يوجد ابن يكره أباه؟ هو لا يكرمه ولا يحبه، ولكن لم يؤثر يوماً في حياته، حتى عندما أتى له في يوم ليمسأله شيئاً في أمور الدنيا تنحى سلمان جانباً ولم يجبه، تركه مالك وذهب إلى أمه، فكانت له مصدر معلوماته في الحياة.

والآن وبعد كل تلك السنين اكتشف مؤخراً أن كل ما فعله وكل ما حدث سينقلب عليه، سيفقد الكثير والكثير.



كوستا كافيه - المهندس

في خطوات هادئة تقدمت يارا، الفتاة الصهباء إلى مدخل الكافيه، كان مالك رابضاً ينتظرها، جلست ونظرت إليه، ربت مالك على يدها وهو يبتسم في حنان لم تعتده من قبل، ما أن رأت تلك الابتسامة حتى فاضت عينها بالدمع، دائماً ما تشعر أنه هو الأمان، هو المنفذ من هذا العالم المظلم الذي يحيط بها، يفهم مالك جيداً أن يارا حساسة بطبعها، لذلك يحاول أن

يتجنب أي أمور تزيد من ألمها، المكان شبه مزدحم، ولكنها تشعر أنها تجلس معه بمفردها، انفصلت عن العالم كله من أجله هو فقط، انفصلت عن كل المحيطين وكل الذين يحملون في الجالسين داخل المكان وهم يسرون في الشارع بالخارج، حاول مالك أن يتماسك مع ارتفاع صوت المزكا وصخب الجالسين، تمتت يارا بكلمات لم يسمعها؛ لأن تركيزه بدأ يقل، أشار إلى النادل وطلب منه عصير مانجو، نظرت إلى مالك بعد أن جففت دمعها القريب دائماً، سألتها وهو ينظر بعمق في لون عينيها العملي:

- يارا إنني صحتك كوسة؟

- زي ما انت شايف.

- طب آخر الحزن دا إيه؟ أنا عارف إن لسرين شخص غالي عليك قوي.. بس خلاص اللي حصل حصل ولازم تقبل بي.

- أنا بحاول.. بس غصبت عني.

- إنني عارفة إنني بكتب تحقيق صحفي عن الموضوع دا؟

- لا ما عرفش.. ووصلت لحاجة؟

- لسه.. تعرفني حد اسمة إبراهيم عطالله؟

- أه أعرفه.. شفته كذا مرة، كان بيهي عندنا الإدارة.. آخر مرة شفته فيها كان مع لسرين في مكتبها وشدوا مع بعض في الكلام جامد، وخرج مترفز، ورزق الباب جامد.. ولما دخلت للسرين بعد لما خرج.. قالتلي ابن الكلب دا بيهددني أنا؟ حاولت أفهم فيه إيه غيرت الموضوع ومانكلمتش فيه.. فمرضيتش أضغط عليها وهي متعصبة كدا.

في نفس الوقت الذي كانت يارا تقصّ على مالك ما حدث كان قد أخرج
متسلسلة الأفكار من شنتته وبدأ يدوّن ما تقوله. نظرت له في تعجب،
التقت عيناهما ببعض، ابتسم لها في اعتذار، وطلب منها أن تكمل أردفت
قائلة:

- بعد المشادة دي بكام يوم مش فاكرة قد إيه سمعنا خبر موت لسرين.

- محدش شك في إبراهيم؟

- بص بصراحة أنا شكيت.. بس ماقدرش أقول حاجة، مش معايا دليل..

وكمان محدش عارف هما كان بيهم إيه؟

نظر لها في تعجب:

- يا سلام!!! عايزة تفهمي إنك مش عارفة عن لسرين حاجة في الشغل؟

- مالك بلاش تضغط عليها في الكلام.. إنت شايف أنا حالي عاملة ازاي؟

- لا مش مضغط عليك. بس أنت نسيتي إنك بتحكلي كل حاجة.

- بجد؟؟ هو أنا فضيحة كدا؟

- مش صحفي.. بيتي لازم أطلع منك الكلام وبسهولة.

- طب لما أنت عارف بتسأل ليه؟

- بعمل عليك شغل.. إنتي لسه في الشغل؟

- لا أنا سبته من فتره كدا.. ليه؟

- أصل فيه تحقيقات اتعملت عندكوا من النيابة والمباحث.

- لا ماعرفش أي حاجة عن كل دا.. مالك في أمل إن الجاني يتعرف؟

- أول خطوة لازم نعرف إبراهيم دا فين؟؟ محدش يعرف عنه حاجة من بعد

اللي حصل لسرين.

- أنت عارف إنها كانت كويصة مع كل الناس.. مين اللي عمل فيها كدا؟
- اللي قتلها أكيد شاف فيها الدافع اللي خلاه يعمل كدا.

- يعني إيه؟

- يعني اللي قتلها عمل كدا: لأنه شاف فيها جانب شيطاني.. مؤذي.
حدجته بتعجب:

- نصرين؟! نصرين شيطانة ازاي؟ أكيد إنت متعرفهاش كويس.. نصرين طيبة
زي الملائكة.

قال مهتسماً:

- الملائكة لا تسكن قلوب البشر.

قالت في حدق:

- دا رأيك أنت.. واضح إن شغلك في العوادث أترعلى نظرتك في الناس.

- إنني اللي شاهدة الدنيا حلوة وجميلة.. خيالية ورومانسية بزيادة.

نظرت له باراً متصائلة:

- أنا خيالية ورومانسية؟ إنت شاهف إن دا عيب فيها؟ عموماً هيهي اليوم
اللي هلاقي فيه الشخص اللي يفهم إن دا ميزة مش عيب.

- أنا ما قصدش المعنى اللي إنني فهمتيه.. بس الواقع عفن وريحته خرجت

للناس.. وهما قابلين يعيشوا جوا العفونة دي ومش عايزين يغيروا ولا

يتغيروا. وفي الآخر كل يوم بنشوف اللي بنشوفه.

- روح أنت بقى غير الواقع وشهل منه العفونة.. الجريمة موجودة منذ خلق

البشرية.. مش صح يا أستاذ؟

- أكيد محاول لحد لما أقدر أوصل لكدا.

- لما توصل لهدفك دا.. ابقى كلمني وقولي.. عن إذتك أنا اتأخرت.. لازم أمشي.
- أخذت حقيبتها متجهة إلى الخارج..
- إستني هوصلك.
- لا خليك أنت في معركتك مع العفونة.

الفصل العاشر كل الطرق تؤدي إلى...

كان للمساء حديث آخر، واقع آخر، تهدأ العيون من إرهاقها وتنام، وعيون أخرى ساهرة لا تهدأ. تحاول أن تفك لغز الكلمات المتناثرة أمامها. آدم، الشاب الأسمر الطويل لم ترق له الأحداث بمجملها، الأوراق والتقارير تقوده إلى طريق مسدود، أخرج من درج مكتبه تقرير المعمل الجنائي النهائي الذي أشار إلى معطيات لا تبشر بخير، بدأ يسطر بعينه التقرير حيث جاء بين سطوره: "وُجدت نصف بصمة مدممة على أحد أطراف غطاء السرير، وُجدت أيضاً نفس البصمة المدممة على سكين المطبخ، رابطة العنق لم تحمل بين أنسجتها غير شعرة صغيرة بعد الكشف عليها تبين أنها شعرة ذقن لرجل وشعرة من رأس الفتيلة. عدم وجود أي بقايا قشور لجلد الجنائي تحت أظافر الفتيلة. السائل المنوي الموجود على أغطية السرير مطابق للسائل الموجود بداخل مهبل الفتيلة".. تلك المعلومات لم تقده إلى شيء، لابد من العثور على المشتبه به حتى ينسى للمعمل الجنائي أخذ عينة منه ومطابقتها مع العينة الموجودة من مسرح الجريمة، دارت رأسه، أخذ ثواني راحة، وهو مازال جالساً على مقعده في مكتبه بالقسم، مَدَّ يده ليلتقط كوب الشاي الرابض أمامه، أعاد قراءة باقي الأوراق بعد أن فرك جفنيه لاستعادة تركيزه مرة أخرى، انكأ على مرفقيه على سطح المكتب، وحدج الورق بملء عينيه، وبدأ في قراءة تقرير التحريات الخاص بإبراهيم عطالله، فبعد قرابة الشهرين توصل فريق البحث إلى بعض التحركات لإبراهيم خلال تلك الفترة.

كانت قبلته الأولى مدينة شرم الشيخ. مكث في فندق (هيلتون خليج نعمة) لمدة أسبوع. كان في صحبته أحد أصدقائه. ومن التحريات ثبت أن صديقه ليس له أي سابقة جنائية أو أي نشاط سياسي. ثم اتجه إلى الإسكندرية ومكث عن أحد أقاربه لمدة عشرة أيام كانت تحركاته بين مناطق كوم الدكة ومنيا البصل والعجمي. وقد تبين من التحريات أنه على علاقة بمجموعة من الأصدقاء منذ الجامعة يسكنون في تلك المناطق. بعد ذلك اتجه إلى مسقط رأسه بقنا ولم ترصد له أي تحركات أخرى حتى الآن. ومنذ فترة تقارب الشهر لم تتمكن أجهزة المباحث من تتبعه أمره مرة أخرى وظل حتى الآن مختفياً.

أمسك قلمه وبدأ في كتابة مذكرة يطلب فيها وضعه على قوائم الممنوعين من السفر بناء على المحضر المقيد في دفاتر القسم والرابض في دوسهات النيابة. وجاء في سطور المذكرة أنه من خلال فريق البحث والتحريات استطاعوا تتبع خطوات إبراهيم عطالله. إلا أنه في وسط ذلك اختفى مرة أخرى. وقد تأكدوا أنه أحد المشتبه بهم. وجاء في مذلة المذكرة أنه بناء على ما وصل له فريق المباحث من معلومات أن المشتبه به دائم التحرك داخل القطر المصري. ولا يستقر في مكان معين. لذلك حرصاً على تحقيق العدالة والقبض عليه نرجو إصدار قرار بوضعه على قوائم الممنوعين من السفر خارج البلاد. وإصدار قرار أخربضبطه وإحضاره للتنفيذ.

كان التفكير الذي يسيطر عليه في تلك اللحظة هي الدوافع المنطقية لكي يقوم إبراهيم على فعل ذلك. فالأدلة الجنائية الكاملة ليست معه. وإن كانت معه فأين إبراهيم حتى يطابق ما وجد في موقع الحادث عليه؟ بدأ يفكر في بعض التفاصيل. حيث إن هناك اثنين اشتركا في واقعة تجسس على

مجموعة من العملاء داخل الشركة. كان إبراهيم شريكاً يتقاسم مع نسرين ما تحصل عليه مقابل تلك التسجيلات، وفجأة وبعد أن شعرت الإدارة بما حدث توجهس إبراهيم خيفة على مكانته ومنصبه داخل الشركة، واتخذ قراراً بالرجوع عما يفعله مع نسرين، وأبلغها برغبته في ذلك، فلشبت بينهما مشاجرة كلامية حادة، وبعد فترة قصيرة وجدت مقتولة في شقتها.

قال آدم متحدثاً إلى نفسه:

- تتابع منطقي.. بس لازم أدلة على كل الكلام دا.

في تلك اللحظة الذي عاد بظهر إلى الكرسي، تذكر مالك، قرر التواصل معه: لمعرفة ما يراه في تلك القضية ووجهة نظره.

البصيرة لا تخفي الحقيقة.

كعادته بعد أن ينتهي من عمله المرمق، ينتقل إلى أسارير الليل وما يحيط به من عالمه الخاص. في أحد الكازينوهات المطلة على النيل، يلقي هناك بجسده المثلث بهوم العمل وإنجازاته التي لا يكل ويمل في التفكير بها، جلس إلى البار وتجرع أول كأس له في الليلة، دعتة إحداهن إلى الطاولة الخاصة بها، كشخص قديم في هذا المكان كان من المألوف له أن تدعوه النساء إلى طاولتهن، فهن يعلمن من يكون حسني محفوظ، وما يحتويه جيبه من كنوز جمعها في سنوات عمله التي تجاوزت العشرين عاماً من التعب، وضعت يدها على كتفه، وفي تمايل الأفاعي تجاذبت معه أطراف الحديث في القرب من أذنه اليمنى لتصل الكلمات وسط ضجيج المكان، ابتسم لها واعتدل في جلسته ناظراً إلى عينيها، ابتعدت عنه قليلاً حتى يتسنى لها أن تراه جيداً.

اقترب منها وقبّلها في جبينها. أخذت منه ما تبقى في الكأس وتجرعته. نظراته تؤكد أن ما سمعه كان معمول الكلام عن فحولته ونشاطه الزائد عن منه الذي تجاوز الأربعين. يفتخر عندما تمدحه إحداهن. وتؤكد له أنه مازال شاباً في العشرين من عمره.

رَنَ هاتفه المحمول فما أن رأى اسم المتصل حتى دفع نفسه من مكانه متجهاً إلى الخارج متجنباً الضجيج الذي يحفّ المكان. جاء صوت الطرف الآخر يحمل في طياته الاطمئنان لما يريد حسي:

- حسي بهه - إزيك؟

- الحمد لله يا رفعت - ما فيه جديد؟

- الورق أتمضى خلاص.. مبروك عليك المشروع.

ابتسم في ثقة المنتصر:

- عارف إنه هتمضي.. اللي عملناه كثير عشان يهدي.

- بس اللي حي أصعب.

- مافيش حاجة صعبة على حسي..

ثم شرد قليلاً وأردف قاتلاً:

- حاجة واحدة بس هي اللي لسه صعبة عليا بس هوصلها أكيد.

- هي إيه؟

- وانت مالك؟؟ بلا أقل أنت عشان أكمل لهلي الحلوة دي.

- طيب يا ريس.. سلام.

أغلق الخيط وشرّد قليلاً قبل أن يدلف إلى المكان مرة أخرى، عاد إلى الطاولة التي كان يجلس بها مع إحداهن. كانت ملامحه قد تغيرت إثر المكالمة التي تلقاها، جلس وأحاط عنقها بيده، ثم ضمها إلى صدره فاختمها وجهها.

كانت غرفته هي ساحة الانتصارات، لم يشعر يوماً بأنه الراجل الأربعيني الذي يتوجب عليه أن يبدأ قليلاً في علاقاته، ولكنه مازال يخوض المعارك لإثبات الذات، ألقى بجسده عليها، تلك الفتاة على استعداد أن تتحمل وزن فرس النهر من أجل المال، في تلك اللحظة كان هناك شخص آخر قابلاً في الظلام ينتظر أن تأتي له بما يريد، استسلم تماماً بعد أن أنهكته، راح في نوم عميق، أما هي فقد تجولت في الشقة بعد أن ارتدت ملابسها كاملة، كان هدفها هو الوصول إلى المراد لتحصل على مزيد من المال، ففي تلك الليلة كانت المكاسب كثيرة، من هذا الرجل الأربعيني، ومن ذلك الظل المجهول القابع هناك.

جمعت كل ما تريده في شنطة سوداء، ثم غادرت، كان غارقاً في أحلامه وهو على يقين أنه قد ظفر بالمعركة، معركته مع زمن فانت.



فكر كثيراً قبل أن يقدم على فعل أي شيء باتجاهها، جلس إلى الكرسي الهزاز، أخذ يحرك جسده إلى الأمام وإلى الخلف، فكر جيداً فيما سينتحدث فيه معها، كانت للمقابلة الأخيرة ليست جيدة، زاد انفعاله ولم يراع أن الذي يتحدث عنها هي أقرب الأشخاص إليها، تساءل كيف تعامل بهذا الأسلوب مع فتاه رقيقة مثل يارا؟

لقد اختلط عليه كل شيء.. ففكر في بادئ الأمر أن يهاتفها. ولكن تراجع عن تلك الفكرة. ففكر في وسيلة اتصال أخرى لا تضعه في حوار مباشر معها. لم يجد أمامه غير فيس بوك. أسرع إلى اللاب توب ثم دخل إلى صفحته. بحث عنها في قائمة الأصدقاء حتى وجدها. ضغط على أيقونة الرسائل، وبدأ يكتب ما يريد:

(أنا عارف إن أسلوبك كان صعب معاك شوية. بس هي دي شخصيتي. وكمان ماتنسيش إن شغلاتي دي خليني أشوف حاجات صعبة. أنا ما كنتش أقصد أتكلم وحش كدا عن لسرين صاحبتك. بس الحوادث اللي كنت بشارك في التحقيق فيها خلعت دايماً أحكامي تبقى بالمشكل دا. أول لما جيت كان فيه حادثة القسم بيهقق فيها وأنا كنت متابعتها. من فترة كدا. ست قتلت جوزها بالاشترار مع أولادها. ودفنوا الراجل في المحل اللي كان فاتحه وبياكلهم منه. صبوا عليه خرسانة مسلحة عشان مهبقاش فيه أي أثر للجريمة. وبعد سنين اكتشفت المباحث بالصدفة بقايا الجثة. فهمتي بقى أنا ليه دايماً أحكامي كدا؟ عموماً ماتزعليش مي.. وأوعدك إنني هكون أول واحد يعرف القاتل ويقدمه لعجل المشنقة... دا وعد مي).

أرسل لها كلماته في محاولة للبحث عن مخرج لما آلت إليه الأزمة التي لم يكن وقتها. عاد إلى كرسيه مرة أخرى وبدأ في الاهتزاز. طلب من صديقه في السكن علاء بعد أن استدعاه من غرفته أن يعد له كوباً من الشاي بالنعناع. قام وجلس إلى مكتبه. وضع الأوراق أمامه. سطر بالقلم أولى حروف الحلقة الثالثة من مقالاته. بدأ في الكتابة وبعد قليل توقف. نظر إلى الحائط الذي أمامه ووضع طرف القلم في فمه. وضغط بأسنانه الأمامية.

كان يفكر.. سأل نفسه ما هي مصلحة سعيد في أن يخبره بكل تلك المعلومات؟ أمسك مالك بمتسلسلة الأفكار وبدأ يرسم بداخلها الاحتمالات الممكنة وعلاقة الأشخاص بالقتيلة. والدوافع التي من الممكن أن تدفع القاتل لفعل هذا.

بدأ يكتب عناصر الحدث:

(من المستفيد).... سعيد

(ما هو الدافع للقتل).. الانتقام

(ولماذا الانتقام).... لطرده من العمل

(ولماذا سعي إليّ وتقديم المعلومات)... لحجب الرؤية عن الحقيقة

ثم انتقل إلى العناصر الخاصة بإبراهيم:

(من المستفيد).... إبراهيم

(ما هو الدافع للقتل).. إيقاف عمليات التجسس لصالح لمرين للمحافظة

على مكانته وسمعته في الشركة

(ولماذا سعى إلى الاختفاء)!!??

توقف عن الكتابة. فهناك بعض المعلومات التي لم يجمعها عن إبراهيم حتى

الآن. ربما قد توصل فريق المباحث لشيء. تذكر آدم وتذكر نصيحة صديقه

أحمد للتعاون معه. أخذ هاتفه المحمول وبحث في الأسماء حتى وجد آدم.

أخذ نفساً عميقاً كما لو كان يعطي لنفسه فرصة للتفكير. ضغط الزر

الأخضر.. اتصال..

اليوم التالي.. ظهراً مكتب آدم عواد..

تقدم آدم عواد لاستقبال ضيفه. استقبله بحفاوة بناء على توصية احمد خيرى. تأمل مالك ملامح الفتى الأسمر الذي رفض أن يجلس خلف مكتبه وجلس أمامه وجهاً لوجه. كانت إشارة من آدم لكسر الحواجز بينهما. تبادلوا القليل من الحديث قبل أن يبدأ الحوار عن جريمة القتل. أخرج آدم أوراق القضية من درج مكتبه. وعاد مرة أحرص، للجلوس أمام مالك. أمسك مالك حقيبته وأخرج متسلسلة الأفكار وبدأ يناقش آدم في بعض النقاط والتصورات للقضية. لاحظ آدم أن مالك على دراية كبيرة ببعض الأمور والتي ليس من الطبيعي أن يعرفها أحد. كشف له عن ذلك أنه أمام شاب غير تقليدي في التفكير. أو بمعنى أصح تأكد من ذلك بعد أن قرأ الحلقات التي يكتبها مالك في الجرنال.

سأل مالك في هدوء:

- كذا لازم فيه مشتبهين عشان نطابق معاهم الأدلة.

أجاب آدم مهتماً:

- بالضبط كذا.. أنا كتبت مذكرة امبارح بطلب فيها ضبط وإحضار المدعو

إبراهيم عطالله. ووضعه على قائمة المملوعين من السفر.

- ووصلتم لإيه؟

بدا لآدم أنه يتحدث إلى صديق قديم. يتحدث إليه بتودد وقرب. شعر مالك

بذلك بعد فترة من الحديث. فرأى أن ذلك الشعور مناسب لجمع المعلومات

التي يريدونها لفك طلاسم تلك القضية. أردف آدم قائلاً:

- بص أنا عارف إن الموضوع دا صعب.

قاطعه مالك قائلًا:

- لا لا.. بص أنا اتعلمت حاجة مهمة في حياتي.. مفيش شيء صعب أو مستحيل.

تعجب آدم من حماس مالك قال وهو يبتسم:

- حلو الحماس دا.. يارب يكون بفايدة إن شاء الله.

- صدقني يا أفندم لازم يكون فيه تفاؤل وحماس.

- يا عم أنا اسمي آدم. أفندم دي الفصا خالص. حتى اسأل أحمد خيري كدا. شعر مالك أن كل مخاوفه من تلك المقابلة قد انهارت تمامًا:

- ماشي يا آدم.. عايز أعرف إنت قدرت توصل لحاجة؟

- بص كل المؤشرات بتقول إن إبراهيم عطالله ممكن يكون هو القاتل.

قاطعه مالك:

- ممكن؟ ليه مش أكهد؟

- عشان لعد دلوقتي مافيش دليل إدانة تقدر تقدمه للمحكمة.

أخذ مالك بقلب في أوراق المتسلسلة قائلًا:

- على حد علمي إن في أحرار القضية كرافتة وسائل منوي وبصمات تم رفعها من موقع الحادث.

- دا صحيح بس لازم يكون. إبراهيم موجود عشان تقدر نطابق الأدلة ونعمله تحليل الـ"دي إن آيه".

- ممم.. طب التحريات وصلانكم لإيه؟

- بص في خط كدا في القضية دي أنا بحاول أمسكه.

اتسعت حديقة مالك كما لو رأى ضوءاً قوياً من بعيد. قال متحمساً:
- طب أنا ممكن أساعدك.

- إبراهيم ونسرین كانوا سبب في إن عيش سعيد وهدان يتقطع من الشركة.
صمت مالك ولم يعقب. كانت رغبته في أن يجعل آدم يلقي بكل أوراقه أولاً.
أردف آدم قائلاً:

- اللي عرفته من التحقيقات في الشركة إن سعيد دا كان كبش فدا لنسرین
وإبراهيم. وهما اللي لبتسوه موضوع التجسس والتسجيلات. وتفصل سعيد،
ولحد دلوقت قاعد في البيت مش بيشتغل.

سأل مالك في تعجب مصطنع:

- تفكر عمل كدا بدافع الانتقام؟
- يمكن.. بص كل شيء قدامنا جابر وممكن.
ابتسم مالك قائلاً:

- طب من باب أولى كان قتل إبراهيم الأول.
- لا نسرین أسهل بكثير من إبراهيم. وكمان عشان يلاقي حد يلبس القضية.
سأله مالك وهو يقترب إليه قليلاً:

- هو أنت ليه متأكد كدا إن سعيد هو اللي قتلها؟
في تلك الأثناء دخل عامل البوفيه وسأل آدم عن مشروب ضيفه. فقال له
مالك إنه يفضل كوب الشاي بالنعناع البلدي. ثم أردف آدم مجاباً على
سؤال مالك قائلاً:

- الكل قدامي مشتبه لحد لما يثبت العكس.
- إبراهيم موقفه إيه بقى لحد دلوقت؟

- بالكثير قوي بكرا هيكون فيه قرار من النيابة بضبط واحضار ابراهيم.
ماتستعجلش يا مالك.

- وسعيد؟

- جاي في الطريق برضه.

نظر مالك إلى النافذة التي تطل على أشجار تحيط القسم. تأمل أوراقها وفي
خبايا نفسه كان يفكر فيما سوف تؤول له الأحداث. عاد بنظره مره أخرى
إلى آدم قائلاً:

- أنا عندي شوية معلومات بخصوص سعيد.

تقدّم آدم قليلاً في جلسته. واضعاً يده على المكتب في حالة تأهب:

- ماتقول مستني إيه؟

- سعيد قابلني من فترة كدا.

- نعم؟ (في تعجب) أنت تعرفه؟

- هو وصل لي بطريقته.

- وبعدين؟

- حكاكي كل حاجة عن موضوع نسرين وإبراهيم.. واللي قدرت أفهمه منه.. إن

إبراهيم بنسبة كبيرة له يد في الجريمة.

- وأنت ماشكتش في كلامه؟

- من ناحية صدقه؟

- أه.. ممكن يكون بيهور عليك.

- مش بعيد.

سأله آدم بصورة هجومية:

- طب هو ليه حاول يوصلك إشمعنى انت؟

أجابه مالك في تلقانية غير معبودة:

- فلسفة الدخان.

ضحك آدم، كان ذلك أثناء دخول عامل البوفيه حاملاً معه أكواب الشاي، وضعها على الطاولة التي تفصل بينهما، التقط آدم أوراق النعناع ووضعها في كوب مالك، وأخذ يقلب حبيبات السكر مع ماء الشاي، قدم لمالك الكوب قائلاً:

- إيه يا عم مالك؟ ما بلاش الألفاظ بتاعتك دي.. الكلام دا نكتبه للقراء اللي بهقرولك.

ضحك مالك وهو يرشف من الكوب.. ثم قال:

- ولا ألفاظ ولا أي حاجة.. ففكر معايا كدا.. لو أنت واقف في مكان بعيد ومش عايز حد يشوفك بتعمل إيه؟ أبسط فكرة ممكن تعملها إيه؟
- إيه؟

- هتولع في شوية ورق زبالة أو خشب.. هيعمل دخان جامد.. واللي قدامك مش هيشوف اللي ورا الدخان.

- أفهم من كلامك إن سعيد قابلك عشان ماتشكش فيه.
- ممكن.. ليه لا؟

- كل اللي بتقوله دا افتراضيات.. واحنا المباحث دورنا نقدم الأدلة للنهابة..
أدلة مادية على مرتكب العاثر.

- أنت عندك أدلة... بمن ناقصك إنك تطابقها.

- بالضبط كدا، استدعاء سعيد للتحقيق هيثم خلال يومين بالكثير بإذن الله.

- هو تقرير الطب الشرعي النهائي وصل؟
- اه معايا.
- طب ممكن احتفظ بنسخة منه؟
- طبعا.. بس دا عشان خاطر احمد خيرى.
- خلاص بقى يا آدم. انا من النهاردة المفروض بقى ليا خاطر عندك.
- اكيد طبعا يا مالك.
- انت بقالك قد إيه في المباحث.
- انا لسه منقول من كام شهر.. قبل الحادثة بأسبوعين.
- قال مالك مبتسماً:
- اللي له شهر بقى يطير على المباحث.. عموماً فرصة تثبت نفسك وتقول انا هنا.. ماتقلش هلتمك في الجرنال. وهكتب اسمك بالفونت العريض.
- شكراً يا مالك.. بس الأهم عندي إني أخلص القضية دي.
- متخلص على خير..

تثابتت هند وهي تفكر كيف ستقضي اليوم. هل ستذهب إلى أصدقائها في النادي. أم ستذهب إلى الشركة التي تقحم نفسها بالعمل بها لمجرد أنها زوجة رئيس مجلس الإدارة والمدير العام بها. نظرت إلى هاتفها المحمول الرابض بجوارها على الكومودينو. وجدت بأسفله شيكاً بملغ مائة وخمسين ألف جنيه. ابتسمت في ثقة. سيصبح البنك أولى قبلتها هذا اليوم. هاتفت صديقاتها واتلفتت معهن أنها ستذهب إلهن في تمام الساعة الخامسة مساءً بعد أن تفرغ من مناقشاتهما داخل الشركة مع الموظفين

والموظفات: وسلمان الذي يضيق صدرأ عندما يرى إضاءة مكتبها.
هكذا هند تبدو عندما تأتي إلى الشركة. متأنقة في هندامها. تعتمد ذلك وهي
ذاهبة إلى هناك. كانت رسالة واضحة لكل الموظفين أنها السيدة الأولى هنا
ولا يوجد غيرها. تعلم جيداً أنها لا تملك أي مهارات أخرى غير شيليين هما:
اللسان السليط والأناقة التي تلفت الأنظار. تعلمت ذلك بعد زواجها من
عزت. وبالتحديد عندما دخل عزت عالم رجال الأعمال: بدأت تقترب إلى
زوجات أصدقائه من طبقة رجال الأعمال الأثرياء. كانت مازالت تسكن معه
في شقة صغيرة بحدائق حلوان قبل أن تنتقل هي وزوجها إلى شقة في الحي
العتيق.. الزمالك. ومنذ ذلك الوقت كل شيء قد تغير. تعلمت من زوجات
أصدقاء عزت كيف تفتحي ملابسها. تغيرت اهتماماتها فأصبحت تحضر
عروض الباليه ومعارض اللوحات وحفلات الموسيقى. تغيرت من حال إلى
حال. سلكت الطريق الذي جعلها تسمى ما كانت عليه في الماضي. سكبت كل
أحداثه في مستودع من النفايات وتخلصت منه تماماً. نسبت كل شيء حتى
أهلها. كانت لا تتودد إليهم وهم لم يعرفوا لها طريقاً. كانت ترسل لهم ما
تجود به في المناسبات. كل ما كانت تريده قد حدث. فقد استحوذت على
عزت تماماً وأيضاً على ما يملك. فهي دائماً تشعر بأنها تريد أن تستحوذ على
ما تراه في أيدي الآخرين.

عادت إلى شقتها بعد أن صرفت مبلغ الشيك. تجاوزت الساعة الخامسة
والنصف. صديقاتها ينتظرن في النادي كما انفتحت معهن على ذلك. اتصلت
إحداهن بها. لم تُجِب. ظل الاتصال بها حتى تجاوزت الساعة السادسة ولم
ترد.

الفصل الحادي عشر طرق الأبواب

مقر شركة 'تقسيم'

الساعة الثالثة عصر نفس اليوم

انفتح سلمان في طريقه إلى مكتب عزت ماراً بمكتب هند. فوجده مغلقاً. صعد إلى الطابق الأعلى. يعلم أن عزت موجود هناك. كان متجهاً والغضب يبدو عليه حاملاً في يده بعض الأوراق والملفات. فلما كان بغضب سلمان في العمل. ولكن تلك المرة لم تكن عادية. في طريقه إلى المكتب تصادف بسكرتيرة عزت فسألها هل هو الآن بالمكتب أم يمر في أحد الأقسام. فأجابته بأنه بمكتبه. ولكنه مشغول ببعض المكالمات المهمة. وأنها سوف تبلغه إذا أراد سلمان منه شيئاً. حدجها في تعجب. كيف تقول له ذلك وهي على عد اليقين بأنه مالك وشريك في تلك المؤسسة؟ لم يفهم إلا شيئاً واحداً أن ما يفعله عزت في الشركة جعل الموظفين يشعرون بأن مفاتيح كل شيء معه هو. لم يعقب على ما فعلته السكرتيرة فقد كانت الأوراق هي شاغله الأول والأخير. في تلك المسافة بين الطابق الثاني والطابق الخامس حيث يوجد مكتبه ومكتب عزت. كان يفكر وقد ساد عليه الغضب وهو الذي لم يعتد أن يغضب إلا قليلاً. سأله أحد الموظفين في قسم المشتريات قائلاً:

- إن شاء الله الاجتماع الساعة ٤ يا مستر سلمان؟

أجابه بصوت مرتفع:

- مفيش زفت النهارده.

أسرعت خطواته المتصاعدة على سلم الشركة. كل من رآه من الموظفين شعروا بأنه ليس سلمان الذي اعتادوا أن يروه وهو يبتسم ويتحدث إليهم في ود ومحبة: ركل باب الغرفة واندفع بداخلها. كانت وجنتاه ورديتي اللون إثر الانفعال. أدار عزت جسده بالمقعد وهو يتحدث في الهاتف. ونظر إلى سلمان وفي برود تام أشار له بالجلوس. لم يبالي سلمان بإشارته وألقى بالأوراق على سطح المكتب. حدجه عزت في تعجب شديد. ففي تلك السنوات التي جمعت بينهما، الشراكة والصداقة. وأمور أخرى كثيرة لم يزل هذا الغضب على وجه سلمان. استأذن عزت من المتصل أن ينهي المكالمة على أن يعاود مرة أخرى الاتصال به. نظر إلى سلمان قائلاً:

- متفضل واقف كذا؟ اقعد

- مش هتقعد. عايز أفهم إيه اللي مكتوب في الورق دا؟

- ما له الورق؟

- أقرأ وانت هتعرف.

بكل هدوء أشعل عزت غليونه وأخذ يقلب الأوراق ويقرأ ما بداخلها، كان سلمان على يقين أن عزت سراوغة ولن يستسلم بسهولة. ولكن كان في قرار نفسه أنه مهما كان ماهراً في المراوغة فإنه لن يحرز هدفاً تلك المرة.

نظر له عزت وأخذ ينفث دخانه في الهواء ثم قال:

- ما له بقى الورق اللي قدامي؟

- عايز أفهم الفلوس دي اتسعبت من البنك ليه؟

أجابه عزت في بروده المعتاد:

- عادي.. عمولات.

- عمولات لهند؟

- وانت عرفت منين إنها لهند؟

- أرقام الشيكات والمبالغ المسحوبة وتوقيع الهانم اللي صدرت باسمها الشيكات، ممكن أفهم السبب؟

لم يجبه عزت، وقام متجنباً ناحية الباب وانجه إلى الخارج، وتحدث إلى السكرتيرة الرابضة أمام مكتبها، عاد مره أخرى وأغلق الباب، كانت محاولة ذكية منه ليأخذ وقتاً للتفكير كلاعب ملاكمة يستند إلى الحبال ليأخذ وقتاً ليستعيد وعيه ويبدأ من جديد، لاحظ سلمان ملامح القلق على وجه عزت، فشعر بأنه في بداية طريقه للوصول إلى ضالته، تقدم عزت بعد أن أغلق الباب، واقترب من سلمان، ربت على كتفه قائلاً:

- اقعد بقى عشان أفهمك.

جلس سلمان مرغماً في محاولة للوصول إلى الحقيقة، جلس عزت أمامه وأشغل غلبونه مرة أخرى، بدأ عزت حديثه في محاولة منه دائماً لإخفاء قلقه:

- مين اللي اداك الورق دا؟

ابتسم سلمان في سخرية:

- لي مصادري وعبوني.

أسر عزت حديثه قائلاً:

- عرفتهم ولاد الكلب الجعائين.

ثم وجه كلامه إلى سلمان قائلاً:

- أنت عايز تعرف إيه بالضبط؟

- حاجات كثير عايز أفهمها منك. أولاً الأسعار اللي كانت بتتغير من غير علمي... ثانياً العطاءات اللي كانت بترسى علينا لغاية شهر فوات، ودلوقتي ولا عطا رمي علينا.. ثالثاً المست هند مرانك والفلوس اللي سحبتها بشيكات موقعة من سيادتك وموقعة من مدير الحسابات بمبالغ تجاوزت الـ ٣ مليون على مدار سنتين... رابعاً الأوراق اللي اتفاجنت إنها ماضية عليها وعدت واتصرفت.. أنا عايز أعرف هي هنا بصفتها إيه؟ مرات البيه؟ ولا تكولش ماسكة علينا زلة لا سمح الله.

- مالهوش لازمة الكلام دا.

- أمال أفسر دا كله بإيه.. آخر شيك الهانم صرفاه بقيمة ١٥٠ ألف جنيه.. ممكن أعرف دي عمولة أنهى مشروع؟

- مشروع القطامية.

- وهي واخدة عمولة على إيه؟ هي شفاله في السيلز وانا ماعرفش؟

- لا.

- حلو قوي.. طب قولي بقي يا عزت المشروع دا أصلاً مكسبه كام؟ لا بلاش.

قولي المبلغ دا هيتحط في حسابات المشروع تحت اسم إيه؟

لم يعقب عزت على سؤاله. وحاول أن يأخذ دفعة الحوار إلى طريق آخر قائلاً:

- أنت مش تركيزك في الأراضى وبس.. بيع وشراء.. أنا بقي تركيزي كله في ازاي

أدخل المناقصات وترمي علينا.. مالك انت بقي بالجزء دا؟

- هو حضرتك مش واخذ بالك إن أنا شريكك؟

- لا واخذ بالي طبعاً.. أنا كل هدفي لزاى أحافظ على الصرح دا.

- لا فعلاً واضح جداً إنك بتحافظ عليه.

- بص يا سلمان عشان أقدر أخذ المناقصات دي كان لازم شوية حاجات
تحصل عشان نقدر نستمر في السوق.

- اللي هي إيه؟

نظر عزت إلى الجهة الأخرى، وأخذ نفساً من غليونه وأطلقه في الهواء، أدار
وجهه إلى سلمان:

- مشرحلك كل حاجة.

في محاولة منها للقضاء على الملل الذي ألمّ بها جلست إلى جهاز اللاب توب
في غرفتها، وكعادة يارا تصفحت موقع فيس بوك، وما أن دخلت إليه حتى
رأت رسالتين قد وصلتا إليها، ولاحظت أن مالك قد قبل الصداقة، تصفحت
الرسالة الأولى وكانت من إحدى صديقاتها في العمل القديم كانت تطمن
عليها. أما الثانية فكانت من مالك، تأملت كلماته، وشعرت بأنه ولأول مرة
يتحدث معها من قلبه لا عقله، شعرت أنه صادق حقاً، شعرت بالخجل من
نفسها؛ لأنها حكمت عليه في عجلة من أمرها، وهو الذي لم يقصد أن يبين
نسرته، وكيف يفعل ذلك وهو لم يقابلها إلا مرة وكانت بالمصادفة؟ الآن
فقط شعرت بإحساس آخر، شعرت أنه بدأ يقترب منها، يكفيها تلك
الرسالة، يكفيها أنه اعتذر عن ذنب اقترفه.

أغلقت الموقع وجلست إلى السرير، وتذكرت أول مرة رأت فيها مالك، تذكرت
كم كان أنيقاً وبلغت الأنظار، تذكرت المرة الأولى التي تحدثت معه عبر الهاتف
كان قليل الكلام معها، تحركت مشاعرها بسرعة تجاهه وهو لم يكن كذلك،
كان يفكر أكثر من أي شيء، تذكرت تلك المرة التي جلست بين يديه بناء على

طلب وإلحاح منها أن تقابله، تقابلا بالقرب من ساقية الصاوي، ثم اتجها سيراً على الأقدام إلى مطعم ماكدونالدز بالقرب من شاطئ نهر النيل، دعتة إلى الغداء وجلست بين يديه كطفلة صغيرة تداعب حبيبات النمش المتناثرة على وجنتها، ظلت وتبتسم، فابتسامتها تداعب حبيبات النمش المتناثرة على وجنتها، ظلت تحكي له عن كل شيء، عن عملها وعن علاقتها بنسرين، وعن عائلتها، كان صامتاً لا يتكلم إلا القليل، شعرت أن عيونه هي التي تدفعها دفعاً للتحدث، وحتي كل ما يخص حياتها وعملها، تكلمت عن نسرين أكثر من حديثها عن أمها، شعر مالك أن نسرين تستحوذ على جزء كبير من حياة يارا، وفهم أن يارا تعرف كثيراً عن نسرين وما تفعله في العمل وخارج العمل.

خرجت من دائرة الذكريات وتساءلت: هل سيصدق مالك حقاً في وعده ويأتي لها بالجاني الذي قتل أهم شخص في حياتها؟

بعد يوم شاق مليء بالمنازعات والشد والجذب، عاد عزت إلى شقته في تمام الساعة الثامنة مساءً، دلف إلى غرفة المكتب وجلس إلى مكتبه، أخرج بعض الأوراق التي أعطاها له سلمان من الدوسيه وبدأ يقرأ في تركيز، تساءل: كيف سمح لسلمان أن يمسك عليه خطأ كهذا؟ فكر للحظة كيف دخل مع شريكه في تلك المناوشات التي وضعت في موقف ضعيف وهو القوي دائماً؟، وكيف سيُرضي زوجته المصون التي لا تشبع ولا ترضى بالقليل مثل البحر الذي يحتضن بذراعه كل من يدخل إليه.

أشعل غليونه وبدأ يدون بعض الكلمات في ورقة بيضاء، جاءت ملاحظته تدور حول وضع العمل داخل الشركة، فبعد هذا الموقف الذي حدث قد

تتغير أشياء كثيرة، نعم، لن تعود الأمور كما كانت عليه، فكّر عزت كثيراً وما سوف يفعله، فهو الشخص الذي لا يُهزم بسهولة كما يدّعي الآخرون، هذا الصرح لن يمر من تحت يديه كما تمر السيارات بكل سهولة من أسفل الجسر.

مرّ على جلوسه قرابة الساعة وقد شعر بالإرهاق، أخذ هاتفه الرابض في جيبه، بحث في الأرقام حتى استقر على اسم هند، اتصل بها فلم تجب، تأكد أن الجو الآن يسمح بمحادثة فاتنته، الدائرة الآن تدور حول إشباع رغباته، لن يقف عند سنه الذي تجاوز الخمسين، ولن يقف عند محاولاته مع هند طوال فترة زواجهما التي باءت بالفشل، فقد وجد ضالته: المكالمات الهاتفية تثير بداخله بنابيع الطاقة والحبوية، ويجد نفسه بين كل ما يقوله ويسمعه ما يثقل قلبه ويثير مشاعره، فبنطلق فيضان الدماء إلى موضعه، فيزأر كأسد غابة كان قاب قوسين أو أدنى من الموت.

جاء صوتها الرخيم معبراً عن أنوثة فتاة العشرينات، سألته في تعجب لماذا كان اتصاله مبكراً على غير العادة؟ فقد اعتادت المكالمات بعد منتصف الليل، حيث تكون هند نائمة في غرفتها ولا تشعر بشيء، شرح لها أن زوجته ليست بالشقة الآن، ويرى أن الوقت مناسب لذلك، فلن تعود إلا بعد التاسعة مساءً: أخذ يتحدث معها في ما يثيره، طلب منها أن تصف له ما ترتديه، فاسترسلت في الوصف مع ضحكتها المثيرة لأذنيه، تسارع تدفق الدم في الأوردة، أسرع وأحضر كأساً من النبيذ ليكمل دائرة المتعة، شعر بارتفاع درجة حرارة المكان، فخلع ملابسه، هذا المسنّ الذي يتلذذ بالمكالمات الهاتفية!!

استمر الحديث حتى تجاوزت الساعة العاشرة مساءً. كان قد ظفر بمعركته الهاتفية. أنهى المحادثة معها. وكغير العادة شعر بأن هند قد تأخرت في العودة، فعاود الاتصال بها وهو يصعد الدرج لغرفته، دلف إلى الحمام وهو مازال يعاود الاتصال بها ولم ترد. بعد أن فرغ من حمامه الدافئ، خرج من غرفته وقد جذبته صوت موسيقى مومسارت المنبعث من غرفة هند. كان الباب موصداً. ظنّ في بادئ الأمر أن هند قد نسيت المسجل وخرجت إلى مقصدها. عاد واتصل بها مرة أخرى. في تلك اللحظة صمت المسجل فقد انتهى تراك الموسيقى. سمع رنات هاتفها تنبعث من داخل الغرفة. تقدم في خطوات سريعة إلى الغرفة وفتح الباب. ورأى ما لم يتوقعه.

صباح اليوم التالي

استيقظ مالك على رنات هاتفه في تمام الساعة السابعة والنصف. عقله يخاطب أموراً كثيرة ليست على أرض الواقع. فبين العلم واليقظة يعيش عقل الإنسان في دائرة الأشخاص المفقودين من حياته. والذين يفكر فيهم قبل النوم. ولكن جاء صوت مدبر التحرير ليقطع تلك الدائرة. فهو ليس من الأشخاص المفقودين في حياة مالك.

قال مصطفي في تعجب:

- أنت لسه نايم؟ قوم بسرعة وتعال.

تثاءب مالك ثم قال:

- خبيراً أستاذنا؟ الساعة سبعة.

- تعالي الجرنال حالاً.. أنا هنا من خمسة الصبح.

وقد بدا عليه الوعي شيئاً فشيئاً قال:

- خيراً رس؟

- هند مرات عزت الشامي اتقتلت امبارح.

بادئ ذي بدء لم يدرك مالك ما قاله مصطفى. أسرع وارتدى ملابسه. اتصل بهاني كي يلحق به إلى الجرنال، كانت أفكاره مشوشة. فبلاّمس كان يبحث عن قاتل نسرين. واليوم أصبح هناك قتيلة أخرى وقاتل آخر. اتسعت دائرة البحث. وستزيد فجوة الغموض.

دلف إلى مدخل الجرنال مسرعاً. كانت الساعة الثامنة إلا الربع صباحاً. المكان شبه خالي من الموظفين وغرفة مصطفى مضاءة. دلف إلى غرفة مدير التحرير كان في إثره عامل البوفيه. طلب منه مالك كوب الشاي المفضل لديه. جلس أمام مصطفى. كان يدون بعض الملاحظات أثناء دخول مالك الغرفة. ترك القلم ثم نظر إلى مالك وهو يشعل سيجارة قائلاً:

- نفس الطريقة يا مالك.. نفس طريقة القتل.

سأله مالك:

- إزاي؟

- الجثة كانت عريانة تماماً.. ورجلها مفتوحة على كرسيين خشب من كرامي السفر.. العورة كانت مكشوفة.. مذبوحة من الرقبة.. ومخنوقة بكرافتة..

نفس الطريقة... حارف دا معناه إيه؟

- إيه؟

- اننا قدام قاتل متمسمل.

أجابه مالك في برود:

- ماعتقدش.

حدجه مصطفى في تعجب:

- إزاي يعني؟ نفس الأسلوب والطريقة.

- افهم بس يا أستاذنا.. القائل المتسلسل لازم يكون قتل أكثر من ثلاثة

عشان يأخذ اللقب دا.

- مش هعش معاك في جدال.. مش وقته.. تطلع دلوقت على شقتها في

الزمالك.. أنا نسيت أكرم هاني.

- أنا كلمته وزمانه في الطريق على هنا.

- كويس جداً.. ألدراخد منك الحلقة الجديدة إمتي؟

- النهارده.

- كدا كل الحلقات اللي كتبها متتغير؟

- لا.. دي متعلقو أكثر.

- اعمل شغلك وفي الآخر اعرضه عليها.. بس لازم نكون منزلين الحلقة..

متعلق الطابعة الثانية.

دلف هاني إلى الجرنال. لم يجد أحداً. هاتف مالك الذي اندفع إلى خارج

مكتب مدير التحرير بعد أن أستاذ مصطفى لبتجه إلى موقع الحادث. ما

أن راه هاني حتى اندفع إليه متسائلاً:

- إنت هنا من إمتي؟

- من عشر دقائق.

- هنروح على هناك؟

ابتسم له مالك:

- طبعاً.

خمسة عشر دقيقة هي مدة المسافة بين الدقي والزمالك صباحاً. عندما وصلا أمام العمارة التي وقعت بها الجريمة. هاتف مالك صديقه أحمد خيري ليعلمه بما حدث. وأنه وصل لموقع الحادث. أخبره أحمد أن يهاتف آدم؛ لأنه الآن يوجد بمسرح الحادث. سأله مالك في تعجب:

- طب لما أنت عارف بالحادثة ماقولتليش ليه؟

- أنا عرفت من آدم.. كانت الساعة خمسة الصبح.

- كنت اتصلت ببا على طول.. كان لازم أعرف منك.

تدخل هاني ليقطع استمرار حديث مالك:

- مش وقته خالص عتاب.. يلا نطلع ونشوف إيه الأخبار.

رفض مالك أن يصعدا لي المصعد الكهربائي. كان يرغب في تأمل المبنى الذي تسكن فيه الضحية. يتذكر أنه حضر هنا مرة واحدة. ولكن منذ زمن بعيد عندما بدأت الشراكة بين والده وعزت وانتقلوا إلى الزمالك. استقبلته يومها هند بعبارات مألوفة على مسامعه كطفل صغير؛ أراد أن يرسم ملامح هذا المبنى مرة أخرى. ولكن بعد زمن. لم يتغير شيء. مازالت تلك الجدران كما هي.

استعاد انتباهه عندما سأله أحد رجال الأمن عن سبب وجوده أمام الشقة. وضع له أنه صحن في إحدى الجرائد. منعه من الدخول إلى الموقع. لن يضيع وقته معه. اتصل بآدم الذي خرج إليه وسمح له بالدخول. لاحظ آدم وجود هاني وفي يده الكاميرا فقال له:

- خد بالك وانت بتصور.. ماتلمش حاجة.

بدا على هاني التوتروالإعياء، مما دفع آدم إلى سؤال مالك:

- هو صاحبك عيان ولا إيه؟

- يمكن.

كان عزت يجلس في غرفة مكتبه يدخن عليونه. لم يره مالك وهو يصعد إلى الغرف العلوية ليرى موقع الحادث. بعد أن انتهى من معاينة الموقع. وحفر تفاصيله في عقله. هبط إلى الأسفل. كان عزت في اتجاهه خارج مكتبه. التقت عيناهما. فتقدم مالك لمواساته. إلا أن عزت قابله بفتور. لاحظ آدم

ما حدث. فسأل مالك:

- أنت تعرف عزت بيه؟

- أه طبعا.. شريك والدي في الشغل.

اندفع عزت في كلامه موجهاً إلى مالك:

- والدك اللي قتل مراتي.

لم يستوعب مالك ما قاله عزت. نظر إلى آدم منمعباً. أشار آدم له بالتزام

الصمت. ثم نظر إلى عزت قائلاً:

- أستاذ عزت.. لو عندك أي كلام عايز تقوله يا ريت تتفضل معايا على

القسم. وسمع منك كل حاجة.

- أنا اللي عندي قولتهولك.. سلمان هو اللي قتلها.

سأله مالك في هدوء:

- أنت إيه دليلك على الاتهام دا؟

- وانت بتسألني بصفتك إيه؟

تدخل آدم قائلاً:

- مالهوش أي لازمة الكلام هنا.. في القسم نسمع كل حاجة.
في تلك اللحظة هبط هاني بعد أن أنهى مهمته. لاحظ آدم أن هاني مازال
متوتراً. مما دفعه إلى معرفة السبب. فأشار إليه للاقتراب. فاقترب هاني إليه
فسأله آدم:
- إنت أول مرة تصور موقع حادث؟
نظر هاني إلى مالك ثم عاد بنظره مرة أخرى إلى آدم:
- له بتقول كدا يا حضرة الظابط؟
أسرع مالك والتقط الشريط من صديقه:
- أنا صحيته على الخبر على طول.. وشكله مكانش نايم كويس.
- طب أنت خلصت شغلك يا مالك؟
- خلصت يا آدم.
- تقدر تعدي عليها في القسم الساعة واحدة الظهر عشان نشوف نتعمل إيه.
- هحاول متأخرش عليك.
التفت آدم موجهاً كلامه إلى عزت قائلاً:
- تقدر تتفضل معاها دلوقت على القسم عشان نبدأ شغلنا.
تحرك الجميع كلٌ إلى مقصده. أسرع مالك إلى مقر الجرنال. وأخرج
متسلسلة الأفكار وبدأ يدون فيها الجزء الجديد من سلسلة حلقاته التي
بدأت تلفت انتباه القراء. وبدأ اسمه مألوفاً لدى الكثير منهم. أما هاني فقد
بدأ في تفرغ كاميراته من صورها على جهاز اللاب توب لإعدادها بالشكل
الملائم للنشر.

١٤٠

في تلك الأثناء، ووسط هذا الضجيج الذي يملأ الأحداث كان سلمان مازال غارقاً في نوم عميق، ولا يدري بشيء عما حدث، كانت الأمور في بيته تسير كعادتها مع الأيام، تستيقظ عابدة في موعدها لتذهب إلى الوزارة، بينما يظل هو نائماً حتى الساعة التاسعة والنصف، ثم ينطلق إلى مقر الشركة أو يذهب إلى اجتماعاته مع شركات أخرى، ثم يعود مرة أخرى إلى المنزل يتصفح الجرائد ويغلد إلى النوم، كترس يتحرك داخل دائرة ثابتة.

عندما ذهب سلمان إلى الشركة متأخراً عن موعده المعتاد، وجد أن الخبر قد انتشر كفيروس لعين داخل الجسد، جلس إلى مكتبه واستدعى السكرتيرة التي أخبرته بما حدث لزوجة شريكه، تعجب كيف حدث كل هذا، ولماذا لم يحاول عزت الاتصال به، ليلف بجواره في تلك المحنة، بعد نصف ساعة سمع جلبة داخل الشركة فانطلق من مكتبه ليرى ماذا يحدث، فوجى بقوات من الشرطة في الجو للأسفل، هبط إليهم مستفسراً عن سبب وجودهم، طلبوا منه أن يذهب معهم إلى القسم، لم يعترض في شيء فربما قد دعاه صديقه لشيء ما في القضية، أو ربما قد أصبح عزت متهماً بقتل زوجته، ويريد أن يشهد بعكس ذلك، كانت تلك الأسئلة التي تدور في مخيلته وهو في طريقه إلى القسم، لم يحضر إلى ذهنه قط أن عزت اتهمه بقتل هند.

استقل سيارته بعد موافقة ضابط القوة، واتجه خلفهم إلى قسم قصر النيل، فالمسافة كانت كافية لهدور في رأسه شريط الأحداث التي جمعتها مع هند، فكم من مرة كان يتدخل بحسن نية ليعود كل من الطرفين إلى رشده بعد عراك كان يمتد لأيام وشهور، فهند كانت قوية لا تهدأ إلا إذا اعتذرت، وقدم لها قرابين الاعتذار من هدايا ومميزات، استحوذت على كل شيء، كان سلمان على يقين أن هناك شيئاً غير مألوف يجعل هند بكل تلك القوة، ويجعل عزت في خنوع دائماً

معها، فهو يراه وسط الناس رجلاً قوياً لا يعبأ بأحد، أما معها فكان يخضع لرغباتها وخصوصاً في آخر عامين لها معه، وظهر ذلك واضحاً في العمل وتدخلاتها المستمرة، وظهر أكثر عندما علم سلمان بأمور المبالغ التي تقاضتها هند في الفترة الأخيرة.

دلف إلى القسم متجهاً إلى مكتب آدم عواد بصحبة حراسه من العساكر، لم يُبال بهما يحدث حوله، فكل تركيزه على ما ألمَّ بصديقه من مصيبة، أو بالأحرى كان في قرارة نفسه يشعر أن صديقه قد ارتاح من تصرفاتها؛ أول ما وقع عليه بصره داخل الغرفة هو عزت، وجده جالساً في ثبات يرتدي حلة سوداء، وغلبونه في فمه، أسرع إليه واحتضنه لمواساته، ولكن جاء رد فعل عزت ليؤكد شعور سلمان بأن هناك أمراً غير طبيعي، بدايته عندما لم يتصل به عزت ونهايته في رد فعله.

دعا آدم سلمان للجلوس، جلس متظاهراً بالهدوء، فهو لم تطأ قدماه قسماً قط إلا لإنجاز بعض الأوراق الخاصة له؛ أما الآن يجلس مع ضابط مباحث وكصورة ذهنية ثابتة أن هؤلاء لديهم قدرة كبيرة في النقاط الكلام من العين؛ بدأ آدم في الحديث مع سلمان، كانت مناقشة عادية ولكن شعر عزت أن ما يحدث لم يدخل في إطار التحقيقات، وأن ما يحدث هو دردشة عادية، فخرج عن سكوته المعتاد قائلاً:

- هو سلمان بيه جاي يتساهر مع حضرتك ولا جاي للتحقيق؟

حاول آدم أن يمتص غضب عزت فقال في لبات:

- عزت بيه أنا مقدر موقفك.. لكن دا شغلي وعارفه كويس.

قاطعه سلمان قائلاً:

- أنا مش فاهم حاجة يا آدم بيه.. هو أنا متهم في القضية دي؟

- عزت بيه اتهم حضرتك بقتل زوجته هند جلال.

حدج سلمان عزت في استغراب شديد:

- وأنا اللي كنت فاكِر إني جاي عشان أخزجك من المصيبة اللي انت فيها تقوم
تتهمني بقتل مراتك!!؟

لم يرد عليه عزت، وعلق بصره على الأشجار التي تتجلى من النافذة خلف آدم.
زاد هذا من حدة الموقف، واندفع الدم إلى عروق سلمان، جعله يندفع من
مكانه وأطبق بيده على ملابس عزت وهو يصرخ بصوت عال:
- إذا كنت فاكِر بتصرفك دا هتقدر تكسرنى تبقي غلطاااان.

اندفع آدم لكي يفض الاشتباك الذي حدث بينهما، وحاول أن يجعل سلمان أكثر
هدوءاً. شعر آدم أن هناك خيوطاً كثيرة معقدة في تلك القضية، ويجب حلها.
عاد سلمان إلى مقعده مرة أخرى، بينما خرج عزت من المكتب وهو في قمة
غضبه. سأل سلمان مستفسراً عن سبب اتهام عزت له فأخبره أن أقواله
جاءت في المحضر تهمه بقتل زوجته، وأن هناك أموراً وخلافات في العمل
وقعت بينكما جعلتك تنتقم وتقتل زوجته، وخصوصاً بعد أن علم منك أنك
على استياء من تدخلها في العمل.

في تلك الأثناء طرق أحد العساكر باب الغرفة ودلف إليها يحمل في يده ورقة
مطوية أعطاها إلى آدم. اندفع بعينه ليقرا سطورها، لمعت عيناه وتغيرت ملامح
وجه، واندفع إلى جهاز اللاسلكي منعدماً فيه بحماس شديد قائلاً:
- أشرف.. بسرعة حضر القوة.. أمر ضبط وإحضار سعيد وهدان وإبراهيم
عطاالله لسه واصل حالاً.

الفصل الثاني عشر قتران في القفص

بعد أن انتهى من كتابة الحلقة الجديدة أسرع إلى مدير التحرير وأعطاه إياه، اتجه إلى مكتبه، وفتح هاتفه المحمول، وطلب صديقه أحمد خيرى، وعلم منه أن قوات من الشرطة اتجهت للقبض على سعيد وهدان، وأنهم قاب قوسين أو أدنى من اللحاق بإبراهيم عطالله، تعجب مالك وكيف يعلم مرة أخرى في وقت متأخر، فجاء رد أحمد أنه حاول كثيراً أن يهاتفه ولكن بلا جدوى، فقد كان الهاتف مغلماً فكيف له أن يصل إليه، أسرع مالك إلى مكتب مصطفى مرة أخرى، وطلب منه أن ينشر الحلقة في أسرع وقت ممكن، ثم عاد إلى مكتبه، وجلس وبدأ يكتب الحلقة الجديدة تحت عنوان "قتران في القفص"، وسرد قصته التي أوضحت أن الجناة أصبحوا عما قريب سيتواجدون داخل قاعة المحكمة، وبأسلوبه الشيق استطاع أن يفزل بكلماته أحداثاً ستجعل القارئ يتابع التفاصيل أكثر وأكثر، بعد أن انتهى من كتابة الحلقة اتجه إلى مصطفى مرة أخرى، وسلمها له، واتفق معه أن تنشر الحلقة في عدد واحد، نَحَمَس مصطفى أكثر، وشعر أن ما يفعله مالك سيصنع منه صحفياً ناجحاً.

ظل سلمان داخل مكتب آدم بالقسم إلى اليوم التالي، انتظر أن يأتي المحامي ولكنه لم يأت، هاتف عابدة ابلاغها بما حدث، لم يشعر منها أنها قلقة عليه، جاء ردّها ببرود تام، وأبلغته بأنها ستبحث عن محامٍ غير الذي اتفق معه.

تعتقد دائماً أن كل ما يفعله مسلمان خطأ وتري أنها على صواب -هكذا يفعل في نفسه- قالت لنفسها ذلك بعد أن أنهت معه المحادثة. فكرت قليلاً قبل أن تصرع في اتخاذ اي قرار. وأول ما جاء في رأسها هو مالك. بحثت عن اسمه في قائمة الأسماء داخل الهاتف، وجدته. ترددت لعله لن يرد، ولكن في تلك المواقف لن تظهر أي فائدة لتردها، كان سبب التردد منطقياً لها. هو أن مالك لن يستطيع أن يفعل شيئاً لوالده. مازال صغيراً ولن يستطيع أن يصل لشيء. ولكنها أخذت قرار الاتصال لكي تضعه في الصورة معها أو بالأحرى لكي يقترب إليها مرة أخرى عندما يرى ما صنعتها الأيام بها. ضبظت زر الاتصال. لم يدعها تفتنظر كثيراً. فجاء رده أسرع مما توقعت. جاءت كلماته باردة بلا حياة قائلاً:

- أيوه.

سألته مصرعة:

- أنت فين؟

- ليه؟

- رد زي ما بكلمك.

قال في هدوء:

- في بلاد الله الواسعة.

- عرفت أن أبوك في القسم.

- طبعاً.

- وقاعد كدا من غير ما تروح له؟

- المطلوب؟

- تعالى عدي عليا ونروح له.

- لا.. روجي له إنتي لوحدك.

- هتفضل طول عمرك أناني ومش بتفكر غير في نفسك.

- تربيتك.

صمنت برهه ثم نساءلت:

- هو مش سلمان دا برضه أبوك؟

- أنت أدري!

- احترم نفسك يا سافل.

ضعك في سخرة ولم يعقب.

- إنت طول عمرك كدا.. وأبوك برضه عمره ماهيتغير بسذاجته دي. أهو

اتحبس بسبب إنه بيعمل اللي في دماغه.. ياما حذرته من عزت وقلت له

يفض الشراكة اللي بينهم.. لكن ولا بيسمع الكلام.. وهو في الآخر وصل لإيه..

محبوس.. أخذ بقى إيه؟ هو كدا من ساعة لما اتجوزته سلمي وضعيف...

فاطعها مالك بحددة قاتلاً:

- هو دا مش اختيارك؟ بتسفعيني له بقى الكلام دا؟ روجي اقفي قدام المرآة

وقولي لنفسك الكلام دا.. وكمان هو انت مش طول عمرك بتعملي اللي انت

عايزاه؟ خلاص بتلومينا له إننا بنعمل اللي شافينه صح في حياتنا؟ إنتي

اخنارني حياتك وشغلك لحد لما وصلت لكل اللي حلمتي بهه.. بلاش بقى

تفرضي كلامك عليا ولا عليه هو كمان.. ويا ريت ماتكلمنيش تاني: لأنني

خلاص فكتيت القيود اللي كنتي رابطاني بها. ومعدتش محتاج منك حاجة

خالص.

أغلق الخط، ولم يعط لها أي فرصة لكي ترد على ما قاله. شعر أنه قال نصف ما كان يجب أن يقول، تأخر كثيراً في فك قيوده، ولكن لماذا لا يبدأ من الآن؟، كانت تلك هي الفرصة التي شعر خلالها بأنها تحتاج إليه، ولذلك.. ترك جماح لسانه ينطلق ويقول ما بداخله، صنعت في الماضي ما يجعله يفعل كل هذا الآن، لن ينمي ما حدث معه، وإن لمي فجسده لن ينمي الندوب التي أحدثتها فيه، كان مبررها هي أنها تحبه وتحاف عليه، ولكن أي حب هذا، فربما هو العيب والخوف الذي يزرع الألم ويحصد الكراهية. أسند ظهره إلى الكرسي ومسح بكتفا كفيه على رأسه من الخلف، كالذي يزع من رأسه ثقلاً كان يحاصره، نظر إلى الأوراق التي أمامه، واسترجع بعض ما كتبه لبدأ في استرساله من جديد.



تضافرت خيوط الشمس لتبدأ نهار يوم جديد وأحداث جديدة ستأخذ الجميع إلى طريق لم يُسلك من قبل، دلف مالك ومعه هاني إلى مبنى النهاية، كان سعيد جالساً في مكتب محمد جمعة وكيل النهاية الذي سيحقق معه، اتجه مالك إلى مكتب صديقه أحمد خيرى أولاً، جلس هو وهاني وتبادلا بعض الكلمات المتعلقة بالعمل والقضية، كان أحمد متفانلاً بصديقه، تقدم إليه قائلاً:

- خليك واثق يا مالك إن ربنا مش هيصع مجهودك دا.. وكلنا مقدرينه.
ابتسم مالك وقد غمره شعور الثقة، نعمد أحمد أن يمدح صديقه أو ربما حاول أن يشعر نفسه بالرضا وعدم الندم في مساعدة صديقه الذي أعطاه مفاتيح كل شيء.

أثار مالك إعجاب كل من تابع حلقاته في الجرنال، كان قد دلف إلى الغرفة
أصدقاء أحمد من وكلاء النيابة، وقد أشادوا بما كتبه مالك في حلقاته
وأشادوا بمجهوده الكبير، وأدركوا أن القلم يصنع فارقاً على أرض الواقع،
شعر مالك أنه قد حصد نصف ما كان يتمناه، ولكن كان هالي له شعور
آخر، فقد رأى أن مالك استحوذ على كل الإعجاب، وغداً سيلمع نجمه،
وسيعرف الجميع فضله في تلك القضية، لكن أين هو من كل هذا؟ لماذا
يرضى أن يلعب دور الرجل الثاني، وهو الذي توضع صورته التي التقطها
بيديه في الحلقات بجوار كلمات مالك؟ شعر هالي أن حقه دائماً مهضوم،
لكنه سيسعى للظهور أيضاً، يعلم أن هذا اليوم لآت، وسينظره عما قريب.
الأجواء داخل مبنى النيابة كانت تسير بهدوء، ولكن داخل مكتب محمد
جمعة كانت متوترة، لم يستطع مالك صبراً، أراد أن يحضر التحقيقات،
ولكنه لن يستطيع فعل ذلك، سيعرف ماذا حدث بالداخل من صديقه
أحمد، توجب عليه الهدوء والتركيز، ولكن بداخله كانت أعصابه متوترة،
ماذا سيحدث لكي يكتب غداً، لا بد من جديد، وما هو الجديد إذاً؟ لا شيء
سوى الحقيقة، فلن يبحث عن فرقة إعلامية، سيكتب ما سيعرفه اليوم
من تفاصيل، ولكن بأسلوبه القصصي الذي أشاد به القراء، سيؤري نجاحه
كعلامات على أرض صلبة، فما يحفر في الأرض لا تمحوه أثار مرتعشة حاقدة.

جلس سعيد الشاب البدين الذي يتصبب عرقاً يتكلم في غرفة وكيل النيابة،
كان لوقع الأقدام التي تدخل وتخرج من الغرفة قبل بدء التحقيق تأثير قوي
عليه، فقد بدا عليه التوتر فإذا شعر بهذا الإحساس يبدأ في فرك كفيه

ببعضهما البعض، أخذ يأكل السجائر أكلاً، جلس في انتظار محمد جمعة الذي سيحقق معه كالذي ينتظر الطوفان، وقد استسلم لموجه القادم بقوة، شرد بعقله متسائلاً أي ذنب اقترفته قادلي إلى تلك المرحلة؟، كنت كبش فداء، لماذا أدخلت نفسي بين حيطان تاكل كل ما يقابلها؟ يرى أن نسرين تستحق تلك النهاية، ولو بيده لفعل ذلك بإبراهيم.. تحالف الشر.. هؤلاء الذين يتفاضون مبالغ كبيرة كمرتبات لماذا يدفعون أنفسهم دفعا لأكل مال النبي؟ بعد أن امتلأت خزائهم بالأموال جعلوني المفتاح الذي يُغلق به خزائهم بطردني من العمل والتحقيق معي، قطع صراعه الداخلي وقع أقدام محمد جمعة وهو يتقدم إلى مكتبه، جلس وخلع سترته وبدأ معه التحقيق:

- اسمك وسنك وعتوانك؟

- سعيد وهدان محمود.. ٢٩ سنة.. عين شمس.

- ما قولك فيما هو منسوب إليك من تهمة قتل كل من نسرين وهبه وهند

جلال؟

- ما عرفش حاجة عن اللي حضرتك بتقوله.

محمد جمعة متحدثاً يهدوء:

- طبعا دي الأجابة اللي متوقع إنك تقولها.. طب قولي آخر مرة شفت نسرين

فين؟

- في الشركة قبل لما اتطرد منها.

- وهند؟

- ما عرفهاش.

تجاوز الزمن ساعتين. كان مالك وهاني ينتظران خروج سعيد لتغطية الحدث. تقدم سعيد وبجواره أمين شرطة يقوده إلى الخارج. تقدم هاني مسرعاً ليلتقط صوراً له وخلف هاني يقف مالك عن بُعد. لاحظ سعيد وجود مالك عندما انحنى هاني قليلاً ليعدل من وضعه ليلتقط الصورة. نظر سعيد لمالك ثم ابتسم وصاح قائلاً:

- لعبتها صبح يا شقيق.

كان أحمد يقف بجوار مالك، نظر له ثم ربت على ظهره مبتسماً. أطل مالك النظر إلى سعيد حتى غاب عن عينه وسط جموع البشر الواقفة.

اثنا وأربعون ساعة مرت بعد أن بدأ التحقيق مع سعيد ليأتي إبراهيم ويجلس في القسم بعد القبض عليه. شعر آدم بالسعادة ولكنها غير مكتملة. ستكتمل عندما تثبت التهمة على أحد منهما أو كليهما. كان هناك اتصال مفتوح بين آدم وخيري ومالك. بانث الأمور كلما أرادوا جميعاً. ما هي إلا سويغات وسيتم فتح التحقيق مع إبراهيم. وسيُعرف من القاتل. كعادة آدم حاول أن يربط الخيوط بعضها البعض. وتساءل هل يوجد أي صلة بين الضحيتين؟ لن يتساءل كثيراً فجميع المعلومات لديه في ملفات التحقيقات وتحريات المباحث. كل ما عليه فعله أن يفتح أحد أدراج مكتبه ويخرج الملفات وبدأ في ربط الخيوط التي سوف تقوده إلى فهم هذه العلاقة إن وُجدت.

قبل حادث القتل بسنة ونصف

بحكم عضويتها في أحد النوادي الاجتماعية المرموقة وكزوجة رجل المقاولات عزت الشامي تقدمت إحدى شركات خطوط الهواتف الجواله بدعوة هند جلال لحضور إحدى حفلاتها السنوية، والتي يتجمع فيها العاملون بالشركة في أحد الفنادق الشهيرة. في القاعة الكبيرة وقفت هند في ثقة تبحث عن أحد من معارفها فلم تجد، تقدمت إلى النادل الرابض خلف طاولة كبيرة تفتش بالعصائر والماكولات، وطلبت منه كأساً من عصير الكوكتيل. أخذت ما طلبته وتقدمت تتأمل الوجوه في خطوات ثابتة وواثقة، وتمعن النظر في فساتين النساء جيداً لعل وعمى قد تجد ما ينقصها فتشتره، وقع بصرها على إحدى صديقاتها من النادي، انتظرت حتى تراها هي، وبالفعل كما توقعت تقدمت صديقتها وصافحتها ودعتها للجلوس إلى الطاولة الخاصة بها وبزملائها في الشركة. كان من ضمن الجالسين لسرين وهبه، تعرفت إليها وعرفت أنها تشغل منصباً كبيراً، تقربت منها، وبفعل الكيمياء بينهما أصبحتا صديقتين فيما بعد. كانت أولى المحطات ليقرب كل منهما لبعض هي المشكلة التي وقعت فيها لسرين عندما انفصلت عن زوجها، وأصر على حضانه ابنتها التي لم تتجاوز العاشرة، لجأت إلى هند أو بالأصح دفعت هند نفسها دفعاً لتستغل هذا الموقف في ميزانها بعد أن علمت بالموضوع، عرضت عليها المساعدة بعد أن قصّت عليها لسرين وقائع الحدث، تحركت هند بسرعة الصديقة الحميمة، وكلمت أحد المحامين من سلسلة معارفها، فهو محام "عُقر" وله طرقه لينجز كل الأمور العصبية في قضايا الأسرة، وبالفعل بعد الجلسة الثانية استطاع هذا المحامي بأسلوبه الخاص أن

يجعل القضية في صالح نسرین. وعادت ابنتها مرة أخرى إليها، رفضت هند أن تدفع نسرین للمحامي أتعابه، فقد قامت بذلك قبل بدء القضية، شعرت نسرین أن هند صديقة حقيقية بمعنى الكلمة.

بعد شهر من عودة ابنة نسرین إليها هاتفها هند، وطلبت أن تقابلها، دعها نسرین إلى منزلها، وافقت هند على الدعوة، وبالأخص عندما علمت أنها تسكن معها في الحي ذاته، تقدمت في خطوات ثابتة وفي زيارتها الأنيق، صعدت في المصعد الكهربائي الذي غمره رائحة عطرها، دلفت إلى شقتها، ودققت النظر في كل ركن بها وفي جميع محتوياتها، أرادت أن تعرف ما ينقص شقتها من تعف، ومن أثاث جديد، جلست، وانتظرت حتى عادت إليها نسرین تحمل بين يديها فنجان قهوة، تبادلا أطراف الحديث وبعد نصف ساعة أخرجت هند من حقيبته يدها ورقة وقدمتها إلى نسرین، لم تفهم نسرین ما تقصده هند بتلك الورقة إلا عندما فتحتها، وجدت بها أرقام هواتف محمولة، نظرت لها كأنها تنسأل عما تقصده هند من تلك الورقة، ابتسمت هند قائلة:

- بصي يا قمر- أنا كل اللي طالباه منك تسجبل لمكالمات الأرقام دي.

حدجتها نسرین في تعجب ولم تنبس بكلمة، أردفت هند قائلة:

- أنا عارفة إنك تقدري تعملي الخدمة دي.

- بس أنتي أكيد-عارفة إن دا ممنوع نهالي في الشركة، ولو حصل دا الحكاية

مش هتقف على الطرد.

- أعتقد إنك لما تعرفي المبلغ اللي هتاخديه مقابل الخدمة دي مش هتفكري

تستمرري في الشغل.

صمتت لثوانٍ قبل أن تجيب:

- بس الأرقام اللي في الليست دي مش كلها تبع الشبكة اللي أنا مشغالة فيها.
- عارفة طبعاً.. خدي الأرقام اللي تخصك بس. (ثم أخرجت من حقيبتها شيكاً وقدمته إليها).. ودا شيك بـ ١٠٠ ألف جنيه.. أول دفعة.. أنا كل اللي عايزاه تمسجيل المكالمات للأرقام دي وتبعنتها لي مفرغة على أسطوانات. ووعد مني يا قمر إن الموضوع دا مش هيطلع من باب شفقتك.
- اديني وقت أفكر.

قامت هند من مكانها ثم قالت:

- فكري زي مانت عايزة.. بس وانتي بتفكري خلي الشيك دا قدامك عشان يقويكي (ثم ضحكة بصوت عال كعادتها).. أنا همشي بس يا ريت ترددي عليا بسرعة.. وأنا واثقة من كدا.

دلف سلمان إلى مبنى نهاية قصر النهل لبدء التحقيق معه. تقدم أحمد خيري واستقبله في مكتبه. وكغير العادة كان استقبال أحمد لافتاً لكل زملائه حتى محمد جمعة الذي سيقف مع سلمان بعد دقائق. قدّم الساعي القهوة التي طلبها سلمان. نظر أحمد إلى سلمان وقد بدا عليه التعب والإرهاق الشديد فهو طوال الخمسين عاماً لم يتعرض لمثل هذا الموقف. أخذ سلمان فنجان القهوة. ثم رشف منه وعاد بنظره إلى أحمد مرة أخرى قائلاً:

- أنا مش عارف يا أحمد كان مستخبيلي دا فين؟

قال أحمد في خجل:

- أكيد يا عمي الأمور فيها حاجة غلط. وكل شيء هيبقى تمام.

- أنت عارفني كويس يا ابني أنا صديق والدك الله يرحمه وأنت أخ لملك ابني،
(شرد قليلاً ثم أردف قائلاً).. شوفت صاحبك ولا فكر بيبي يشوف أبوه في
زنقة زي دي.. مش معني إننا مختلفين إنه يستغنى عني.. يلا مش مهم.
- لا ياعمي ماتقولش كدا.. مالك شغال على القضية كويس.. كده هو
بيساعدك بس من غير ما يظهر معاك في الصورة.. مالك صاحبي وأنا أعرفه
كويس.

- الظاهر إن الواحد عاش عمره دا كله وهو مايعرفش مين صاحبه من
عدوه.

- لا ياعمي ماتقولش كدا على مالك.. دا إحنا عشرة سنين.

ابتسم سلمان قائلاً:

- أنا كنت بقول زيك كدا لحد لما عزت لبسني قضية من غير أي ذنب.

ربت أحمد على ساق سلمان:

- ماتضايقش نفسك يا عفي. صدقني كلها كام يوم والعيال اللي اتقبض

عليهم هيعترفوا.. وماتقلقش أنا هكون معاك في التحقيقات.

مدّ يده والتقط هاتف المكتب، واتصل بمحمد جمعة وطلب منه أن يحضر

إلى مكتبه وفي وجوده، فهم جمعة ما يقصده أحمد وفعل ما طلبه، تقدم

محمد وجلس إلى المكتب، بينما جلس سلمان في المقعد الذي أمامه، وجلس

أحمد في المقعد المقابل لمقعد سلمان، وبدأ التحقيق:

- اسمك.. سنك.. عنوانك؟

- سلمان محمود.. ٥٥ سنة.. مدينة نصر.

- ما قولك في التهم المنسوبة إليك بقتل هند جلال؟

- ماحصلش أي حاجة من اللي حضرتك بتقوله.
- يا أستاذ سلمان ترد بيايه في اتهام شريكك عزت الشامي بقتل مراته؟
أجابه في ثقة:
- أي حد يقدر يتهمني بأي اتهام.. أنا ممكن أنزل أعمل محضر لمحضرتك دلوقت وأقول فيه إنك سرقت عربيتي.
- من واقع أقواله في المحضر بيقول إن حصل بينكوا مشادة كلامية بخصوص بعض الأمور في الشغل، وإنك هددته بقتل مراته بسبب إنها بتدخل في إدارة الشغل.
- ابتسم سلمان ثم عقد ذراعيه إلى صدره قائلاً:
- هو قال كدا؟
- دي أقواله في المحضر.
- مش قادر أفهم هو بيعمل كدا ليه؟ بص يا حضرة الوكيل عزت بيحاول بأي شكل إنه يستحوذ على الإدارة لوحده.. مش بعيد يكون هو اللي قتل هند عشان يلبسني الموضوع كله ويبقى كدا ضرب عصفورين بحجر.
- ممكن توضح؟
- أنا هتمسجن ومراته اللي وجعاله دماغه وبتمستفله في كل حاجة خلص منها كدا تفضله الشركة لوحده هو.
- شعر المحقق بالمرأوخه من جانب سلمان فجاء رده في حدة:
- بس اللي أنت ماتعرفهوش إن فيه سيدة تُدعى لسرين وهبه اتقتلت بنفس الطريقة.

ظهرت على سلمان علامات التعجب، فأردف الوكيل وهو ينظر إلى أحمد خيري قائلاً:

- هو أنت مش متابع حلقات ابنك اللي بيكتها في الجرنال عن القضية دي؟
تدخل أحمد في الحوار لتغيير مساره قائلاً:

- الأستاذ سلمان مش متعود يقرأ جرايد من زمان.. المهم دلوقت يا جمعة حاول تكمل تحقيقك في مساره.
تدخل سلمان:

- لحظة واحدة يا أحمد. (ثم وجه كلامه إلى جمعة قائلاً)، كدا اتهام صريح من حضرتك إني قتلت الاتنين؟

- المفروض اللي قتل الأول يبقى هو اللي قتل الثانية.

- بس أنا ماعرفش مين نسرين وهبه دي.

- كله هيبان في التحقيقات.

الفصل الثالث عشر قاب قوسين

قبل مقتل نسرين بشهرين
الزمالك The coffee Bean

جلس بجسده البدين على كرسي البار العالي، ووجه إلى الطريق المكتظ بسيارات التاكسي والميني باصات المتجهة إلى مطلع الكوبري، جلس يدخن ويحتمي العصير، ينظر إلى ساعة يده ويتراجع عن الاتصال بها، تأخرت عن الميعاد المتفق عليه ساعة إلا ربع، تجاوز اتصاله بها سبعة مرات فائتة متتالية بين الأولى والسابعة ثلاث دقائق، زاد من معدل تدخينه للسجائر فاقترص إحدى عشرة سيجارة ذُفنت في المطفأة، انتهى من الكوب الأول ثم طلب الثاني، مازالت تتجاهل اتصالاته، على الرغم من أنها لا تبعد مسافة كبيرة من الموقع المحدد للمقابلة، تتأني في خطواتها، نعمدت إلا تستقل سيارتها لتتأخر، فلينتظر أكثر وأكثر، هو الذي يريد، وهو الذي طلب المقابلة، ففي تلك المسافة التي لا تتجاوز العشر دقائق، كانت تفكر لماذا أنا ذاهبة لهذا الشخص المتطفل دائم السؤال، فربما محاولة إقناع عزت للتأمين على حياته سيعود بالنفع الكامل لها بعد مماته، شعرت من كلماته أنه غريق ويحتاج إليها لتنقذه من الغرق بطوق النجاة قبل أن يغرق وتنفجر رنته، وهو بالفعل سينفجر الآن من طول الانتظار، نظر إلى ساعته مرة أخرى، لن يستطيع كل هذا صبراً، ولكن من أجل صيد ثمين لا بد أن يلقي بسنارته، فالطعم الذي يملكه سيأتي له بالحيتان وسيجلب له الكنز المنتظر، التعويض الذي يستحقه، الأدلة التي معه لا مفر من إنكارها، سترضخ لكل

طلباته عندما يقذف في وجهها كل الأسلحة التي معه. سأل نفسه كم الوقت سانتظر تلك الملعونة؟ زفر آخر نفس في سيجارته المقتولة. لاحظ أحد العاملين بالمكان أنه قد انتهى من كأسه الثاني. فتقدم إليه ليسأله هل يريد مشروباً ثالثاً؟ أخبره أنه في انتظار ضيف وسوف يشرب معه. انصرف النادل في انتظار ضيفه. مرة أخيرة أعاد الاتصال بها وقبل أن ينتهي صوت الجرس في أذنه جاء ردها سريعاً. جاء قائلاً:

- ٣ دقائق وهكون في المكان.. بلاش تتصل تاني.

انتظر حتى تجاوز الوقت عشر دقائق، دلفت إلى الكافيه الضيق، تقدم لها ودعاها إلى الجلوس على طاولة مجاورة للبار. انطلق النادل كرصاصة تعرف اتجاهها وتساءل في أدب جم:

- حضرتك تشربي حاجة؟

أجابت وهي تضع حقيبتها على الطاولة وتعتدل في جلستها:

- ممكن أشرب نسكافيه.. مكر خليف.

انصرف النادل إلى طريقه لبعضر ما طلب منه. وضعت هند ساقاً فوق الأخرى. نظرت إلى سعيد بابتسامة صفراء:

- ها.. خير؟

أجابها سعيد في تحفز واضح:

- كل خير أكيد.. أنا عايز أعرفك بنفسي الأول.. سعيد وهدان.

فقطبت جبينها وقالت:

- أنت مش في التليفون قولتلي اسمك عمر حليم؟

- دي أول معلومة غلط.. تاني معلومة غلط إن أنا مش جاي بخصوص

موضوع التأمين على الحياة من شركة "المكو" زي ماقولتك.
اعتدلت قليلاً في جلستها، تقدم النادل ووضع كوب النسكافيه على الطاولة.
وكانه لم يقل شيئاً، أخذت تتذوق المشروب الساخن، وضعت ملعقة سكر
وأخذت قلبه، نظرت إليه في ثقة اهتز لها سعيد:

- عايز إيه؟

أخرج من جيبه ظرفاً أبيض به مجموعة من الأسطوانات ووضعها أمامها،
رشفت من الكوب قليلاً، ثم تقدمت بيدها والتقطت الظرف وفتحته، وجدت
أيضاً ورقة بها قائمة من الأسماء التي كانت قد طلبت من نسرین أن تسجل
مكالماتهم، أتى اسم عزت في القائمة، ابتسم بعد أن رأى ملامح القلق على
وجهها، قال وهو يعود بظهره إلى المقعد:

- حافظ كل كلمة فهم. في حد يسجل لشريك حياته برضه؟ معلش ربنا
شفاهولك من كلامه القبيح مع البنات.. بس دا طلع نمس وشقي.
ضحك وهو يمصع جبينه الذي يتصبب عرفاً..

ألقت الظرف على الطاولة وبدأت تهز ساقيها، ثم نظرت له وابتسمت في ثقة:

- وأنت بقي شغال مع نسرین؟

جاء رده بشيء من الصخرية:

- برافو عليكى.. فعلاً زي ماتوقعت.. ذكية ولماحة.. بس تصبصح للمعلومة.. أنا
كنت شغال مع اللي كان يبسجل لحضرتك المكالمات، واللي كان بيقسم مع
نسرین.. إبراهيم.

- ادخل في المهم.. طبعاً عايز فلوس والعوار الرخيص دا.

- طب بدمتك.. واحد مطرود من شغله ظلم، ويقاله فترة منور الحاجة في

البيت عايزاه يطلب إيه غير كدا؟ بسبب طمعك وطمع نسرين وإبراهيم أذ
اتطردت من الشغل من غير أي ذنب.. بس عارف ازاي أجيب حتي كويس.
- روح خد حقت منهم.. هو أنا اللي طردك من الشغل؟
- لا.. بس تقدرني تساعدني إني أرجع إنسان تالي مش مهزوم ولا مكسور زي
ماعملوا فيا.. الفلوس هاخدها بس مش منك.. أنا اختارتك تكولي الوسيط
إني اخد الفلوس من نسرين وإبراهيم.. اللي أنت هتساعدني فيه تالي إنك
تشغليني في شركة جوزك الضعيف..
قاطعته هند في حدة:

- دا أنت كمان طلعت عبيط.. هو دا كل طموحك؟ بص يا قمر.. الفلوس
اللي أنت عايزها روح اطلها من اللي ادوك على قفاك.. أنا مش وسيط لحد..
ولو على الشغل فأنا أسفة مش بشغل صبع عندي.. ما عنديش كلام تالي
أقوله لك..

- عموماً فكري ورقمي عندك.. بس لازم تعرفي حاجة مهمة جداً.. إن النعيم
اللي انتي عايشة فيه دا مش هتلعني تكلميه: لأن الأخر بالنسبة لك هيقرب.
- شكلك مجنون باض.. بس عاذراك عشان أنت ما تعرفش مين هند جلال
كويس.

نهضت واتخذت الطريق خارج الكافيه مقصدها بعد أن حملت حقبتها، لم
يُبال سعيد بما فعلت، ولكنه لاحظ أنها التقطت الظرف بمحتوياته وذهبت،
يملك غيره، شرد قليلاً قبل أن يخرج من الكافيه، وتساءل هل ما يفعله
سيذهب به في غيابة الجيب أم سيعوض ما فعل به؟

هلبنى النيابة

تقدم إبراهيم في خطى ثابتة. لم يظهر عليه التوتر أو الانفعال كما كان عليه سعيد، دلف إلى غرفة الوكيل، جلس ويده مكبلتان بالأصفاد، انتظر نصف ساعة حتى تقدم كاتب النيابة وجلس بجوار المكتب الخاص للوكيل، بعد عشر دقائق أخرى من الانتظار دلف محمد جمعة إلى الغرفة، جلس ثم أخذ يقلب في الأوراق التي أمامه، بينما أخذ إبراهيم يتأمل بنظره الغرفة، لا يبالي بشيء حتى أنه لم يلاحظ دخول الوكيل إلى الغرفة، بدأ الوكيل يملي على الكاتب:

عرض علينا المحضر ٣٦٥١ لسنة ٢٠٠٩ بمعرفة النقيب آدم عواد، أثبت به حضور السيد/ إبراهيم عطا الله جاد، ووفقاً لتحريرات المباحث وما هو مدون في محضر قسم قصر النيل قيام السيد/ إبراهيم عطا الله جاد بقتل السيدة/ هند جلال، وقد جاء في تقرير المعاينة من قبل المباحث أن القاتل اتبع نفس أسلوب قتل المجني عليها السيدة/ نسرین وهبه التي قُتلت من فترة تجاوزت الستة أشهر، وقد تبين أن القاتل استخدم نفس أسلوب القتل، مما يدل على أن الجاني واحد، وبالاطلاع على تقرير الطب الشرعي للمجني عليها نسرین وهبه تبين أنه اتبع نفس أسلوب القتل من ذبح واغتصاب للمجني عليها الأولى والثانية، وسيتم إرفاق تقرير الطب الشرعي للمجني عليها الثانية حين الانتهاء منه.

- ما قولك فيما هو منسوب إليك من أنك قمت بقتل كل من نسرین وهبه
وهند جلال؟
- ما حصلش.

- أين كنت موجوداً حين تم القبض عليك؟
- كنت في البيت في مدينة نصر.
- ما الذي حدث إذا؟ وما هي ظروف ضبطك وإحضارك؟
- أنا كنت موجود في شقتي في الدور الرابع. لقيت آدم بهه بهتتحم الشقة.
- وكتفوني وأخذ موبايلاتي ومفاتيح الشقة والعريضة. وجرولي على القسم.
- أشعل جمعة سهجارة ثم سأله:
- من التحريات التي قُدمت من طرف المباحث تؤكد تورطك مع نسرين في تسجيل بعض المكالمات لعملاء داخل الشركة خارج إطار القانون ما قولك في ذلك؟
- صمت ولم يعقب. أردف جمعة قائلاً:
- ما قولك فيما هو منسوب إليك من حصولك على مقابل مادي من نسرين في مقابل مساعدتها في تسجيل المكالمات الهاتفية؟
- لن يصمت كثيراً دون إجابة فقرر أن يعطيه ما يريد قائلاً:
- كنت مضطرراً لأعمل كذا. كنت محتاج فلوس لظروف خاصة عندي.
- ظروف إيه؟
- حاجات شخصية.
- وبعدين؟
- نسرين عرضت عليها كمستول عن الشبكات إنني أسجل المكالمات لأرقام معينة. طبعا دا شيء صعب جداً. لكن أنا قدرت أعمل كذا. وخصوصاً لما عرفت المبلغ اللي معروض عليا.
- لماذا حدثت بينكما مشادة كلامية داخل الشركة؟

- كانت مصممة إني أكمل الموضوع دا.. رفضت فهددتني، حسيت إني مش هقدر أكمل الموضوع دا وخصوصاً لما أمي جالها المرض الخبيث.
- وبناء على رفضك وتهديدها لك وخوفاً من الفضيحة والطرده من العمل اتخذت قراراً بقتلها؟
- لا طبعاً.

- بماذا تفسر اختفاءك بعد مقتلها وتنقلك داخل أنحاء الجمهورية؟
- كانت حالتي النفسية سيئة جداً ومعايها تقارير تثبت كذا، فكان أول حل بالنسبة لي إني أغير جو وأسافر.

- هل كنت على علم لمصلحة من كانت تقوم بتسجيل المكالمات؟

- ماكنتش بصال.. المهم إني أخذ اللوس.

- اتكأ جمعة على مرفقيه واقترب منه قليلاً:

- ما هي المبالغ التي تقاضيتها نظير ذلك؟

- حوالي خمسين ألف جنيه.

- بعض شهود العيان في الشركة قالوا إنك توعدت للسرير بالقتل.

- ماحصلش.

- تعب أدخلك شهود العيان؟

- قالها وهو يعيد ظهره إلى الخلف.

- اللي تشوفه سيادتك.

- أين كنت موجوداً يوم مقتل نسرين وهبه؟

- مش فاكر.

- أين كنت موجوداً يوم مقتل هند جلال؟

- اعتقد كنت راجع من الصعيد.. مش فاكِر.

- هل لديك شهود على ما تقوله؟

- اها.. أمي.

- ما هي علاقتك بهند جلال؟

- ما عرفهاش.

بعده في كلامه قال:

- إزاي ماتعرفهاش وهي اللي كانت بتدفعك الفلوس عن طريق نمسين؟

- ماكنش يممي مين اللي بيدفع.. المهم أخد الفلوس.

تقدمت عابدة ودلعت إلى القسم. أحضرت معها بعض الأغراض التي سبحتها سلمان. شعرت أن الأمور ستزداد سوءاً إذا لم يتغير الوضع الذي أصبح فيه. الانهيار قريب، ولماذا قريب؟ الانهيار آتٍ، لا تشعر هي بذلك، أو تكابر كلما شعرت. فالشرح الصغير في الجدار لا يلاحظ فإذا مر عليه وقت من الزمن وضع كالشمس للغير، ومع اقرب حمل سبها الجدار، الآن هي مرحلة الضغط وغداً حتماً سيأتي الانهيار، سيدوب كل شيء ككرة جليد تداعها غيوط الشمس، تشعر دائماً أنها لا تحتاج لأحد في هذه الحياة، ولكن اليوم فعلت ما فعله أي زوجة مع شريك الحياة، والعمر الممزق، الأسرة المشتتة، كل فيها بقية علي لهلاه، جنح مالك بما يريد، وتخلص من ندوب عقله وفكره وما صنعت به، وسلمان الذي بنى صرحه ثم اصطدم في جدار عالٍ، والآن قد تفكر في تقريب المسافات، وقد تفكر في أن العمر قد مضى ولن تستطيع إصلاح شيء، ولماذا تبدأ هي بالإصلاح؟ أين رب الأسرة؟ لن

يعرك ساكناً، فليكن ما يكون، ولتسير الأمور في دروبها المكتوبة ولتسير
المراكب بدفع تيارات الهواء والمياه دون توجيه.

رأته جالماً في حزن بعد أن تم استدعاؤه من الحجز، يحاول آدم دائماً أن
يحسن معاملته على غير العادة، يفكر بدوافع وجود سلمان في هذا الموقف،
ستأتيه الإجابة حتماً عما قريب.

جلس سلمان في دجنة أفكاره المؤلمة، وعلى غير عادة كان رث الهدام كث
اللحية، اقتربت منه ثم ربت على كتفه، سمعت منه ما تم في التحقيقات،
ستاخذ الأمور وقتاً، فتلك القضية من الصعب أن تُغلق دون وجود جانب
حقيقي، أي طريق سيؤدي إلى القاتل ستسلكه النيابة، قدمت له عصيراً
معلباً وساندوتش لياكله، سألته في هدوء:

- ولية ما يكونش عزت هو اللي عمل كدا؟

نظر لها وهو يمضغ بقايا الطعام:

- إنت بتسأليني أنا ليه؟ لو عندك دليل ضده قدميه للنيابة.

- يعني إنت فيه دليل ضدك.

- لحد دلوقت لا.. بس السكرتيرة شهدت إني هددته إني هقتل هند.

- طب أنا هكلم المحامي يحاول يعمل أي حاجة.

تشدق قائلاً:

- كلميه..

- حقك عليا.

الصمت ساد في المكان قليلاً، عادت مرة أخرى تسأله:

• ماكونتش مامن نفسك ليه؟

- أأمن نفسي ازاي؟

- تمسك عليه أي حاجة وتبقى دي قصاد دي.

- والله؟ مانت بتفكري حلوا اهو.. وبالنسبة لمراته برضه أأمن نفسي ازاي؟

مانت عارفاهما وقابلتها كذا مرة. وشوفتي تعاملها ازاي. كويس إنك

ماتعاملتيش معاها في شغل.. دي واحدة ربنا بس العالم بيها.

نظرت له متسائلة:

- ومين قالك إنني ماتعاملتش معاها في شغل؟

وهنا توقف عن مضغ الطعام. وترك ما تبقى في يده واعتدل في جلسته:

- اتعاملتي معاها في إيه بقى؟

- جت لي الوزارة كذا مرة وعرضت عليا إنني أشتغل معاها.

- شغل من أنه نوع؟

- سمعك في إيه تعرف؟

- تاني يا عابدة. ماكفكيش اللي حصل هتفضلي تكابري لحد إمتي؟

- صدقني معلومات مش هتفيدك.

بالفعل لن تفيد هذه المعلومات سلمان بشيء. ولن تُخرجه من الأزمة التي أملت به. هند تسعى دائما لكي تستغل أي طريق يُفتح أمامها. اعتقدت في بادئ الأمر أن عابدة قد تكون طريقاً لجلب المال. ولكن أي امرأة تعتقد أن هذا سيحدث بيسر؟ طمعت أن تكون لها شريكة في مشروع من إعدادها مثلما فعل زوجها مع سلمان. ولكن عابدة لا تكرر أخطاء الآخرين. لن تسقط في وادي الأفاعي -هند وعزت- جمع الله بينهما ليصبح كلٌ منهما على حدة. قطباً من أقطاب المنفعة والمصالح الشخصية على حساب أي شيء.

تسلك هند الطرق لتعويض سنوات العجاف في الحي القديم. طلبت عايدة منها أن تقلل زياراتها داخل الوزارة. وعندما حاولت هند أن تعوض هذا بالزيارات المنزلية رفضت عايدة بكل صراحة. وقالت إن الله خلق الهواتف للتواصل أيضاً.

بحكم المشروعات التي تدخل فيها الوزارة مع الشركات الخاصة أصبح وجودها كثيراً داخل مكتب عايدة. دلفت هند إلى مكتب عايدة في إحدى الزيارات التي كان يجلس حسني محفوظ يتحدث مع عايدة. تعرف كلٌّ منهما إلى الآخر. قرأ حسني هند وأخذ يتحدث معها بعد أن خرجت عايدة من المكتب. بعد أن استدعاها أحدهم في أمر ما. لن يترك تلك الفرصة تذهب. فقدم نفسه كمدير في إحدى الشركات الكبيرة. رائحة عطرها نفوح داخل الغرفة. تُسكّره وتذكّره بكل ما يعيشه في المرأة. استطاع أن يلتقط رقم الهاتف منها اعتقاداً منه في سهولة إقامة علاقة صداقة أو ما شابه معها. أما هي فرأت فيه طريقاً إلى بيزنس جديد.

- صدقني يا مالك مش هيفيد كل اللي بيحصل دا.

- ولازمته إيه تكسير المقاديف؟

- مش كده خالص والله.. أنا بس حاسة إنك مش ماشي صح في القضية.

- له يا ست يارا؟ ليهي وجهة نظرتانية؟

- آه طبعا.

- تسمعي لي أعرفيها.

- إيه تسمعي لي دي؟ إنت بتتكلم رسمي كدا ليه؟ عموما هشرحلك.

- أخذت تتجول والهاتف يحتضن أذنها اليسرى، مختفياً داخل خصلات شعرها، قالت وهي تجلس إلى طرف السرير:
- بص يا سيدي.. لو إبراهيم فعلاً القاتل ماهربش ليه بعد ما قتلها؟ وكم إن كنت كنت كاتب في الحلقة الأخيرة إن طريقة القتل متشابهة تمام زي بعض..
- طب إبراهيم يعرف هند مين؟
- مين؟
- أنا اللي بسألك يا ناصح.
- الله أعلم.
- إبراهيم مالهوش مصلحة في قتل لسرين.
- أمال مين اللي له مصلحة.. منك لستفيد يا أستاذة.
- من غير ترفقة.. ممكن يكون سعيد وهدان.. لما اتطرد من الشغل حاول يعوض طرده فبدأ يسعى للانتقام.. ممكن يكون قدر يوصل لهند وانتقم من الكل.
- دا على أساس إن إبراهيم ميت؟
- لا إبراهيم هيسيبه عايش عشان يلبسه القضية.
- ماهو سعيد في القضية برضه.
- ضحكت وهي ترفع خصلات شعرها إلى أعلى:
- البركة فيك يا لوكا.
- عموماً أنا مش مقتنع.
- مش مهم أنت المهم النياية.
- ماشي.. عايزة حاجة؟

قطبت جبينها:

- إيه المعاملة دي.. الحق عليا إني بحاول أساعدك!
- متشكرين يا أفندم.. أنا أصلاً مش فاضي لكل الكلام دا
- خلاص روح شوف شغلك.. مش عايزة أعطلك.
- طب.. سلام.

أغلق الخط قبل أن تجيبه بالسلام. أخذت تسير ذهاباً وإياباً داخل الغرفة وتساءلت في حيرة من أمرها من يمكن أن تكون له مصلحة في قتلها غير سعيد؟ وما هو الدافع الرئيسي للقتل؟ هل من أمور خفية في حياة نسرين لا تعلمها؟

لم يتغير في شيء رغم ما حدث. استمر على ما كان عليه. في بادئ الأمر حاول أن يتظاهر أمام العاملين في الشركة بالحزن. ولكن بعد أسبوع عاد عزت كما هو. عندما يعود إلى المنزل يلمنق الهاتف ويتحدث مع اللاتي يشبعن ما يريد. تركت هند خلفها ثروة صُدم عندما علم أنها كانت تمتلك كل هذه المبالغ بالبنك. أحد عشر مليون جنيه بجانب ما كانت تمتلك من الخلي والذهب والمجوهرات واللوحات الفنية والأنتيكات التي ملأت بها المنزل. لم تقص عليه يوماً ماذا تريد أن تكون. الأحلام لا تحتاج أن تُحكى للآخرين. الأحلام تُرى على أرض الواقع بالأفعال. كانت تفعل. تحلم في غرفتها ثم تحول كل أحلامها إلى حقيقة. ثم تحول كل شيء إلى كابوس مفرع. ثم قُتلت وهو لن يبالي بشيء. إن عاشت أو قُتلت فتلك المرأة كانت قادرة على زرع حبال الشوك بينهما.

سينفض كل هذا الهراء ويتركه خلفه، ستهتم أكثر بمشاريعه، تخلص منهما أخيراً، الأول الذي حاول أن يقف له داخل المؤسسة والثانية هناك رجل آخر صنع له معروفاً سيشكره عندما يراه داخل قفص الاتهام، لا يهم الآن أن يفكر فيما مضى، المهم أن يضع خطوات لكي ينطلق كقطار سريع على قضيب من الذهب يعكس لمعانه على وجوه الآخرين فيزدادون بهاراً، جلس إلى مكتبه في شقته وهو يشعل غليونه، نظر إلى أرجاء الغرفة، الآن ذُفنت هند وذُفن معها الكثير من الأسرار، ما كان يشغله دائماً من أين كانت تأتي بكم المعلومات التي ساعدت في تغيير مسار عطاءات المشاريع؟ وكيف صنعت هذه الثروة؟



جرنال الساعة

جلس هاني وقد شرد قليلاً، العاملون يتحركون بحرية تامة، أما هو فشعر بأنه مقيد بالمقعد الذي جلس عليه، جلس في المكتب المقابل لمكتب مالك ينتظره، الغرفة خالية، ومصطفى مشغول بقسم اهتماماته بين القضية التي يحقق فيها مالك، وبين أهم الأحداث التي تدور حوله، مثل استدعاء مصر للسفير الإسرائيلي وطلب وقف إطلاق النار في غزة، وإعلان القاهرة عدم المشاركة في مؤتمر الدوحة، طلب كثيراً أن ينتقل من قسم الحوادث، ولكن قبول طلبه بالرفض، يريد أن يبعد عن تلك الضغوط النفسية بالعمل داخل هذا القسم، يكفيه ضغوط العائلة، وضع قدمه داخل إطار ممثلي بالدماء ولن يخرج منه، أصبح يشارك مالك في نجاح تجربتهما، ولكن أين هو من ذلك النجاح وكل شيء منسوب إلى مالك وليس له دور في شيء؟، عندما

قرر أن يترك الجرنال فكر كثيراً أين سيذهب؟ سيعود مرة أخرى إلى قاعات الأفراح؟ ليس لديه طريق آخر. تساءل في تعجب لماذا لا يشعر بثقة في ذاته وهو الذي يملك الموهبة التي تقوده إلى نجاحات عديدة. نفض تلك الأفكار السلبية التي ستأتي له بالوجع المستمر. قطع شروده دخول مالك إلى الغرفة متسائلاً:

- سرحان في إيه؟

- ولا حاجة.

لم يبالي مالك بشيء. يخصص نفسية هاني. كل ما يهمه هو العمل.

- خلصت الصور الأخيرة ولا لسه؟

- أدبني يوم كمان وهجيبالك.

حدجه متسائلاً:

- يعني حلقة بكره هتنزل من غير صور؟

- معلش.. نزل أي صورة قديمة معاها.. هي القضية وصلت لفين؟

عاد مالك ببصره إلى متسلسلة الأفكار وهو يكتب بعض النقاط:

- بيحققوا مع إبراهيم.

- وأبوك؟

نظر له مالك دون أن يعقب.

- إيه يا عم هو أنا قلت حاجة غلط؟

وهو مستمر في الكتابة:

- لا يا عم مافيش.

تساءل هاني في تلقائية:

- تفكتر يا مالك مين هيلبس الليلة دي؟
- مش هتخرج عن سعيد وإبراهيم.
- يعني مش صعبان عليك صاحبك يبلس قضبة زي دي؟
- موجهاً له الكلمات كمدرس يشرح له خطأه:
- أولاً سعيد مش صاحبي.. مش كل شوية تقولي صاحبك.. صاحبك.. ثانياً
- اللي يفلط أي غلط أيا كان يستاهل اللي يجراه، ونفسي بقى تبطل العبط
- اللي أنت فيه ده. قلت لك ١٠٠ مرة مافيش حد بريء على كوكب الأرض.
- حدجه بعينه ثم كرر الجملة الأخيرة مرة أخرى:
- أي حد يا هاني.
- ابتسم هاني في سخرية:
- كل واحد عارف أعماله إيه يا زميلي.
- بالضبط كدا.
- مع إن اللي زيك مش محتاجين يعملوا حاجة.. الفلوس اللي عندهم مالمية
- البنوك.
- والناقص طول عمره شايف نفسه ناقص حتى لو غرّف في الشكاير فلوس.
- عارف يا زميل.. ساعات الواحد بيغلط غلطة يفضل يدفع تمنها عمره كله.
- عشان غي مش بيتعلم من اللي فات.
- صح يا مالك.. إنت صح.
- ابتسم مالك:
- عرفت بقى ليه هوصل؟
- أه عرفت.. إنت داهية كبيرة.

- يا ريت بقى تتعلم من الداھية اللي معاك.. وكمان بطل التوتر اللي بتبقى فيه دا ساعة الشغل.. إنت مش بتشوف نفسك عامل ازاي.. آدم مش سهل وصايع.

- ماهو اللي إيدھ في المية مش زي اللي إيدھ في النار.

- أنا وأنت إيدينا في النارسوا.

- عموماً ماتقلقش يا زمهل.. أنا من العمرانية برضه.

ملوحاً له بيده:

- بلاش بس النسخة الكدابة دي.. أهو أنا اللي من مدينة نصر ممشيك ورايا

زي الفرخة الدايفة.

- حقت تقول أكثر من كدا.

ضحك مالك بصوت عالٍ على غير العادة. فدلقت هناء الغرفة كمن

استدعتها النداهة:

- أول مرة أشوفك بتضحك كدا؟

- عشان ساعات الغباء بيضحك.

نظرت إلى هاني ثم ضحكت:

- صعبان عليها يا هاني.. أصلك ماتعرفش مالك كويس.

نهض هاني واتجه ناحية باب الغرفة:

- خليكي انتي معاه.. ما انتي بتعرفي تتعاملي معاه كويس.. (ثم قال متحدثاً

لنفسه وهو يخرج من باب الغرفة) أصلك خدامة لأي كُيف.

بعد عشرة أيام استقر تقرير الطب الشرعي داخل درج النيابة. تلك الوريقات التي يتظرها الجميع. إما ستضع حبل المشنقة حول المتهمين أو ستطلق سراهم. ويستمتعون ويعوضون ما مزّ بهم من أزمة. جاءت سطور التقرير تحمل ما فعله الجاني بهند:

بالكشف الظاهري للجنة تبين أنها لامرأة في العقد الخامس من عمرها. الجثة عارية تماماً.. وجدت رابطة عنق (كرافتة) من موديل التسعينيات مزكرشة القماش ملفوفة على العنق. ومعقود من الأمام بعقدتين.. وجد أسفل رابطة العنق ذبوع عنقي.. وجود مظاهر أسفكسيا الخلق.. عدم وجود أي آثار لقيحور جلدية تحت الأظافر.. وجود بعض السحاحات مما يدل على وجود مقاومة.. وجود مظاهر اغتصاب.. وجود أثر لنصف بصمة مدممة بشرية على رابطة العنق من عند الطرف.

الصفة التشريحية:

الرأس:

لم يتبين بالفروة أي انسكابات دموية.. عظام القبة خالية من الكسور.. عظام القاعدة خالية من الكسور.

العنق:

تلوثات بلون بني محمر بالأنسجة الرخوة حول الحنجرة مع كسر بالقرن الأيمن للعظم اللامي.. الفضاريف الحنجرية مذبوحة بعمق ٣ سنتيمترات.

الصدر:

عظام القفص الصدري والأضلاع خالية من الكسور.. التجويف الصدري به سائل ارتشاحي مدمم يقدر بحوالي لتر بكل جانب.. الرنتان منكمشتان وينتشر

فوق سطحهما نقطة نزفية.. القلب بحالة عادية.

العضو الأنثوي:

وجود بقايا للمائل المنوي.. عضلات المهبل في حالة انبساط.. الرحم في حالته

المستقرة.. وجود بقايا دماء متجلطة داخل المهبل.

طلبت النهاية على الفور التقرير الخاص بمقارنة العينات المأخوذة من

المتهمين بعينات الموجودة بمسرح الجريمة.

ما هي إلا أيام. وسيظهر كل شيء في سماء الحقيقة.

==

الفصل الرابع عشر جرنال الساعة

الليل وما يحمله من هدوء وبمصاحبة كوب الشاي بالنعناع وبعيداً عن صخب العاملين داخل الجرنال، وبعيداً عن متابعة الآخرين على فيس بوك، جلس مالك في مكتبه، وقد تجاوزت الساعة الحادية عشرة مساءً، لا أحد يسير بالشارع؛ فالهدوء هو المسيطر على تلك المنطقة في هذا التوقيت، جلس يفكر ويرسم داخل منسلسلة الأفكار أكثر الأشكال والأحب إلى قلبه، رسمة الكومي في ورق اللعب، سمح له المناخ العام بالفوض في الأحداث التي لا تنتهي ما دامت الحياة تسير، جلس في انتظار ضالته؛ بالأدق كان في انتظار ما يؤكد براءة أبيه، هو لا يشعر بأي تعاطف تجاهه، ولكن في بعض الأحيان يرى أنه لا يستحق كل ما وصل له الآن. لا يهم ما فات، المهم القادم، يؤمن بأن أي إنسان له القدرة على إخفاء الحقيفة عن الأنظار، عاهد قلمه أن يركض لكي يصل إلى مبتغاه.

طال تفكيره وتأمله في الأحداث حتى قفزت يارا إلى ذهنه، تجاوزت الساعة الحادية عشرة، هل يسمح الوقت أن يهاتفها؟ فكر قليلاً ثم قرر محادثتها، ما يدفعه إلى ذلك أنه لا يحتمل أي اعتبارات لما يجوز أو لا يجوز، ضغط على زر الاتصال، لم ينتظر كثيراً حتى جاء صوتها الهادي:

- يارا.. إزيك؟ نايمه؟

- لا يا مالك أنا صاحية.. إزيك؟ خبير يا مالك؟

كالمذبح أطلق قذيفته دون انتظار:

- فاكرة لما حكيتي لي على الخناقة اللي حصلت بين نسرين وإبراهيم؟
 زفرت وقد شعرت عندما رأت اسمه أنه يتحدث لأمر آخر تنتظره منذ فترة
 كبيرة، قالت في حنق:
 - أه.. فاكرة.
- طب فاكرة أي طراطيش كلام وصلك أو سمعتها في كلامهم وسط الخناقة؟
 صمنت لبرهة ثم قالت:
 - ممم.. كل اللي فاكراه إنه كان بيقولها مش هشتغل كدا تاني.. ولو صممتي
 على أسلوبك دا معايا مش هبحصك طيب.. حتى أنا أستغريت ولما سألتها
 ماتكلمتش معايا في الموضوع دا وقفلته.
 - هل كان يقصد إنه يهددها بالقتل؟
 - ماعتقدش.. دي نرفزة كلام.. وأنا لسه عند رأيي إن إبراهيم مالهوش علاقة
 بالموضوع دا خالص.
 - يارا أنا ما طلبتش رأيك!
 ارتفعت نبرة صوتها قائلة:
 - إنت بتتكلم كدا ليه؟
 - معلىش.. أنا بحاول أفكر معاكي عشان أوصل لحاجة وانتي بتتفزعى بالكلام..
 طب انتي ما كنتيش تعرفي هي وإبراهيم إيه الشغل اللي كان بينهم؟
 ترددت قبل أن تجيبه:
 - هي ما قلتيش حاجة.. بس فضولي خلاني أدور على اللي مخبياه عني.. كنت
 بحاول أحميها من نفسها.. كان كل همي إنها متكونش بتعمل حاجة تسيء
 لنفسها ولسمعتها في الشغل، وكمان عشان ماتمشيش من الشغل وتسيبني.

- ووصلتي لحاجة؟
- أكيد أنت عارف.
- طبعا عارف بس أنا عايز أعرف انتي وصلتي لحاجة؟
- وصلت للي أنت وصلت له.
- طب انتي في الفترة الأخيرة قبل ما تتقتل ملاحظتيش إن فيه حد زارها في البيت أو المكتب، أو هي حكنتك عن حد جديد دخل حياتها؟
- أسنلتك كتبت قوي.. هو تحقيق ولا إيه يا أستاذ يا صحفي؟
- عارف إني تقلت عليك بس الموضوع انتي عارفه قد إيه مهم وصعب.
- حاضر يا مي مالك.. أنا ماقدرش أرفض لك طلب.. بص هي قبل ما تتقتل بحوالي شهر ونص كدا جاتلها واحده صاحبها ومعها راجل تالي.
- صاحبها مين؟ ومين الراجل دا؟
- ترددت وصمتت لفترة.. انفع مالك قائلًا:
- ما تخلصي يا يارا.. انتي هتنقطيني بالكلام؟ صاحبها مين؟
- بتردد:
- هند.. هند جلال.
- وحضرتك بقي كنت عارفه إنها على علاقة بيهد جلال؟
- أكيد أنت عارف إن أنا كنت قريبة منها، وحكت لي على اللي عملته هند معها عشان ترجع لها بنتها تالي.
- ماشي يا يارا.. اللي يربحك..
- إنت بتعامل معايا كدا ليه؟ هو أنا مراتك يا ابني وأنا ماعرفش؟!
- مين اللي كان معاهم؟

- ماعرفهوش كنت أول مرة أشوفه.. بس ونسرين بتوصله عند الأسانسير
قالتله أشوفك على خير يا بشمهندس حسني.
- حسني؟! حسني محفوظ.

قبل مقتل نسرين بأسبوع
سيالنترو كافيه - مدينة نصر
صاح بعصبية وقد احمرت وجنتاه:
- يعني إيه مش عارفة؟ هو لعب عيال ولا إيه؟
جاء ردها بثبات وهدوء:

- لو سمحت أهدي شوية مالهاش لازمة الناس اللي حوالينا تسمع كلامنا.
أشعل سيجارة وبدأ في التهامها:

- هي صاحبتك مش خدت الفلوس اللي طلبتها؟ مش عارفة ازاي؟ اللي أعرفه
إن الفلوس تحرك الحجر ولا إيه رأيك يا ست هند؟
رفعت حاجيا الأيمن. ومالت برأسها مقترية منه:

- افرض إن الحجر قدامه حيطة هيتحرك ازاي يا حسني؟

- والله ماعرفش دي مسئوليتك.. عرض الأسعار المفروض هيتقدم كمان
أسبوع. وأنا ماعنديش أي معلومة من اللي هيتقدمها المنافسين.. ومن الآخر
المشروع دا لو مارسيش عليا هيتخرب بيت الشركة وهاتطرد منها.

وضعت ساقاً فوق الأخرى في محاولة منها للتظاهر بالهدوء:

- اهدي يا قمر.. كله هيتحل.

- لا بقولك إيه الشغل دا مياكلش معايا مش على آخر الزمن حسني محفوظ
يضحك عليه شوية نسوان.
- اقتربت بجزعها منه وهي جالسة:
- بص.. اللي قاعدة قدامك دي تربية السيدة زينب.. سيبك من اللبس
والعربية والزمالك والجو دا.. لم الليلة عشان أعرف أساعدك.. هكلمها
دلوقت على التليفون وهوصل لحل معاها.. استنى.
- أخرجت هاتفها المحمول وهاتفت لسرين.. لم تجب في المرة الأولى.. وفي الثانية
جاء صوتها:
- ألو.. إزيك يا نسرين.
- قاطعها حسني بانفعال قائلاً:
- أنت لسه متقضيا سلامات؟
- ماقولتلك استنى.. (وتابعت موجهة حديثها إلى لسرين) بصي يا نسرين
حسني محفوظ قاعد معايا وعابز يعرف راسه من رجليه.. متقضيله
المصلحة ولا خلاص مش هينفع؟
- الناس اللي معايا مش راضيين خالص.. وهددونني لو استمررت في اللي
بطلبه منهم هيفضحوا أمرى. ويمكن توصل إنهم يقتلونى.
- يقتلوكي؟ مجانيين دول ولا إيه؟ طب خلاص هاتي المبلغ اللي أخذتیه.
- أسفه يا هند المبلغ اتصرف.
- نعم؟ قلتي إيه يا قمر؟
- أسرعت وضغطت على مكبر الصوت بالهاتف لتسمع حسني ما قالتة:
- الفلوس اتصرفت ومش مقدر أرجعها.

وهنا لم يتمالك أعصابه وصاح بصوت عال مصاحباً بصوت من أنفه:
- نعم يا روح أمك؟ شوية نسوان شمال زيكوا هيصبيعوا عليا أنا.. أنا أقدر
أخفكيوا.. هغلي أهاليكوا يعيطوا عليكوا بدل الدموع دم.
لم تُراعِ هند وجود أحد بالمكان، ولم تراعِ المكان، وأخرجت ما ترعرعت عليه
منذ الصغر، نهضت بعدما ألقَت بالهاتف على الطاولة:
- لا.. إهدى بقى كدا على نفسك يا قمر.. دا أنت لازم تشوف وش السيدة
اللي على حق.. بقولك إيه مالكش حاجة عندنا، ودماغك الحلوة دي تخبطها
في أتغن حيلة تعجبك لما تتفلق نصين.. ولعلمك ولا هتعرف تعمل معانا
حاجة. إنت لعد دلوقتي ماتعرفش هند لما تتجنن وترجع لأصلها بتعمل إيه..
هخليك نقلب بطرحة.
صُدِم حسي تماماً. ألجمت كلماتها لسانه. شعر أنه إذا طال انتظاره أمامها
سيفقد ما تبقى له من كرامة. أخذ مفاتيحه وعلبة السجائر واتجه ناحية
سيارته. جلس بداخلها دقيقة ثم أخرج هاتفه المحمول من جيبه وهاتف
هند. رتت في قوة وعنف:
- عايز إيه؟
- خافي على نفسك أنت وصاحبتك.. أظن رسالتي وصلت.
- يلا غور (ثم أغلقت الخط).

نيابة قصر النيل

تقدم في خطوات سريعة باتجاه مكتب الوكيل محمد جمعة. كان هدفه
محددأ سابقاً. يحمل بين راحتيه ملفاً من الأوراق ومغلقاً بالشمع الأحمر.

هدفه الأساسي أن يسلمه يداً بيد، لم يجده بالمكتب. سأل أحد العاملين وعلم منه أنه موجود بمكتب أحمد خيرى. تقدم واستأذن موظف مصلحة الطب الشرعي بالدخول، دلف إلى الغرفة وقدم إلى محمد جمعة -الذي كان يجلس أمام زميله- ملف تقرير الطب الشرعي الذي يوجد بين مسطوره مقارنة عينات المتهمين بالعينات التي وجدت داخل مسرح الجريمة وبالجثث. تسلم الملف ثم دعاه للجلوس. ولكنه استأذن للانصراف، فأذن له محمد وانصرف. تلهف خيرى لمعرفة ما يحتويه الملف فأسرع لياخذه منه. ولكن أصر جمعة على قرأته بنفسه أولاً:

- ما تصبر يا أحمد هقراه وهقولك اللي فيه.

- طب اقرأ بسرعة.

سَطَّر بعينه الحروف المرصوفة داخل الأوراق وبدأ القراءة : في كل مرة ينتهي من أحد أوراق الملف كانت ملامح وجهه تتغير كبحر تعلو أمواجه وتنخفض. سأل أحمد في شغفه المعتاد ماذا أنت له الأوراق من معلومات، لم يجبه وأشار له بيده أن يصبر قليلاً. تابع جمعة بعينه إحدى عشرة ورقة هي محتويات التقرير الذي بين يديه: قام أحمد من مكانه واتجه إلى مكان جلوس جمعة. ودفن رأسه بين كتف جمعة وبين الأوراق ليقرأ مذيلة التقرير. لم يستطع قراءة الكلمات فسأل جمعة في لهفه ممتزجة بفضول عارم قائلاً:

- شكك مش مطمئني... خير؟

- كارثة يا خيرى.

دلف مالك إلى غرفته. جلس قليلاً قبل أن يبدل ملابسه. فقد اعتاد الجلوس أمام المرآة يتفحص ملامحه ويتذكر كل الأحداث التي مرت عليه في اليوم. ينتهي من جلسته ويتحرك في ببطء ليلتقط ملابس البيت ويبدأ في تبديلها. كان رأسه لا يهدأ والأفكار تتسارع في سباق فورميلا وان. قلما ما يحاول أن يزيح كل تلك الأفكار من عقله. ولكن إذا فعل ذلك لن يشعر أنه هو. تابع ارتداء ملابسه وهو جالس؛ لشعوره بألم أسفل القدم. يسير لمسافات طويلة فيعطي إشارة بدء السباق في رأسه.

بدأ هاتفه يحدث جلبة في المكان. كان موضعه بعيداً عنه. لم يُبالِ بالمتصل فهو ليس على استعداد لأن يتكلم مع أحد. فلينتظر هذا المزعج. عاد الهاتف ليعلن عن اتصال مرة أخرى. سيتخلص من هذا المزعج. أمسك الهاتف ونظر إلى شاشته فوجد اسم أحمد صديقه. جلس إلى المقعد الهزاز المفضل له:

- إزيك يا خيرى؟

- إنت فين؟

- في البيت... خير؟

- كارثة.

قطب مالك جبينه وشعر أن هناك أمراً ما، تقدّم بجزعه إلى الأمام وهو مازال جالساً:

- كارثة إيه يا خيرى؟ ما تتكلم.

- تقرير الطب الشرعي وصل لجمعة النهارده وفيه مقارنة العينات.

قال في قلق:

- ما له بقى التقرير؟
- النتيجة سلبية.
- يعني إيه بقى سلبية؟
- بعد لما جمعوا البصمة اللي نصها كان على غطاء السرير والنص التالي على الكرافتة اللي كانت مخنوقة بيا هند، وجدوا إن البصمة دي لصباغ البنصر. ولما طبقوا مع بصمات سعيد وإبراهيم وأبوك لقوها مش نفس البصمة.
- طب دي البصمة.. وعينة الحيوان المنوي وشعر الدقن؟
- برضه مش متطابقة.
- انفعل مالك بسبب ما سمعه:
- نعم؟! يعني إيه الكلام دا؟
- زي ما قلتك كدا.
- صاح مالك قائلًا:
- يعني كل التعب دا راح فاشوش؟ أنا طلع عين أهلي وفي الآخر مافيش قاتل؟
- إزاي يا خيرى الكلام دا؟ لا.. لا أكيد فيه حاجة غلط.. التقرير دا مزور.
- مزور ازاي يا مالك؟ مش إحنا اللي يتقالنا الكلام دا..
- أمال يا خيرى.. الناس دي كدا شكراً.. هيوذعوا السجن؟
- بالضبط.. هياخدوا إخلاء سبيل.. دا كان الدليل الوحيد على إدانتهم.. بس أنت مش فرحان إن أبوك براءة.
- صمت لثانية ثم قال:
- أنا كنت عارف إن عزت بيلعب لعب وسخ.. دا هيبقى حسابه معايا بعدين.

- عايز أقولك إن النياية عندنا مقلوبة.. مالك إوعى تنشراي حاجة من اللي بقولهاالك.

ضحك في مخربة:

- عارف طبعا.. أهم حاجة الرأي العام.. بس طبعا كمان يومين هيبان القاتل على إنه واحد مريض أو مجنون صح؟

- ماتقلقش.. ركز أنت في اللي بتعمله وكله هيتحل.

لابد أن يظهر إلى الناس بمظهره العادي. بعد مقتل هند حاول أن يتوارى عن الأنظار قليلاً. ولكن عمله أرغمه أن يقطع إجازته. لم يعد هناك أي طريق لكي يستعيد ماله الذي فقده. كانت هند هي الطريق الوحيد. فلا أحد يعلم بما دفعه مقابل ما يريد. تحدث إلى نفسه كثيراً محاولاً أن يعدل عن فكرة عدم الظهور. وقرر أن يعاود حياته كما كانت. فلي نهاية الأسبوع عاد إلى الملبى الذي كان يذهب إليه. واصطحب من يصطحبهم إلى بيته. وعاد مرة أخرى للظهور في الوزارة. وعاد لمضايقاته المستمرة لعائدة. حسني محفوظ أذكي من أن يقع في أفعال تجعل الأنظار تلتفت إليه. هو شريك في الألعاب القذرة التي تتم تحت الترابيزة- ولكن لم يسعه الحظ. فقد رحلت نسرين ومن بعدها هند. استطاع بخبرته ومكانته داخل الشركة أن يعوض ما خسرت الشركة. تمكن من ربح عطاء كان قد تقدم إليه بالوزارة التي تعمل بها عائدة. قيمة المشروع كانت كافية في أن تجعل الإدارة في شركته تفض الطرف عما حدث.

جلس في مكانه المفضل وشرد قليلاً. حضرت إحداهن وبدأت في مداعبة خصلات شعره الذي زحف إليه اللون الأبيض. نعى يدها جانباً وطلب منها أن تغادر الطاولة التي يجلس عليها. صوت المزككا لم يبدأ بعد، أراد أن يختلي بأفكاره ولو لثوانٍ. شعر لأول مرة منذ أن علم بقتل هند أن الدائرة ستبدأ من عنده، ولكن خلال متابعته للأحداث من خلال مقالات مالك علم أن الدائرة بدأت من عند الآخرين. أسز قولاً: إذا أرادت النهاية أن تبحث جيداً حتماً ستكتشف علاقتي بين: أي إثبات يحمل معه دليلاً قاطعاً على ارتكابه للجريمة؟

مكتب أحمد خيرى

جلس مالك في مكتب أحمد في وقت مبكر من اليوم. لم يستطع أن يصبر، فما أن رأى ضوء النهار حتى أسرع إلى مكتب صديقه، وانتظره حتى أتى في ميعاده اليومي. دلف أحمد إلى المكتب، فوجد صديقه في انتظاره، تعجب أحمد من وجود مالك في مثل هذا التوقيت دون أن يبلغه باتصال سابق.

طلب له ومالك كوبين من الشاي جاء رد مالك:

- أنا شربت.. مض وقته خالص لشرب حاجة دلوقت.

- خير؟

- فيه شخص جديد ماكنتش أعرف إنه في القضية.

- مين يا مالك؟

- اتصل بمحمد جمعة وقوله بيعي.

بتعجب:

- إشمعنى؟

- اعمل بص اللي بقولك عليه.

حضر محمد جمعة وجلس في المقعد المقابل لمالك. قال جمعة من هدوء:

- إيه يا مالك؟ عايزني في إيه؟

- بص يا محمد بيه.. فيه معلومة وصلتني إن في شخص يُدعى حسني محفوظ. كان من فترة قبل موت نصرين يتردد عليها في مكتبها. وكانت هند معاه.

حدجه أحمد دون أن ينبس بكلمة..

- من غير استفراب.. أنا واثق من المعلومة دي.

سأله جمعة وقد بدا عليه الاهتمام:

- مين مصدرك؟

- ماينفعش أقولك.. دا شغلي وأنا كصحفي مالفدرش أبوح بمصادري.

تحرك أحمد متجهاً ناحية الباب ليخلفه بإحكام. وطلب من أحد العاملين عدم دخول أي فرد إليه. أردف مالك قائلاً:

- حسني يعرف القاتلتين. وواضح إن كل الضبوط بتصب عند هند.

قاطعة جمعة متسائلاً:

- ماقولتش ليه من الأول.

- أنا لسه عارف من قريب جداً.. وكنت منتظر نتيجة تقرير الطب الشرعي.

ولما عرفت إن النتيجة سلبية قلت يبقى دا آخر خبط ممكن للجانة له.

نظر محمد جمعة إلى أحمد كأنه يُخبره لماذا أعطيت لمالك تلك المعلومات.

أسرع مالك بعد أن لمح تلك النظرة.

- محمد بيه ماتخافش مقيش كلمة هتنتشر من التقرير، وإن النتيجة طلعت سلبية.. المهم دلوقت عايزين منك قرار بضبط وإحضار حسني محفوظ. قاطعه أحمد قائلًا:
- لا يا مالك مش سهلة كدا.. لازم دليل عشان نستدعيه. سأله مالك في ضيق وحنق:
- طب إيه الدليل اللي كان مع جنابك لما مسكت أبويا واتهمتهوه بالقتل؟ صمتا ولم يعقبا.. أردف مالك قائلًا:
- كدا بنضيع وقت.. أنا دعبت شوية وراه.. وعرفت إنه كل يوم بيحبب معاه حرم البيت.. بلاغ صغير والبوليس يقبض عليه ويدخل في القضية. باغته محمد جمعة بسؤال:
- إنت ليه واثق قوي كدا إن الراجل دا هو الفاتل؟ ابتسم مالك في ثقة وأخرج من حقيبته منسلسلة الأفكار. وقبل أن يبدأ في الكلام قال له أحمد:
- مالك.. أنا عارف إنك ساعدتنا كتير في القضية دي.. بس المرة دي مافهاش سكة غلط نمشها.. النائب العام بذاته معذر محمد جمعة من أي غلطة.. وزى ماقلتلي بقت قضية رأي عام. قال جمعة وهو يبتسم وينظر إلى أحمد:
- البركة فيك يا عم مالك. فتحدث مالك في ثقة قائلًا:
- اعتقد يا محمد بيه اسمك نور في الجرنال عندي.. ماتقوله حاجة يا خيرى. ابتسم خيرى بينما كان جمعة يحدجه.. قال أحمد:

- ورينا عايز تقول إيه يا عم اللمض.

بدأ مالك في كتابة الأسماء التي تم اتهامها وأيضاً اسم حسني محفوظ وضع الجميع داخل مثلثين متقابلين عند الرأس..

وبدأ في شرح علاقة كل فرد بالآخر. ووضع داخل كل زاوية في رأس كل مثلث اسم هند ونسرين. وكتب أسماء كل المشتبه بهم وعلاقتهم بالضحيتين. أخرج من اسم كل واحد فهم خطأ ممتداً طويلاً. وضع كلاً من سعيد وإبراهيم في المثلث الأعلى. ووضع حسني محفوظ وسلمان والده في المثلث الأسفل. وأخذ يمد خطوطه. وكتب فوق كل خط نوع العلاقة بين كل منهم وبين الضحيتين. خطين فقط هما الذين أحدهما تقاطعاً مع هند ونسرين. خط سعيد وخط حسني. نظر لهما وقد بدأت عليهما علامات التعجب.

- كذا الخط اللي فاضل هو حسني محفوظ.. سعيد خطه احنا مشينا عليه بس في الآخر الطب الشرعي خزجه منها.. يبقى كذا يا محمد بيه فاضلنا حسني محفوظ.

نهض محمد جمعة وهو ينظر إلى أحمد خيري قائلاً:

- أنت جايبه منين؟

ضحك أحمد في ثقة قائلاً:

- عشان تعرف بس إن الناس الجامدة هي اللي تبني.

قبل أن يفادر محمد جمعة الغرفة قال لمالك:

- النهارده هيكون قرار ضبط وإحضار حسني موجود.

قاطعته مالك قائلاً:

- معلش يا محمد بيه.. ممكن أطلب حاجة؟

- اتفضل.

- أنا من يومين كنت بتبع حمسي وعرفت إنه بيحب حريم للشقة زي ماقلت
لحضرتك.. بلاغ صغير للقسم ويطبوا عليه ومعاها واحدة منهم من غير أي قرار
بضبط واحضاره.

قال أحمد:

- بس كدا ممكن يخرج منها بسهولة.

أجابه مالك:

- لا.. الأدلة هتكون موجودة، وبالذات لما تكون معاها واحدة ع السرير.

نظر له محمد جمعة في إعجاب:

- صاحبك يا خيري بهفكر صح.. دماغك حلوة.

- شكراً.. أنا هستأذن.. وإن شاء الله القضية هتتحل في يومين.. بس الطب

الشرعي يكون سريع معانا.

ربت أحمد على كتف صديقه قائلاً:

- ماتلقش.. دي بناعتنا يا مالك.

الفصل الخامس عشر المحطة الأخيرة

كان الانتظار طويلاً، والشغف يزداد يوماً عن يوم، أصبحت الدقائق والثواني بالنسبة لمالك ساعاتٍ وأياماً لا تنتهي، انتظر أربعة أيام بعد اجتماعه مع أحمد خيرى ومحمد جمعة، المكالمة الفاصلة لم تأتِه بعد، جلس كعنكبوت غزل خيوطه حوله في انتظار قدوم الفريسة حتى تلتهم، لا بد أن يسقط، سيخطئ قريباً، يفكر بصوت مرتفع وينظر إلى الهاتف و ينتظر، ليس لديه بديل آخر، حتى وإن انتظر لشهر؛ لا بد وأن يعود الزمار للعزف بأصابعه مرة ثانية، لم يترك أي ثغرة لكي يفلت منها، تلك الخيوط لن تهوي به إذا ألقى فيها، جاء اليوم الخامس، وفي بداية الليل جاءته المكالمة المنتظرة:

- مالك بيه.. حسني وصل ومعاه واحدة من إياهم.

- تمام.. بقالهم كثير؟

- لسه واصل من عشر دقائق.

- طب سلام أنت يا عم سعد.

أسرع وهاتف أحمد خيرى، وأخبره بما حدث، أصّر أن يكون بالقرب من واقعة التلبس، تسأل أحمد في أي مكان يسكن؟ في منطقة العجوزة، وأعطاه مالك العنوان بالتفصيل، لم ينتظر أحمد كثيراً حتى أبلغ جمعة بما حدث.

اقترب كل شيء، والنهاية حتمية لا مردّ فيها، أسرعت قوة من ضباط قسم العجوزة بعد بلاغ جمعة لرئيس المباحث، حضر مالك أسفل البناية قبل قدوم الشرطة، توارى عنهم خلف إحدى الأشجار، وجلس على الرصيف

ليكتب: هاتف مدير التحرير وأخبره أن يعدّ صفحة كاملة في العدد الصادر غداً. حاول مصطفى أن يستفسر أكثر عن الأحداث، ولكن لم يعطه مالك الفرصة وأنهى المحادثة، بعد نصف ساعة تقدمت الشرطة واقتحمت البناية، شعر مالك أن حلمه يقترب من الحقيقة وسيشعر بالانتصار عندما يرى حسني وهو مكبل بالأصفاد جالساً داخل عربة الشرطة.

اقتحمت قوات الشرطة شقة حسني بعد أن ظلت لدقائق تطرق الباب دون أي رد منه، وجدته في غرفة النوم ومعه إحداهن، وقت الانتظار بالنسبة لمالك صعب ومرهق.

ما أن رآه يتأبط ذراع أحد أمناء الشرطة ومن خلفه الفتاة وهي شبه عارية حتى نهض وأسرع إليهم، اجتمع القليل من المارة لرؤية ما يحدث، وقف بينهم كمتفرج يتابع مباراة ساخنة، نظر له مالك بملء عينيه يتأمل لحظة ضعفه، رأى في عينه ما تعنى أن يراه، تلك النظرات التائهة التي تلتظر المصير المجهول، ابتسم مالك وهو يداعب أنفه بأصبع السبابة، تحركت سيارة الشرطة، أسند جسده على إحدى السيارات الرابضة أمام المبنى، وبدأ يكتب، لاحظ أن جميع السكان يُخرجون رؤوسهم ليشاهدوا ما يحدث، ابتسم مرة أخرى وشعر بالنشوة تجتاح جسده، تقدّم البواب وسأل مالك أن يجلس على كرسيه ويكتب، اعتذر له وانصرف.

مبنى شركة "تقسيم"

كانت المرة الأولى التي ظهر فيها سلمان بعد خروجه من الأزمة، دلف إلى المبنى، ألجمت المفاجأة بعض الموظفين المعروفين بالتمائم لعزت، كانوا على

يقين أن أمر سلمان قد انتهى بمجرد شهادتهم أمام النيابة أنه هدد عزت بقتل زوجته: نقدم بخطى ثابتة مقطب الجبين لا يبالي بتهنئة الموظفين له. أصّر أن يصعد على السلم دون استخدام المصعد الكهربائي. اختلطت نظراته للمكان بين التحدي والإصرار على إعادة ما فقده وبين الحنين لتلك الجدران التي شُيّدت بمجهوده على مدار عشرين عاماً. ما أن وصل إلى الطابق السادس حتى تقدم إلى غرفة مكتبه. لم يجد السكرتيرة في مكتبها.. لاحظ أن اسمه لم يعد موجوداً على باب الغرفة. أخرج المفتاح وأولجه في مزلاج الباب. دلف إلى الغرفة فوجدتها خالية تماماً من أي أثاث مكثي. اندفع إلى الخارج. لاحظ إحدى الموظفات وهي تسير. دعاها بصوت خفيض. انتهت إليه في تعجب. أسرت سؤالها: ماذا أتى به الآن؟ تقدمت فباغتتها بسؤال:

- إيه اللي حصل يا شيرين؟

- إزيك يا مستر سلمان.. حمد لله على السلامة.

- مافيش سلامات.. إزاي أدخل مكثي مالفيش أي حاجة فيه؟ فاضي؟

- ماعنديش أي تفاصيل يا مستر سلمان.. كل اللي أعرفه إن في ميل اتبعث

للموظفين من مستر عزت. بيبلغنا فيه إن الشراكة اللي بينكوا اتفضت.. وإن

حضرتك ما بقينش في الإدارة.. دا بس اللي أعرفه.

وكانها لم تكن تقف أمامه. انطلق إلى غرفة عزت، وركل الباب بقدمه

غاضباً. وجد عزت جالساً يتحدث في الهاتف وغلبيونه في فمه. انتفض عزت

من مقعده جراً دخول سلمان بقوة. اندفع إليه سلمان وأمسك به. دفعه

إلى سطح المكتب فارتطم رأسه واندفع الدم. استمر سلمان في لكمة رغم

محاولات الآخر أن يفلت من بين يده، ولكن أنت محاولاته بالفشل. افترسه سلمان. أخرج كل ما بداخله من شحنات غضب وانتقام منه. لم يتركه إلا وقد أصبح عزت جسداً لا يتحرك. مجرد شيء تخرج منه الأنفاس ببطء. اجتمع العاملون بالمبنى بعد أن سمعوا أصوات تحطيم الأثاث وأصوات العراك بينهما. اخترق سلمان تجمع العاملين أمام غرفة المكتب وهو يتصبب عرقاً وثيابه متقطعة. بينما كان عزت يفترش الأرض الماء. تعجب بعض الموظفين. فكيف لسلمان أن يفعل ذلك وهو لم يفكر أن يصبح في أحد في يوم من الأيام؟! ربما لأن هذا الموظف لا يعلم ما الذي يراه المظلوم في محبسه. انطلق سلمان إلى بيته وهو يشعر أنه لم يعد كسابق عهده. سيعيش ما تبقى من حياته وهو يشعر أنه انتقم ولو بالقليل من الذي دفعه ظلاماً إلى الظلام. من كان سبياً في تلوث سمعته. سيبقى ليسترد حقه حتى وإن كان بالقوة.. فالحق قوي.. ومن يترك القوة يلقى تحت الثرى.

اتخذ هاني طريقه إلى البيت. تقدم بخطوات ثقيلة وهو يسير بجوار أكاديمية الفنون بالهرم. صادف أحد الأصدقاء أثناء سيره. دعاه إلى مقهى صدفة. اعتذر هاني ولم يقبل الدعوة: بحجة أن هناك الكثير من الأعمال لا بد وأن ينتهي منها الليلة. كان شارداً فاتخذ طريقاً يبعد كثيراً عن بيته. دلف إلى شارع الثلاثيني بالعمرانية. ثم سار لمدة خمسة عشر دقيقة حتى وصل إلى منطقة الطالبية ومنها إلى بيته. بمجرد وجوده أمام البيت شعر بكل الطاقات السلبية تتخلله. فعائلته مصدر كل شيء سلمي في هذا الكون. المال.. المال.. المال.. فمئذ أن رحل أبوه وهم لا يتوقفون عن طلب المال. الأخت التي قاربت

على الزواج وتحتاج دائماً إلى مصاريف. والأم وما تحمله من أمراض هذا الزمان من ضغط وسكر تحتاج شهرياً إلى الكثير من المال للعلاج. دائماً يمسى ليزيد من دخل العائلة؛ جلس يفكر وهو يمضغ الطعام الذي وضعت له أخته. تساءل ما هو الطريق الذي يحصل منه على مال كثير يستطيع العيش به ويغطي كل هذه المصاريف؟ انتهى من طعامه. دلف إلى الحمام ووقف يغسل يديه وفمه. نظر إلى المرأة التي أمامه وتذكر مالك. كيف لم يطلب منه يوماً أن يساعده ولو بمبلغ صغير؛ ولماذا لا يساعدي بمبلغ كبير؟. ثلاثون ألف جنيهه مبلغ معقول. لن يدفع مليماً من جيبه الخاص. هذا المبلغ لا يساوي شيئاً في رصيد حسابات أبيه وأمه؛ مسح يده بالمنشفة واتجه إلى غرفته. بدل ملابسه وجلس إلى الكمبيوتر. فتحه وبدأ في العمل. تعديل بعض الصور. لم تتركه الفكرة ثانية واحدة وهو يمسك بالفأرة ويعمل على برنامج تعديل الصور "فوتوشوب". قال متحدثاً إلى نفسه: لقد وقفت بجوار مالك كثيراً. وكل ما طلبه مني قد فعلته على أكمل وجه. لا يهمني ما يعرفه عني. فأنا أيضاً أعرف عنه ما يخفيه عن العالم كله. فليعتبر هذا المبلغ نظير كتمان أسراره. أما إذا رفض أن يعطيني ما طلبته منه فسوف أتحرك في الاتجاه الذي يجعله يندم أشد الندم على رفضه. نهض وأمسك هاتفه المحمول وهاتف مالك. لم يجبه لثلاث محاولات للاتصال؛ في محاولة أخيرة جاء رد مالك:

- إيه يا عم.. ماردتش عليك كذا مرة يبقى ماتزلش كثير.

- ما بالراحة يا مالك؟

- أنا مشغول يا هاني.. عايز إيه؟

- لازم اشوفك.
- مش فاضي دلوقت.. خلها بكره في الجرنال.
- ليه بكره؟ خلها كمان ساعة.
رد مالك في سخرية:
- هو الموضوع مهم قوي كدا؟
- من غير تريقة.. هتقابلي النهارده؟
- قولتلك بكره.. سلام.
أغلق الخط ولم ينتظر أن يرد له السلام. ألقى هاني الهاتف على السرير وهو يصيح:

- دا أنت ابن ستين كلب وسخ.
دلفت أخته إل غرفته قلقة عليه ومتزعجة فبهرها. خرجت وهي تبكي. لم يبال لها. أغلق جهاز الكمبيوتر وأغلق الإضاءة ومدد جسده على السرير. لم ياتيه النوم إلا بعد ساعة. ليرى ماذا سيفعل غداً.

اليوم التالي الجرنال

تقدم هاني مسرعاً إلى مكتب مالك فلم يجده. هاتفه وعلم أنه قد اقترب من الوصول إلى الجرنال. جلس ينتظره. نصف ساعة مرت ولم يأت. هاتفه مرة أخرى. وأخبره أنه سينظره في المقهى الذي يجلس فيه: تحرك هاني إلى هناك. وحين وصل وجد مالك جالساً يكتب في متسلسلة الأفكار. جلس هاني وطلب من القهوجي فنجاناً من القهوة. اقترب من مالك. كان مازال مستمراً

في الكتابة في محاولة منه لعدم قطع حبال أفكاره المسترسلة بقوة. قال له
 هاني في محاولة منه لكسر حاجز الصمت:
 - ممكن تفضي لي شوية وتركز معايا.
 أجاهه وهو مستمر في الكتابة:
 - اتكلم يا هاني أنا سامعك.
 - كنت محتاج منك مبلغ.. عندي مصلحة عايز اخلصها.
 حدجه مالك دون أن ينبس بكلمة.. أردف هاني قائلاً:
 - واضح إن كلامي مش عاجب سيادتك.
 ترك مالك القلم وأغلق متصلسلة الأفكار. اعتدل في جلسته. ثم رشف من
 الكوب النبي أمامه بعض قطرات من الشاي وقال له:
 - فلوس إيه اللي أنت عايزها مي؟
 - محتاج ثلاثين ألف جنيه.
 ابتسم مالك في سخرية قائلاً:
 - هو حد مفهمك إني غني كدا؟
 - لا مش أنت اللي غني.. بس أبوك وأمك معاهم فلوس.
 - بص يا هاني.. واضح إنك مركز قوي مع أبويا وأمي عشان دي تاني مرة
 تجيب لي سيرتهم.. لم الدور كدا واعقل.. وكمان انت عارف إني سايب لهم
 البيت وعايش لوحدي. ويادوب بصرف من مرتبي في الجرنال.
 - مالك.. أنا ماليش فيه.. الفيلم الهندي بتاعك دا مش حدوتة هتحكياي
 فهطبطب عليك وهقولك دول ناس وحشيين.. اللي بتعمله دا كله شغل عيال

أهلها مدلعينهم. إنما إحنا يا أستاذ مالك بنصرف على عيلة.. وكمان أنا
ساعدتك كتير قوي.. ودا الوقت اللي تقف فيه جنبي.

داعب مالك أنفه بأصبعه السبابة قائلًا:

- الله عليك وأنت عايش دور المضحي.. خد بالك إن كل حاجة حصلت وأنت
موافق عليها.. بس طمعك هو اللي خلاك تشترك معايا في الشغل اللي عملناه
سوا. ألا صحيح قولي.. أنت مسحت الصور اللي عندك ع الجهاز ولا لأ؟
تغيرت ملامح وجه هاني، وظهر عليه الضيق فقال في حنق:

- لو أنت فاكر إنك كدا ماسكي من إيدي اللي بتوجعني تبقى غلطان..
الظاهر إنك مش حاسس إن لبك إيد بتوجعك برضه.

- هاني.. أنا مش فاضيلك.. ولا قاضي للحقد اللي مالي قلبك من ناحيتي.. لما
رينا يكرم والقضية اللي بحقق فيما تخلص يبقى نتكلم في اللي أنت عايزه.

- حاضر يا مالك.. بس خد بالك لو أنت فاكر نفمك ذكي وصايع وهتقدر
تضحك عليا تبقى غلطان.. لأن أنا الوحيد اللي هقدر أجيب رأسك تحت..
ماشي يا شقيق؟ أسيبك بقى تكتب اللي بتهري بيه عقول الناس.. سلام يا
نجم.

تحرك هاني عالداً مرة أخرى إلى الجرنال، ظل مالك جالساً يفكر في الحوار
الذي حدث بينهما، الآن تيقن أن هذا المخلوق كان يدبر له شيئاً، شعر في
بادئ الأمر أن أمره هين، ولكن خاب ظنه، بدأ مع الآن اللعب بأوراق
مكشوفة، وكيف له أن يفعل ذلك ومالك عنده خبرة كبيرة في اللعب
بالأوراق؟ وضعه هاني داخل طرفين ليس لهما ثالث.. إما المال أو الكلام.

- في الكتابة في محاولة منه لعدم قطع حبال أفكاره المسترسلة بقوة. قال له هاني في محاولة منه لكسر حاجز الصمت:
- ممكن نفضي لى شوية وتركز معايا.
 - أجابه وهو مستمر في الكتابة:
 - اتكلم يا هاني أنا سامعك.
 - كنت محتاج منك مبلغ.. عندي مصلحة عايز اخلصها.
 - حدجه مالك دون أن ينبس بكلمة.. أردف هاني قائلاً:
 - واضح إن كلامي مش عاجب سيادتك.
 - ترك مالك القلم وأغلق متصلصلة الأفكار. اعتدل في جلسته، ثم رشف من الكوب الذي أمامه بعض قطرات من الشاي وقال له:
 - فلوس إيه اللي أنت عايزها مفي؟
 - محتاج ثلاثين ألف جنيه.
 - ابتسم مالك في سخرية قائلاً:
 - هو حد مفهمك إني غني كدا؟
 - لا مش أنت اللي غني- بس أبوك وأمك معاهم فلوس.
 - بص يا هاني- واضح إنك مركز قوي مع أبويا وأمي عشان دي ثاني مرة تجيب لي سيرتهم.. لم الدور كدا واعقل.. وكمان انت عارف إني سايب لهم البيت وعايش لوحدي، ويادوب بصرف من مرتبي في الجرنال.
 - مالك.. أنا ماليش فيه.. الفيلم الهندي بتاعك دا مش حدوتة متحكيمالي فهطبطب عليك وهقولك دول ناس وحشيين.. اللي بتعمله دا كله شغل عيال

أهلها مدلعينهم. إنما إحنا يا أستاذ مالك بنصرف على عيلة.. وكمان أنا
ساعدتك كتير قوي.. ودا الوقت اللي تقف فيه جنبي.

داعب مالك أنفه بأصبعه السبابة قانلاً:

- الله عليك وأنت عايش دور المضحي.. خد بالك إن كل حاجة حصلت وأنت
موافق عليها.. بس طمعك هو اللي خلاك تشتترك معايا في الشغل اللي عملناه
سوا. ألا صحيح قولي.. أنت مسحت الصور اللي عندك ع الجهاز ولا لأ؟
تغيرت ملامح وجه هاني. وظهر عليه الضيق فقال لي حنق:

- لو أنت فاكِر إنك كدا ماسكي من إيدي اللي بتوجعني تبقى غلطان..
الظاهر إنك مش حاسس إن ليهك إيد بتوجعك برضه.

- هاني.. أنا مش فاضيلك.. ولا فاضي للعقد اللي مالي قلبك من ناحيتي.. لما
ربنا يكرم والقضية اللي بحلق فيها نخلص يبقى نتكلم في اللي أنت عايزه.

- حاضر يا مالك.. بس خد بالك لو أنت فاكِر نفسك ذكي وصايع وهتقدر
تضحك عليها تبقى غلطان.. لأن أنا الوحيد اللي هقدر أجيب رأسك تحت..
ماشي يا شقيق؟ أسيبك بقى تكتب اللي بتهمي بيه عقول الناس.. سلام يا
نجم.

تحرك هاني عانداً مرة أخرى إلى الجرنال، ظلّ مالك جالساً يفكر في الحوار
الذي حدث بينهما. الآن تيقن أن هذا المخلوق كان يدبر له شيئاً، شعر في
بادئ الأمر أن -أمره هين. ولكن خاب ظنه، بدأ مع الآن اللعب بأوراق
مكشوفة. وكيف له أن يفعل ذلك ومالك عنده خبرة كبيرة في اللعب
الأوراق؟ وضعه هاني داخل طرفين ليس لهما ثالث.. إما المال أو الكلام.

صبنى النيابة

خمسة عشر يوماً من التحقيقات مع حسني محفوظ ولم يعترف بشيء. كل ما تردد على شفثيه أنه لا يوجد لديه أي تفاصيل أو معلومة عن جرائم القتل ولا تربطه علاقة بالقتيلتين. تم استدعاء الشهود أمام النيابة. الأولى يارا؛ أدلت بأقوالها أنه في أحد الأيام رأت حسني وهو يخرج من مكتب لسرين بصحبة هند جلال. وعندما سُئلت هل لديها أي معلومات عن سبب الزيارة أجابت بالنفي.

في محاولة أخرى من النيابة للوصول إلى الأدلة الكاملة. تم استدعاء أحد العاملين في الكافيه الذي حدثت به المشادة الكلامية بين هند وحسني بعد التحريات التي توصلت لها المباحث. قال إنه يتذكر ما حدث ولكنه لا يتذكر كليهما؛ مع تكثيف التحريات وُجد أحد المجال المتخصصة في بيع الأدوات الكهربائية وأجهزة المراقبة المجاور للكافيه. رصدت إحدى الكاميرات الرابضة أعلى المحل لحظة دخول كل منهما وخروج حسني قبل أن تخرج هند بنصف ساعة. عُرض على النيابة شريط التسجيل بحضور حسني واعترف بمعرفته بالضحيتين. ولكنه أصر أنه لم يقتل أحداً منهما؛ وجهت له النيابة تهمة القتل أنكر بشدة. طلبت عرضه على الطب الشرعي لأخذ العينات ومقارنتها بالعينات الموجودة في مسرح الجريمة.

أمرت النيابة بتفتيش شقته وإحضار بعض الأغراض الخاصة به. بعد ثلاثة أيام تم عرضه مرة أخرى على النيابة. وضع روابط العنق الخاصة به وبينهم وضع الرابطتين اللتين وجدتهما المباحث في مسرح الجريمة. وعند سؤاله عن

- هذه الروابط اعترف أنها ملكه. ولكن أشار إلى الرابطتين وقال إن كلا منهما -
 قد فقدت في فترات متباعدة.
- كيف فقدتا منه؟ ومن أتى بهم إلى موقعي الحادث؟ (تساءل محمد جمعة)..
- أجابه حسني في ثقة:
 - ما عرفش.
- هل يوجد غرباء يدخلون منزلك؟
 تلجلج في حديثه:
- ساعات.. بنات بيهجوا معايا من الملهى.. كل أسبوع واحدة شكل.
 عقد جمعة نراعه وهو يحدجه:
- من هن أكثر النساء قدوماً إلى منزلك؟
 - واحدة اسمها عزة.. بس هي هتعمل إيه يهدومي؟
- أشار إلى الكاتب أن يتوقف عن الكتابة ثم قال لحسني:
 - بص أنا ماشي معاك للأخر في كل اللي بتقوله.. بس خد بالك من حاجة إن
 اعترافك هيبقي هيبقي.. وإن فيه أدلة هتثبت إنك الجاني.. حاول تساعد
 نفسك وتقولنا اللي حصل.
- صمت حسني ولم يعقب. أشار جمعة إلى الكاتب لكي يستمر..
- أمرنا نحن باستدعاء السيدة عزة (ثم موجهاً حديثه لحسني).. هو دا
 اسمها الحقيقي ولا اسم الشغل؟
- بصراحة ماكنتش باخد البطايق وهما داخلين الأوضة!
- احترم نفسك أنت قدام نيابة.. هي كانت في أنني ملهى ليلي؟
- اسمه وايت نايل.

- يتم استدعاء عزة التي تعمل بملهى ليلي وايت نايل: للتحقيق معها.
بعد يومين عُرضت على وكيل النيابة، وأنكرت معرفتها بالرابطتين، وأقرت
أنها ذهبت مع حمسي مرتين إلى المنزل، ولكنها لم تأخذ شيئاً من منزله.
لا بدائل أخرى له.. جميع الطرق ستؤدي إلى السجن. أو إلى المحطة الأخيرة.

الفصل السادس عشر المحاكمة

وقف محمد جمعة يعرض لهيئة المحكمة ملابسات الحادث، بينما جلس مالك وخيري وبارا يستمعون إلى المرافعة. تجاوز الوقت نصف ساعة ومازال جمعة يتحدث إلى القضاة، عرض تقرير الطب الشرعي والأدلة الجنائية وتقرير مقارنة العينات التي وُجدت في مسرح الجريمة وعينات من المتهم. وقد تبين من خلال التقرير أن العينات متطابقة، حيث تبين أن نصف البصمة التي وُجدت على غطاء السرير للضحية الأولى نسرین تكتمل مع النصف الآخر الموجود على رابطة العنق في الضحية الثانية هند.. وبخصوص تحليل الـ "دي إن آيه" وُجد تطابق عينات العيوان المنوي المأخوذة من الجثث والأغطية مع العينة المأخوذة من المتهم. أيضاً تطابقت عينة شعر الذقن المتاحة معه. وبناء على ما هو مقدم إلى هيئة المحكمة طلبت النيابة توقيع أقصى العقوبة على المتهم ألا وهي الإعدام.

حدثت جلبة داخل القاعة من قبل أقارب المتهم، طرق القاضي طرقتين على المنصة الرابض خلفها: فصمت الجميع. بدأ محامو الدفاع في القيام بدورهم، يجلس مالك يترقب كل ما يحدث دون أن يتكلم أو يبدي اهتماماً. كل ما كان يفعله هو أن يتأمل ملامح حسني داخل القفص، وبدون كلمات ما في متسلسلة الأفكار. كانت المواجهة قوية ومشتعلة بين الدفاع والنيابة: وعلى مدار الساعة والنصف ساعة وهو الوقت الذي قضى فيها الجميع يتحدث ما بين دفاع وما بين اتهامات تقدمها النيابة للمحكمة وشهود إثبات

أن المتهم كان على علاقة بالقتيلتين: جاء قرار القاضي بإحالة أوراق المتهم للمفتي، تداخلت الأصوات داخل القاعة فانقسمت بين أقارب المتهم الرافضين لقرار القاضي، وبين أقارب القتلتين وهم يهللون انتصاراً، اختلطت المشاعر داخل المحكمة، ظل مالك جالساً يفكر ويكتب قبل أن تقاطعه يارا قائلة:

- مبروك يا مالك القضية.

وقف مالك وهو يقول:

- الله يبارك فيكي..

تقدم أحمد خيرى وعانق صديقه:

- القضية دي كانت متعبة قوي وتفاصيلها كتير.. الحمد لله إننا قدرنا نغفلها بالشكل الهائل دد.

- أنا عارف طبعاً إنها كانت متعبة.. بس المجهود ماراحش هدر.

دعا مالك الجميع على الغداء بهذه المناسبة، ربما تعجبت يارا وهي ترى مالك يفعل ذلك لأول مرة، دلفوا إلى أحد المطاعم في المهندسين، جلست يارا في مقابل مالك على الطاولة بينما جلس خيرى في مقابل جمعة.

تقدم النادل وأعطى لهم قائمة الطعام، بدا للجميع أن مالك لا يهتم بها حيث كان أولهم طلباً للطعام، دَوّن النادل الطلبات تباعاً، ثم انصرف، ربت خيرى على كتف مالك الرابض جانبه قائلاً:

- بكره يا مالك محدش هيعرف يكلمك.. أراهنك إن مدير التحرير هيعينك رئيس قسم الحوادث.

ابتسم مالك ولم يعقب.

سأله محمد جمعة:

- إزاي كنت واثق كدا إن حسني هو القاتل؟

أجابه مالك بهدوء:

- زي ما شرحتك ع الورق في النبابة.. كل الخيوط اللي كانت قدامي بتودي بي ناحية حسني.. كنت محتاج بس إلي أناكد إن حسني على علاقة بنمرين.. وطبعاً البركة في مصادري.

ابتسمت بارخلسة. وخالجها شعور قوي بالفخر.

تساءل جمعة:

- هي نمرين كانت صاحبتك قوي يا يارا؟

اندفعت في أجابتها كالمعطر الذي وجد ماء فجأة:

- أه طبعاً.. الله برحمها كانت أكثر من أختي.. كنا عارفين عن بعض كل حاجة.

ابتسم جمعة وهو يحدق في مالك:

- أمال إزاي ما عرفتيش اللي كانت بتعمله؟

بدا على يار القليل من التوتر وهي تتحدث:

- هي ما حكتليش حاجة عن الموضوع دا.. بس أنا حسيت إن فيه حاجة غلط بتحصل وقررت أعرف بطريقي.

قال مالك مقاطعاً:

- لازم تبقي عارفة حاجة.. إن جوا كل واحد في الدنيا دي كهف كبير بيخفي

فيه اللي عايز يداره عن الناس. وكل فترة بيزور الكهف دا ويظمن على اللي مخبيه.. فيه حاجات عمر ضوء الشمس ما هيشوفها.

قال خيري معقياً على كلام صديقه:

- كلامك صح.. بس أنا ماعتقدش إن انت عندك كهف زي دا..

قال جمعة:

- أنت بتتكلم بثقة كدا ليه؟

- عشان إحنا صحاب من زمان وعارفين عن بعض كل حاجة.

ابتسم مالك ولم يعقب.

تقدم النادل ووضع أطباق الطعام امامهم متمنيا لهم وجبة شهية. بدأ كل

واحد منهم في الأكل. كان مالك يأكل ببطء شديد. لاحظت يارا ذلك. بعد

دقائق قليلة تحدث جمعة قائلاً:

- الموضوع دا في حاجة غريبة. أنا بقالي فترة بفكر فيها.

- إيه هي؟ (سأله مالك).

- واحد في سن حسني إزاي هيفتلهم كدا وكمان يفتصمهم من غير ما يكون

فيه أي أثر جامد وقوي للمقاومة على جثث الضحايا. كمان فيه سطرين في

تقرير الطب الشرعي بتقول إن الروح طلعت قبل الاغتصاب بثواني قليلة..

معنى كدا إن حسني اغتصبا وهي مفتولة.

سأله أحمد وهو يمزغ طعامه:

- وضح.. عايز تقول إيه؟

- أنا بفكر معاكوا بصوت عالي.. القضية خلاص اتقفلت.. بس برضه حاجة

غريبة.. إزاي يفتصمهم مقتولين في حين إنه قادر يفهم علاقات جنسية مع

العاهرات اللي كان بيجهم البيت؟

احمرت وجنتا يارا وظهر على ملامحها علامات الخجل. فأشار أحمد لجمعة

أن يغير الحديث بعيداً عن تلك النقطة.

قال أحمد وهو يمسك بكوب الماء قبل أن يشرب القليل منه:
- لو كلامك دا صح يبقى كدا المفروض إن حسني مريض بمرض نفسي مش
فاكر اسمه إيه كدا..
- نيكروفيليا. (أجابه مالك).
- اعتقد هو.
قاطعتهم يارا:

- يا جماعة إنتوا هتتعبوا نفسكوا ليه في كل الكلام دا؟ القضية اتقفلت
وحسني مية المية واخذ حكم نهائي خلاص.. يبقى نكمل أكلنا ولنغير الموضوع.

سجن القناطر الساعة الثامنة صباحاً

تقدم مجموعة من الضباط في طريقهم إلى زنزانة حسني الانفرادية. اقتادوه
إلى غرفة أخرى. كان يرتدي بدلة حمراء مهيفة. يسير على الأرض بأقدام
ثقيلة غير مستوعب ما يدور حوله. تأبط كتفيه جنديان ممن كانوا
مصاحبين للضباط أمام الزنزانة. أحداث كثيرة يستعرضها عقله ولا يصدق
أنها النهاية.. لم أفعل شيئاً.. لم أقتل أحداً (صاح بصوته في الممر المؤدي إلى
غرفة الإعدام).. فكم من مسجون وهو في طريقه إلى غرفة الموت يصبح بمثل
تلك العبارات. ثلاثة أشهر وأقرت المحكمة حكم الإعدام بعد رفض الطعن
الواهن المقدم من الدفاع. لا مفر. كانت الأدلة قوية جداً وحُسمت القضية
ضده. ورأت النيابة الدوافع القوية للقتل بعد اعترافه بشأن الأموال التي
دفعها في مقابل ما يريده من نسرين ولم يحصل على المقابل المرغوب. لم

يجد فريق الدفاع ثغرة ينفذ منها وينقذ موكله من الإعدام.. دخل إلى السجن ليخرج إلى النهاية. اعترف لنفسه أنه أخطأ. اعتراف يسبق الألم. لا يرى المرء منا أخطائه إلا في مرآة النهاية. فهي لا تكذب أبداً. والبعض يراها في مرآة الألم. عند دخوله الغرفة لم يُجد نفعاً ما يفكر فيه. لن يشعر بالألم. مقبض الأرض الخشبية التي يقف عليها لا تأخذ من عشاوي أي جهد أو وقت. ستغطي رأسه تلك القماشة البالية وسيعمل الظلام المؤقت. لثوانٍ ثم يصبح الظلام أبدياً. هكذا يؤفلون موتاهم للنهاية.. القصاص حق. ورد الحقوق إلى أصحابها هي رسالة الإنسان على الأرض. ظلّ جسد حسني معلقاً يترنح في الهواء كبندول ساعة.. أعلن نجاح عملية الإعدام بشكل طبيعي. وفي الثامنة والنصف صباحاً أغلقت القضية. فلتسترح أرواح من فتلوا.....



بعد مرور ثلاثة أشهر

بينما يجلس مالك في المقهى بوسط البلد. إذ بهاتفه يعلن عن قدوم اتصال مٌلِح. الرقم بدون اسم. فربما أحد الأشخاص الذين يتصارعون من أجل تهنته بمنصبه الجديد كرئيس لقسم الحوادث ونائب رئيس التحرير للجرنال. كان مشغولاً بإعداد كتابه الجديد الذي تدور أحداثه عن القضية. تلقى عرضاً من إحدى دور النشر المعروفة لتجميع الحلقات القصصية التي كتبت في الجرنال خلال فترة التحقيق لتصبح رواية في إطار بوليسي مشوق. وبالفعل بعد الاتفاق مع الدار. بدأ مالك في إعداد روايته.

ظل الهاتف يصدر نغماته حتى أجاب مالك بعد المحاولة الرابعة من المتصل
جاء صوتها هادناً فرحاً:

- مبروك يا أستاذ مالك.

- الله يبارك فيكي.. مين معايا؟

- حقك تنسى صوتي وتمسح رقمي.

- أنا غيرت موبايلي.

ابتسمت بصوت خفيض:

- طبعاً.. من كاتب صحفي مبتدئ لرئيس قسم الحوادث ونائب رئيس
التحرير.

صمت مالك. أردفت قائلة:

- مش هطول عليك عشان أكهد مشغول.. أنا مروة.. مش فاكر مين مروة؟

مروة وافي بناعة جرنال الحدث فاكرني؟ طب بلاش.. فاكر زهير منصور؟ بص

يا مالك زي مانا ولقت جنبك لازم تلف جنبي.

- خير يا مروة عايزة إيه؟

- أنا سبت الجرنال بمشكلة كبيرة مع مدير التحرير.. كان عايزني.....

قاطعها في حلق:

- الخلاصة يا مروة.. عايزة شغل؟

- يا ريت.. وبلاش تنسى الجميل اللي عملتهولك.. أنا جبنتك كل اللي أنت

عايزه من زهير منصور. ولولا اللي عملته ماكانش هو اتطرد من الجرنال وأنت

مسكت مكانه.

- مش نامي يا مروة، وعارف إنك جبتي الورق اللي كان معاه.. مالهاش أي لازمة تحكيلي القصة حتى ولو على سبيل إنك تفكريني.
- أصل سنة كتير على واحد مشغول زيك.. أكيد هتلمى.
- بصي يا مروة مش هينفع في الجرنال عندي.. هكلمك واحد صاحبي ماسك صفحة الفن في مجلة كبيرة.. أعتقد إنك هتعرفي تلاقى نفسك في حاجة جديدة عليك زي دي.
- ماشي يا مالك.. بس يا ريت تكون صادق في كلامك، على الأقل الخدمة دي أقل بكثير من اللي عملته عشانك.
في محاولة منه لإنهاء الحوار:
- هكلمه بعد ما أقلل معاك.. سلام يا مروة.
أغلق الخط وقد بدا عليه الانزعاج. اقترب منه القهوجي ليسأله هل يريد أن يشرب أي شيء آخر. فأجابه بالنفي.
استمر في الكتابة. مرّ عليه الوقت سريعاً. شعر بقليل من الإرهاق. دفع حساب ما شربه وانصرف. ترجّل حتى اقترب من محطة المترو، دلف إلى رصيف القطار حتى اختفي وسط الناس المندفعة للدخول إلى العربة.
الأزدحام يزيد من توتره. جلس إلى أحد المقاعد فور قيام سيدة وطفلها. زاد من توتره صوت العربة أسفل النهر حيث يرتفع صوت الارتطام. أخرج متسلسلة الأفكار وبدأ يكتب لهفرغ الشحنات السالبة. شرد قليلاً عندما لم يجد شيئاً يكتبه فبدأ في رسم الشكل المفضل لديه.. الكومي في أوراق اللعب.. ظل يرسم لمدة عشر دقائق حتى امتلأت صفحتان متقابلتان. نظر إلى اللوحة المعلقة أعلى باب دخول العربة ليعرف هل اقترب من محطة

الجيزة. نظر إلى ساعة هاتفه المحمول لتعلن الساعة تأخره عن الموعد ثلاثين دقيقة. هاتفه "هاني" مؤكداً على الموعد ولانتماً له على تأخره. أخبره مالك أنه في خلال دقائق سيكون موجوداً في شارع الهرم. وصف له هاني عنوان منزله. اعترض مالك في بادئ الأمر على مكان المقابلة. لكن أقنعه هاني أنهما سيتحدثان بشكل أفضل في بيته. فلن يكون أحد هناك؛ فوالدته ترقد في المستشفى في حالة أعياها بعد أن أصابها غيبوبة سكر. وتجلس في صحبة أخواته. ولذلك سيكون البيت أنسب مكان للحديث الحر دون أن تتابعه أذان الجالسين. وحتى يحصل على المبلغ المرغوب دون أن يشعر بالقلق وهو يحمله في الطريق إلى منزله. أخبره مالك أنه أحضر معه المبلغ المطلوب. انتظره هاني كالجانح ينتظر عامل توصيل الطعام. جلس يفكر كيف سينفق المال الذي سوف يحصل عليه بعد قليل؟ لن ترفضه أي فتاة فقيرة. ولكن ماذا يعني ثلاثين ألف جنيه اليوم؟ لن يكون مبلغاً كبيراً بفعل به ما يشاء. ولكن يكفيه أن يحصل على مقابل ما فعله معه.

احتاج مالك أن يهاتف هاني مرات عديدة حتى يصل إلى المنزل. بعد فترة قصيرة وقف مالك أمام منزل من ثلاث طوابق متهاك وقديم. لم يتعجب فكما يقولون: "الجواب ببيان من عنوانه". وهاني خير عنوان لهذا الجواب.. دلف إلى الشقة وجلس في غرفة الضيوف. الشقة مقسمة لثلاث غرف صغيرة. غرفتان تطل كل منهما على الصالة. غرفة الضيوف وغرفة هاني. والغرفة الثالثة تبعد عن الصالة مسافة الممر. والتي تحتضن الحمام والمطبخ أيضاً. تركه هاني واتجه إلى المطبخ ليعد كوب الشاي المفضل لصديقه مع أوراق النعناع. "ظبط الزيتون عشان الزيتون يظبطك". قالها

لنفسه وهو يدلف إلى المطبخ، جلس مالك يتأمل الغرفة، في ركن من أركانها تكتظ بكراتين مكتوب على أحد جوانبها ما تحتويه (طقم الصبيبي.. ملايات.. بطاطين) كل مجموعة داخل كرتونة مختلفة.. وضع مالك حقيبته على المنضدة التي أمامه، أخرج متسلسلة الأفكار لهقتل وقت الانتظار، ما هي إلا دقائق حتى دلف هاني إلى الغرفة، يحمل بين راحتيه صينية عليها كوبان من الشاي، وضع الأكواب بجانب الحقيبة، أزاح الحقيبة بيده ليتأكد أنها تحمل المبلغ المطلوب، وعندما شعر بثقلها ابتسم، جلس بالمقعد المذهب أمام مالك، بدأ هاني حديثه بتهنئة مالك على نجاح مهمته في القضية، كانت ملامح مالك ثابتة ولا تظهر ما يخفيه، سأله هاني في لهفة:

- جبت معاك الفلوس؟

- مستعجل ليه؟ إلا إذا كنت عايز تاخدمه عشان أمشي.

- لا ماتقولش كدا.. أنا حبيت أطمئن.

- اطمئن.. كله موجود حسب اتفاننا.. بس عايز أسالك سؤال.

- أومرني يا شقيق.

- كنت متعمل إيه لو الصور اللي أنا شفتها عندك على الجهاز دي وزعتها

على زمايلنا في الجرنال ورفعتها على النت؟

- كنت هخليك تحصل نسرين وهدد.

- ماكنتش أعرف إن قلبك مهت كدا.

- اللي شفته معاك في الشغلانة دي موت قلبي.. وكمان أنا أحي جنبك إيه؟

(يضحك)

- بص اللي أنت ماتعرفهوش إن الموضوع دا عايز مخ مع قلب ميت.. للأسف
ماقيش عندك مخ.
- طب ليه كدا يا شقيق.. مقبولة منك.
- اقترب منه مالك ووضع بين يد هاني متسلسلة الأفكار وأخذ يتصفح أرواقها
ويشرح لهاني كأستاذ يشرح لتلميذه.
- بص كدا يا هاني.. شايف أنا عامل إيه.. راسم كل حاجة هكتها في القضية
دي.. شوفت؟ هو ذا المخ.. فهمت؟
- آه فهمت.. لخص بقى فين الفلوس؟
- صورك معايا على أسطوانة.
- يادي أم الصور.. إنت مصمم تعصبي ليه؟ ما تشوف موضوع تاني ترغي
فيه.
- موضوع تاني ازاي؟؟ صورتك وأنت جوا المشرحة ومعاك جثث حريم ميتة
نايم معاهم.. تفتكر مش الصور دي تبنى خبطة صحفية جامدة.



إحساس غريب لأول مرة أشعر به.. على مدار الأعوام السابقة كان حصني
مصدر إزعاج لي.. أعرف أنه سئ السمعة يصطحب المومسات إلى بيته،
ولكن أن يقتل؟ كيف؟ لم يظهر عليه أي مظاهر عنف تنبئ بأنه قاتل.
ولماذا لا يقتل. أهو ملاك بالقدر الكافي لكي لا يقترب مثل هذه الخطيئة؟
نهاية طبيعية لشخص مثله اندفع بكل غرائزه طامعاً في كسب كل شيء
حوله.. المال من طرق غير مشروعة.. امرأة يفهم علاقة معها.. وأخيراً يقتل..
مال - جنس - قتل.. أكمل الضلع الثالث.. رغم ما فعله في بادئ الأمر، إلا أنه

لم يفكر في العودة إلى الطريق القويم للنفس البشرية التي خلقها الله.. رحل
ورحلت معه كل مضايقاته لي.. ما يهمني الآن هو مالك ابني.. أصبح الآن يقف
على الشاطئ الآخر من البحر. لا أراه ولا هو يريد أن يراني.. أنا على يقين أنه
لن يعود إلى أحضاني مرة أخرى.. تلك التي دفأته في الليالي الباردة.. كيف
يسمح لذاكرته أن تنسى كل هذا؟ مالك أصبح شخصاً آخر غير الذي أنجبته
بطني.. إذا كان يرى أن ما فعلته معه جريمة في حقه فليتذكر أنني ضحيت
كثيراً من أجله.. يكفي أنني تحمّلت سنوات سفر سلمان دون رجل يحمل معي
المسئولية.. سخرت كل اهتماماتي على تربيته وتوفير كل وسائل المتعة
والراحة له.. لماذا لم يعد؟ هل مازال يتذكر مشاجراتي معه وعنفي كما
يقول؟ لا.. خوفي عليه دفعني إلى ذلك.. كان شعوراً قاسياً عندما فقدت
أبي.. شعرت أنني كُجِرت ولم يعد هنالك ما يقويني.. وما زاد الطين بلة أن
سلمان أعطى لي ظهره وولى مدبراً.. أصبحت عملياً دون زجل.. في وسط هزة
الحياة القاسية.. ربيت لنفسي مخالب كي أبيض من يحاول أن يقترب مني أو
من ابني.. أعتف أن مالك كان يتأذي من مهالي هذه. ولكن خوفي عليه هو
ما دفعني لذلك.. تلك الكلمات لن تجدي نفعاً الآن. فما حدث قد حدث..
مالك يشعر أنه قد وجد ضالته.. وسلمان اختار أن يرحل بعد الأزمة الأخيرة.
عاد إلى شقة عين شمس.. لن يؤثر وجوده معي في شيء. فوجوده معي في
مكان واحد كان أيضاً رحبلاً.. فأرواح الأشخاص إذا رحلت تبقى الأجسام
كتماثيل من حجر.. الآن أصبحت وحيدة.. لم أعد عابدة التي كانت في
الماضي.

صدق مالك عندما وعدني أنه سيصل إلى القاتل، رأيت فيه جانباً لم أكن أعرفه، رغم هدونه وردوده القوية والتي تصل أحياناً إلى العنف، إلا أنه مخلص في عمله، وأيضاً طموح ويصل إلى ما يريد، كم تمنيت أن أصبح أحد أمانيه التي يسعى لتحقيقها، لا أعلم ما تحمله الأيام ربما سيأتي يوم ونصبح فيه كياناً واحداً داخل بيت واحد.

جلست يارا بمفردها في الكافيه التي قابلت فيه مالك لأول مرة، مع أصدقائهم المشتركين، جلست تتذكر تفاصيل اللقاء الأول، شعرت بسعادة: لأنها شاركت بشهادتها في المحكمة، مما ساعد على أن ينال القاتل جزاءه، مرت ساعة كاملة وهي جالسة بمفردها، استعادت تركيزها بعد فترة شرود طويلة سارت داخل صندوق الذكريات، همت بالقهقهة لترحل، فوجنت بهاتفها يُصدر نغماته، الرقم غير معروف، جاء صوت فتاة تعرفه جيداً أجابت قائلة:

- مش معقولة.. رجعتي إمتي؟

- إزتك يا يارا واحشاني جداً.. لسه راجعة أنا وبابا من ألمانيا امبارح.

- حمد لله على السلامة يا ماهي.. إنتي فين؟

- أنا قاعدة مع بابا في شفته، وبكره هروح شقة ماما اللي في الزمالك..

فاكرها يا يارا؟

- طبعا يا ماهي فاكرها.. كانت أيام حلوة قوي.

- أنا عايزة أزور الشقة، وأول حد كان في بالي يدخل معايا الشقة بعد الفترة

الكبيرة دي هي إنتي.. لازم تكوني معايا.

- حاضر يا ماهي.. إن شاء الله هكون معاكي.

- خلاص نتقابل بكره على الساعة خمسة.. هتلاقيني مستنياكي تحت العمارة، مش هدخل الشقة إلا وانتي معايا.
- بس اللي أعرفه يا ماهي إن النيابة كانت مشمعة الشقة بالشمع الأحمر.
- لا.. ما خلاص، بابا بعث محامي وخلص الموضوع بعد إلحاح مني إنه يدخل عشان الشقة تفتتح، خصوصاً بعد ما الجاني اتقبض عليه.
- إن شاء الله بكره هكون موجوه في المهعاد مستنياكي.
- سلام يا يارا.
- مع السلامة يا ماهي.



في اليوم التالي

وقفت يارا تنتظر ماهي أمام البناية، حضرت قبل المهعاد المتفق عليه بعشر دقائق، أخذت تصير إياباً وذهاباً أمام البوابة تتأمل كل ما تقع عليه عينها، نظرت إلى البناية وتذكرت أهامها الجميلة في صعبة نسرين، لا يبقى شيء كما هو على حاله، فمنذ سنة تقريبا كانت تأتي لتقضي أفضل الأوقات لديها، رحل من رحلوا وتبقى الأماكن كما هي تذكّرنا بمن عاشوا فيها.

وقفت سهارة مرسيديس أمام البناية، اندفعت ماهي إلى يارا، احتضنتها وأخذت تبكي، شعرت يارا أنها نسرين وليست ابنتها، بكت بشدة، اقترب والد ماهي، وأخذ يربت على كتف يارا واحتضن ابنته.

دلفا إلى الشقة بعد أن أصر والد ماهي أن يلتظرهما في السيارة، أنارت ماهي الإضاءة، ووقفت تتأمل الشقة، تقدمت الصغيرة تلمس بأناملها الحوائط

والأثاث وتذكر تلك الأيام التي عاشت سعيدة بين تلك الجدران. رحلت
نسرين، ولكن ظلت رانحتها تعبق المكان.
اقتربت منها يارا واحتضنتها مرة أخرى. جلسنا وتحدثنا عن كل شيء حدث
خلال فترة سفر ماهي خارج مصر. تقدمت ماهي ودلفت إلى غرفتها بينما
ظلت يارا في الصلاة كما هي. أخذت تتجول في الصلاة لقتل وقت تلتظارها
لماهي. تلتقلت ببصرها إلى المكتبة الصغيرة بأحد أطراف الصلاة. اقتربت
منها وأخذت تقرأ عناوين الكتب بها. وأثناء ذلك لمحت جهاز "المهني لابتوب"
الخاص بنسرين رابضاً بين كتابين. فبدأ للوهلة الأولى أنه كتاب، ولكن يارا
تعلم أنه الجهاز. تعجبت من عدم ملاحظة رجال المباحث له رغم تفتيشهم
للشقة. لكنها ما لبثت أن أدركت أنهم قد خدعوا في منظره فاعتقدوا أنه
كتاب سمك وسط الكتب.. تقدمت ووضعت الجهاز على فخذيها وضغطت
على زر التشغيل فلم يستجيب. تركته ظناً منها أنه لا يعمل، ولكن شيئاً ما
دفعها إلى أن تحاول مرة أخرى بعد أن وضعت الشاحن الخاص والذي ما
زال متصلاً بالكهرباء منذ آخر استعمال له. بدأ الجهاز يستجيب، تصفحت
محتوياته حتى وصلت إلى الصور. أخذت تشاهد صور نسرين وصوراً أخرى
كانت تجمعها سويًا. أخرجت من حقيبتها الفلاشة الخاصة بالاتصال
بالإنترنت، كانت ماهي دخلت إلى العمام بعد أن أخبرت يارا بصوت عال،
دخلت يارا على موقع فيس بوك كنوع من كسر الملل، لم يُطلب منها اسم
المستخدم وكلمة الدخول، فجأة وجدت نفسها تتصفح الصفحة الخاصة
بنسرين، أصبحت يارا ترى كل شيء، لم تستطع أن تمنع نفسها، تصفحت

الرسائل الخاصة بصديقتها، فوجدت معادئة طويلة استمرت لشهور حسب
تواريخ الرسائل بين نمرين ومالك!!

عادت إحدى أخوات هاني إلى المنزل في اليوم التالي، بعد أن استقرت حالة
الأم، دلفت إلى الشقة بمفردها، نور الصالة مُضاء على غير العادة، تشعر
بالإرهاق فما أن دخلت حتى أسرعرت إلى الحمام، وألقت بجسدها تحت ماء
دافئ شعرت بقليل من الراحة، انتهت من الاستحمام ودخلت إلى المطبخ،
قطرات الماء تتصافط من شعرها وملابسها تلتصق بجسدها المبتل بالماء،
لاحظت أن محتويات المطبخ متناثرة بالأخص درج الملاعق، زفرت في حنق
قائلة:

- الله يسامحك يا هاني.. والعدرا لما ترجع لههلك تفعل مكان قرفك.
أعدت الطعام وجلست في الصالة تأكل ما طاب لها، سئمت من طعام
المستشفى، جلست أمام التلفاز تأكل، وقعت عنها على باب غرفة استقبال
الضيوف، كان الباب موارباً فسمع بدخول إضاءة الصالة، مما أظهر جزءاً
من أرض الغرفة، لاحظت بعض محتويات الكراتين على الأرض، قامت
متزعجة قائلة:

- ده مين ده اللي بيقلب في حاجتي؟
دلفت إلى الغرفة وأضاءت الأنارة.. صرخت بصوت أسمع كل من في الحي،
أسرعت إلى خارج الشقة، وكعادة سكان المناطق الشعبية أسرع الجيران
واتجهوا إلى الداخل ليروا ما رآته.

الفصل السابع عشر ليبدأ العرض

اندفع محمد جمعة في المر المؤدي إلى مكتبه. بدا على ملامحه الانزعاج. دلف إلى الغرفة، وألقى جسده على مقعد المكتب، خلع رابطة عنقه وأسند ظهره إلى الخلف، رفع رأسه محدقاً في سقف الغرفة، هاتف أحمد خيرى في مكتبه، وطلب منه أن يحضر إليه، طلب من عامل البوفيه أن يعد فنجان قهوة، دلف أحمد إلى المكتب، لاحظ أن ملامح محمد لم تكن على ما يرام، أراد أن يطمئن فربما قد حدث شيء لا يعلمه، جلس أمامه متسائلاً:

- خير؟

- للأسف... مش خير... لسه إسلام توفيق وكيل نيابة العمرانية مكلمني

وبيقولي الدنيا مقلوبة.

- طب ماتفهمي فيه إيه.

- المصور الصحفي زميل مالك صاحبك اتقتل امبارح.

حدجه أحمد متسائلاً:

- يا نهار أبيض... طب ازاي مالك مايقوليش.

- مش موضوعنا... المشكلة إن الواد دا اتقتل بنفس الأسلوب اللي اتقتلت بيه

هند ونسرين.

- وأفهم من كدا إيه بقى؟

- حاجة من الاتنين مالهمش تالت... يا إما اللي قتل الاتنين دول هو هو اللي

قتل هاني.. يا إما واحد بيتبع نفس أسلوب القتل.

اختلفت الأوراق. تبعثرت في وجه الجميع. ما الذي يحدث. لا شيء يظهر لنا الحقيقة. إعادة الحسابات في هذا الموقف قد تفيد وقد تضر. فما فائدة هذا وقد أعدم قاتل الضحيتين؟ ربما مع إعادة النظر قد يتبين أن هناك شخصاً آخر درس طريقة القتل أراد أن يطبقها مع هاني. ما علاقة الأطراف ببعضها البعض؟ لا أحد يعلم في ظل هذا الوضع.

صُدمت يارا عندما قرأت الرسائل والمعادئات التي كانت بين مالك ولسرين. قرأت سريعاً وقبل أن تأتي ماهي من الداخل أسرعته وفتحت ملف ورد ونقلت كل محتويات المعادئة بينهما بالملف وأرسلته إلى بريدتها الإلكتروني لحين العودة إلى المنزل لتقرأه جيداً.

الفضول والرغبة في معرفة محتوى الرسائل جعلتها تنهي الزيارة سريعاً متجهة إلى البيت. أسرعته إلى اللابتوب ثم فتحت الإيميل وضغطت زر التعميل. وجلست في الغرفة بمفردها تقرأ الرسائل التي كانت بينهما على مدار عام كامل قبل مقتل لسرين. تعجبت لماذا لم تصارحها أنها تتحدث مع مالك في أمور كثيرة؟ يبدو أن مالك كان محقاً عندما تحدث عن الكهف الذي يسكن بداخل كل واحد منا. لكن لم تتوقع أن لسرين برغم الصداقة التي بينهما كانت تخفي في الكهف الكثير عنها.

أخذت تقرأ السطور وتبكي. لم تصدق ما تقرأه عينها. كيف ومتى استطاعت لسرين أن تقترب من مالك ليتحدثا في أمور خاصة لم تتحدث لسرين معها من قبل. هناك أمر غريب. شيء لا تستطيع يارا أن تدركه. وجدت لقاءات تم الاتفاق عليها. وجدت نفسها بين حديثهما. حاولت لسرين

أن تصف لمالك ما حملته يارا من مشاعر نجاهه، قرأت جملة: "وحشتني ووحشتني الكلام معاك". عندما يغيب مالك كعادته بالأيام والأسابيع، لم تتوقع أن تتجاوز العلاقة عن حد المرة التي تقابلا فيها. حتى عندما أفرج مالك عن وجود يارا في قائمة انتظار الأضافة عنده على موقع فيس بوك وجدت نسرين صديقة مشتركة بهنما، ولكن أن تصل العلاقة إلى هذا الحد من التفاصيل الدقيقة في حياة نسرين فلم تتوقع ذلك أبداً. كيف وقد بدا لها أن هذا الكائن لا يميل إلى التحدث مع النساء أو مصاحبتهم. تركت ما تبقى من المحادثة وقامت تتجول ذهاباً وإياباً في الغرفة وقد غمرتها الصدمة. قالت متسائلة: كيف لكل هذا أن يحدث. وأنا التي كنت على يقين أنني أعرف ما يدور من حولي؟ من الآن سأصنع لنفسي كهفاً مظلماً لن يجرو أحد أن يتخطاه وإن فعل سؤدفن بداخله.

—

وجدت المباحث جثة هاني مسجاة على بطنه بأرض غرفة استقبال الضيوف. وُجد مذبوحاً من العنق وبلنت حول رقبتة رابطة عنق خاصة به، تم التعرف عليها من قبل أحد أفراد أسرته. أسرع ضابط المباحث العقيد طاهر المنهاوي باستدعاء كل سكان العقار، وأيضاً استدعاء أفراد عائلته. وتبين من التحقيقات أن هاني لم يكن لديه أي خصومة مع أحد في محيط الأسرة أو الجيران. وُجد أيضاً أن القاتل دخل بطريقة مشروعة لعدم وجود أي كسر بباب الشقة أو النوافذ. بالمعاينة الظاهرين وُجد أن هاني كان ممسكاً بيده قطعة ورق مقطوعة من أحد الكشاكيل لا يتعدى حجمها كف اليد مدون بها بعض الرسومات والكلمات غير مرتبة. قد تفود تلك الورقة

المباحث لمعرفة هوية القاتل. أرسلت الجثة للطب الشرعي: لتشرحها وإرسال التقرير في أسرع وقت للنيابة.

علم آدم عواد بما حدث. طلب من العقيد طاهر أن يلتقي به وخصوصاً بعد معرفته بتشابه أسلوب القتل بين القضيتين. في اليوم التالي كان طاهر في انتظار آدم في مكتبه. يريد أن يسمع ما يلقفه على مسامعه.

في صباح اليوم التالي كان آدم موجوداً بمكتب طاهر. جلس طاهر ممتلئ الجثة يلامس كرشه حزام البنطال. يبتسم في خبث لآدم. قال طاهر وهو يشعل سيجارته وينفث الدخان في اتجاه آدم:

- لما كلمتني يا آدم بيه.. طلبت ملخص عن القضية اللي كانت في دايرتك.. مش برضه القاتل هو حصي محفوظ وانعدم؟
- مضبوط.

تقدم طاهر بجذعه ثم استند بذراعه على المكتب قائلاً:

- أعتقد إن اللي جايبك النهارده في مكنتي إنه وصلك تفاصيل جريمة القتل اللي حصلت من يومين.. وأكد عرفت إن طريقة القتل متشابهة.. ودا في قاموسي مالهوش إلا معنى واحد (سحب نفساً من السيجارة وألقى بدخانها في اتجاه آدم. ابتسم ثم أردف قائلاً).. إن القاتل لسه بيتفصح في البلدا
- وليه ماتقولش إنه استخدم نفس طريقة القتل وخصوصاً إنها اتكتبت في الجرنال.. وكمان يا طاهر بيه إنت راجل مباحث قديم وسمعتك سابقاك وعارف إن الأدلة الجنائية دليل قوي ضد أي متهم.. والأدلة اللي كانت موجودة في مسرح الجريمة تطابقت مع المتهم.. إلا لو أنت بتشك في نزاهة قضائنا؟

ألقى آدم كرة النار في ملعبه، الابتسامة الساخرة لا تفارق وجه طاهر. قال
محاولاً الرد بقوة:

- أنت لسه سنك وخبرتك مش كبيرة..

قاطعته آدم بحدة:

- طاهر بيه أنا جاي هنا مش عشان أخذ تفهيمك في خبرتي وسني.. أنا جايك
في محاولة مني إني أقدر أقدم لك تقارير من القضية اللي كانت معاها..
- تشرب حاجة؟

- شكراً.

أقدم آدم على تلك الخطوة في محاولة منه للدخول داخل القضية للتأكد
من شكوك دارت في رأسه.. هل القاتل مازال طليقاً أم أسلوب يتكرر لا أكثر.
لا يعمه أن يساعد هذا الضابط المتطرس، كل الذي يعمه التأكد ليس أكثر.

جرنال الساعة

العزى يخيم على المكان. النساء اللاتي يعملن بالجرنال يلبسن الأسود. بكت
هنا كثيراً. جلس مصطفى في مكتبه يفكر ما الذي اقترفه هاني ليقدم
القاتل على فعل ذلك به. التزم مالك الصمت في بعض الأحيان. يدخل إلى
مكتبه ثم يجلس ليكتب. يطلب كوب الشاي ثم يعود لصمته مرة أخرى.
خرج مصطفى من مكتبه واتجه إلى هنا. طلب منها بعض الأوراق. عاد
واتجه إلى مكتب مالك وجده غارقاً في أفكاره يكتب بنهم شديد. فضل ألا
يقطع استرسال أفكاره. عاد إلى المكتب وبدأ يفكر.. لابد أن يغطي الجرنال
حدث قتل هاني. فكيف يتجاهل أو لا يهتم بذلك الحادث، والضحية أحد

أفراد طاقم العمل لديه، الآن لا يهم استرسال أفكار مالك، هاتفه على تليفون مكتبه ودعاه ليحضر إليه. تقدم مالك في خطوات ثابتة، لم يبدُ عليه شيء من ملامح الحزن أو الضيق، نظراته ثابتة، جلس في هدونه المعتاد ليستمع إلى ما يريد أن يلقىه مصطفى على مسامعه، دخل عامل البوقيه ووضع كوب الشاي بالنعناع أمامه، كان قد طلبه قبل أن يدخل إلى حجرة مصطفى، نظر له مصطفى في حزن قائلاً:

- الموقف صعب وأنا عارف.. بس دا شغل ولازم ننفذه.

- أنا فاهم كلام حضرتك.

- أنا عارف إنه كان صاحبك.. كنتوا قريبيين من بعض.. بس لازم نشتغل في القضية دي من نار عشان دا واحد من التيم بتاعتنا.. أنت قدما يا مالك.

- ماتقلقش.

سأله مصطفى مباغتا:

- إنتوا كنتوا صحاب.. إنت مش بتشك في حد معين؟

صمت مالك لبرهة قبل أن يجيب:

- هاني علاقته كانت كثير وله أفعال كانت غريبة شوية.. مش هستبعد إن يكون حد من صحابه عمل كدا.

- لا وضّح كلامك يا مالك.. أفعال غريبة ازاي؟

- مش هيفيد الكلام عن الموضوع دا يا أستاذ مصطفى.. خلينا نمشي في القضية وبعد كدا كل شيء هيبان.

- اللي يربحك.. هسيبك تشوف شغلك بطريقتك.

- أشكرك.. أستاذنا أنا.

بدا مالك أمره غريب غير متأثر بموت صديقه، كان قاب قوسين أو أدنى من إفشاء أحد أسرار صديقه، ولكنه تراجع، ليس بالحماس السابق عهده لكشف ملابسات الحادث، ماذا حدث؟ لماذا يسعى بحماس وقد نال ما يتمناه من شهرة و ترقية؟ سيجلس الآن على مكتبه ويعمل كأحد الصحفيين الذين لهم باع في المهنة، لن يستطيع أن يعود مالك بنفس الحماس السابق: تلك الأفكار كانت تدور في رأس مصطفى عندما خرج مالك من مكتبه.

سراي نيابة العمرانية

في مكتب إسلام توفيق وكيل النيابة المسنول عن قضية قتل هاني اجتمع كل من محمد جمعة وأحمد خيرى، تبادلوا الحديث للوصول إلى الطريق الذي يقدهما إلى فهم ما يحدث، الظنون تتحرك إلى ما هو سيئ، دار الحديث عن ملابسات الحادث، وكيف وجدت الجثة، وشهادة الشهود من سكان العقار والمنطقة، أردف إسلام قائلاً:

- بس غريبة تشابه طريقة القتل.

قال خيرى في حماسة:

- يمكن القاتل بهحاول يقلد الأسلوب.

قاطعته إسلام قائلاً وهو يخرج من درج المكتب ثلاثة أكياس بلاستيكية محكما الغلق شفافاً:

- ما أعتقدش يا أحمد.. من المعاينة الظاهرية واضح جداً إن القطع اللي أ الرقبة واحد محترف هو اللي عامله.

قال جمعة وهو شارد:

- أتمنى اللي في بالي مايكونش صح.

قاطع شروده سؤال أحمد:

- إيه هو اللي في بالك؟

- مش مهم دلوقت لما نشوف إيه اللي هيحصل.

بعد أن وضع إسلام الأكياس الثلاثة على سطح المكتب بدأ في عرض محتوياتها عليهم. تعلقت أعينهم بمحتويات الأكياس. فالأول كان يحتوي على سكين المطبخ ملطخاً بقليل من الدماء المتجلط من أعلاه. أما الكيس الثاني فيحتوي على رابطة العنق الخاصة بالفتيل. أما الكيس الثالث فمحتوياته لفتت انتباه الجميع. كانت عبارة عن ورقة مطوية. أخرج محمد جمعة من جيبه منديلاً ثم أمسك بالكيس الثالث. وأخرج الورقة وأمسكها بالمنديل حتى لا تختلط البصمات. فتح الورقة كانت تحتوي على بعض الكلمات غير المكتملة وبعض الرسومات. التفتها منه أحمد خيري. دقق النظر بها، تغيرت ملامح وجهه فأصبحت كموج البحر. تحول من هادئ إلى أمواج تتلاطم. لم يصدق ما رآه. سأله إسلام قائلاً:

- إيه يا أحمد إنت شوفت كلام عفاريت مكتوب ولا إيه؟

- لا.

اندفع جمعة متسائلاً:

- أمال فيه إيه؟ ماتتكم.

- الكلام دا دلوقت مش هينفع.. بعدين.

عاد أحمد إلى مكتبه مرهقاً. فقد استحوذ ما رآه على تفكيره حتى وصل إلى مبنى النيابة. قبل أن يدلف إلى مكتبه هاتف "مالك" وسأله أن يحضر إليه. فهناك يده دليل قوي ربما يملك مالك القدرة على فك طلاسمه. جاء صوت أحمد هادئاً:

- أنت فين يا صديقي؟ مختفي له؟

ابتسم مالك:

- موجود يا خيرى.

- طب عدي عليا في مكنتي كمان شوية عايزك عشان قضية هالي.. ماسكها واحد صاحي وممكن بخدمك.

- ماشي هعدي عليك.. بس يا ريت تكون فاضي..

- ماتقلقش أنا ماورايبش حاجة غيرك الهارده.

- اتفقنا.. نص ساعة وهكون عندك.

أصرع مالك واستقل تاكسي. الطريق مزدحم وكلام السائق لا يتوقف عن حال البلاد والعباد. زاد توتره. أصر السائق على الحديث مع مالك. ولكن الأخير لم ينبس بكلمة. الأفكار في رأسه تركض ركض الوحوش في البرية. ولكي يستطيع أن يجارحها لابد له أن يكتب. أخرج متسلسلة الأفكار وبدأ يدون أجزاء من روايته الجديدة. وقف التاكسي أمام المبنى. دلف إليه وصعد مسرعاً إلى مكتب خيرى. لم يجده. سأل أحد العاملين الرابض أمام المكتب أبلغه أنه في دورة المياه. وقد أبلغه أن يدخله إلى المكتب لكي يفتخره. مزمّن الوقت عشر دقائق كان مالك جالماً في مكانه لا يتحرك. ولم يحاول أن يهاتف صديقه. تقدم أحمد إلى الغرفة. بدا عليه الإرهاق والقلق. التفت

سألت إنيته وهو جالس، قام مسجها إنيته، نجاهله أحمد وانجه مباسره وجلس
إلى مكتبه، تعجب مالك من رد فعل صديقه، ما فعله أحمد كان غربياً جداً
على مالك، أخرج أحمد سيجارته وأشعلها، تقدم وجلس أمام مالك ثم مال
بجذعه متكناً بمرفقيه على فخذيه وهو ينظر إلى مالك بعدة، سأله وهو
ينفث الدخان باتجاهه قائلاً:

- عايز أسألك سؤال.

- إنت جاييني عشان تصألني سؤال؟ ما كنت مسألهمولي في التليفون.. وكمان
إيه أسلوب التحقيقات اللي بتعاملني بيه دا؟
سأله أحمد متجاهلاً كلامه قائلاً:

- تفتكر الكهف اللي اتكلمت عليه يوم ما كنا بنتفدى كلنا له عمق محدد
جوا كل واحد؟

تعجب مالك من السؤال، فكر قليلاً، وأصر أن يعطيه الجواب:

- حسب اللي انت عايز تخطيه جوا الكهف.

أعاد أحمد ظهره إلى المقعد قائلاً:

- إنت صح.. إجابتك منطقية.. طيب بحكم صداقتنا اللي بقالها سنين..
صحيح يا مالك هي بقالها كام سنة؟

- وليه السؤال؟

- جاوبني بس.

- حوالي خمستاشر سنة.

- بحكم الفترة الكبيرة دي تفتكر الكهف اللي جوايا عميق قد إيه؟

- مش عارف.

أجابه بعنف وهو يخطب بيده على المكتب قائلاً:

- لا عارف.. عارف كل حاجة عني.. أنا ما عنديش كهف جوايا ولا مخي فيه حاجة عنك.. لكن أنت جواك كهف ضلمة مالهوش نهاية.. خسارة يا مالك.. خسارة.

- إنت عايز إيه يا أحمد؟

- ليه يا مالك؟ ليه توصل للنهاية دي؟

ابتسم مالك وهو يداعب أنفه:

- أنا ما عنديش نهاية.. العرض مستمر.

- قتلت هاني ليه؟

ضحك مالك بصوت عالٍ:

- هاني إيه اللي قتلته يا عم انت؟

أسرع أحمد متجهاً إلى درج المكتب. أخرج منه الورقة المطوية. فتحها ثم فردها أمام وجه مالك لكي يراها. في تلك اللحظة كان مالك مبتسماً هادئاً.

اقترب أحمد إليه وهو يمسك الورقة قائلاً:

- فإكر الرسمة دي؟ أكهد عارفها.. دائماً كنت بلاقيك راسمها وأنت بتذاكر

معها لما بتسرح.. كل كتبك وملازمك أيام الدراسة مليانة بالرسمة دي..

الكومي.. الرسمة اللي طبعتها على التي شيرت اللي كنت لابسها يوم رحلة

المدرسة واتصورنا مع بعض:

- برافو عليك.. شاطريا حضرة الوكيل المحترم.

- لو سمحت اديني الكشكول اللي بتكتب فيه.

بكل هدوء أعطاه مالك ما يريد. أخذ يقلب في أوراقه حتى وجد ضالته. أحد صفحات متسلسلة الأفكار مقطوعة. وضع أحمد الجزء الذي بيده بجوار الجزء المقطوع فأكملت الصفحة. نظر له أحمد وقد بدا عليه الثقة في إثبات ما رآه. لأخر لحظة كان يرغب أن ما يدور داخله من شكوك ربما تكون كاذبة في النهاية. هو الآن أمام اليقين الذي يقطع الفولاذ. أردف أحمد قائلاً:

- نفس الطريقة والأسلوب.. كرافنة.. خنق.. دبح.. بس المرة دي مافيش اغتصاب.

- تفنكر إن كل اللي معاك دا متقدر تثبت دليل واحد عليها؟ أبدأ.. حسني مات خلاص.. وسخ.. يستاهل أكثر من كدا.. كان فاكر نفسه ذكر.

- واشمعلي حسني اللي اختارته بلبس الفضية.

- عشان طماع وبيبص في حاجة غيره.. بص على حاجة أبويا..

قاطعه أحمد:

- حاجة أبوك إيه؟ الشغل؟

- لا.. أمي.. اتعدى عليها في مرة لما زارنا في البيت وأبويا كان مسافر.. كان لازم يموت بإيده هو.

كان أحمد يستمع باهتمام لما يقوله مالك.. مسح بيده وجهه في محاولة منه للثبات. حتى يتسنى له التركيز في كل كلمة يلقي بها مالك على مسامعه. سأله ليكمل الدائرة المفرغة قائلاً:

- ليه قتلت هند ونسرين؟

- كانت وسيلة.

- وسيلة لإيه؟؟

- للغاية الأهم.

- غاية إيه يا مالك؟

رد مالك:

- هدم الأصنام.

- مش فاهم.

- كل واحدة فهم افتكرت نفسها صنم لازم يتعبد.. اتحكموا في أجوازهم وفرضوا قوانينهم هما.. اللعب في أيدهم والقوة معاهم.. سيطرة رأس المال وسيطرة الرغبة والطمع.. نسرین ماكانتش تنفع تبقى أم.. وهند ربنا رحم عيالها اللي كانوا المفروض يبجوا.. اتجوزت هند براجل جنسياً ضعيف وغني.. لعبت صح.. واستفادت من المال والنفوذ وسيطرت عليه.. اتحكمت في حياته.. واتحكمت في اللي حولها.. كانت بتستفيد من الكل.. ووصلت لقمة الطفيان على جوزها.. أما الهانم الثانية من أول يوم جواز وهي فارضة عليه كل أنواع السيطرة.. حاولت تتدخل في شغله.. لكنه رفض.. ولما رفض كان عقابه قواضي عشان تنفصل.. وأخذت بنتها عاقبة وبمساعدة هند وقوانينها.. حتى يارا صاحبها سيطرت على تفكيرها، وكانت بتقويها على أمها عشان تتمرد.. تفنكر يعيشوا يعملوا إيه؟؟ لو أطول كل الستات اللي شهم معملهم معرفة زي بتاعة هتلر..

- من غير أي سلطة لمرت تعاقبهم؟ ليه؟

انفعل مالك من سؤاله فظهرت عروق جبينه:

-ليه؟؟ بتسألني ليه؟؟

نهض مالك بعصبية شديدة وكشف عن ساقه وذراعه قائلاً:

- شايف يا أحمد بيه.. شايف كم الحروق اللي في جسمي؟ عايدة كانت صنم زهم وعايزه اللي حوالها يعبدها.. سيطرت على أبويا.. كان ضعيف وهرب ورفض المواجهة.. ماخدتش من ربحته غير الكرافته.. كانت بتربط بها رجلي وإيدي وتبدأ جلسات التعذيب.. ماكانش حد قدامها غيري.. فسيطرت عليها لحد لما قررت أكون أنا..

- وأنت هستفيد إيه لما تتعدم أو تموت؟

- اكسر الصنم الثالث.. عايدة.

- أمك؟؟

- اسمها عايدة.. لما هموت.. هتنكسر.. وساعتها أبقي عملت الصبح.

لم يعط مالك لصديقه أي فرصة لمساعدته.. أغلقت اللعبة كأوراق الدومينو. اتجه إلى هاتف المكتب واتصل بمحمد جمعة فلم يجده. هاتفه على المحمول وطلب منه أن يحضر إلى مكتبه. انتهى من مكالمته مع جمعة واتصل بقسم قصر النهل.. الآن يبدأ العرض.

==

قبل الحادث بسنة وثمانية أشهر-

في الملهى الذي يعتاد حسني الجلوس فيه بصحبة النساء، لاحظ مالك وهو جالس في إحدى زوايا الملهى أن حسني يعتاد الجلوس واصطحاب امرأة تكرر وجودها معه: استمرت زيارات مالك للمكان مراقباً حسني. حتى جاء يوم واستدعى أحد العاملين في المكان. وسأله عن اسم المرأة التي كانت تجلس مع حسني. تحمّس الشاب الثلاثيني معتقداً أنه زيون يريد لها وسيحصل منه على مبلغ مقابل تسهيل إقامة علاقة معها. أخبره الشاب باسمها.. عزة.. وقال له

إنه يستطيع أن يجعلها تذهب معه أينما شاء. أخبره مالك أنه يريد لها خارج المكان لمدة نصف ساعة وستعود مرة أخرى. دس مالك في يد الشاب ورقة حمراء فئة الخمسين جنياً، فانطلق الشاب مسرعاً ليطلب سيده. تقدمت عزة إليه وجلست بجواره على الطاولة. كان حسني وقتها مشغولاً بإجراء بعض الاتصالات خارج الملهى: بدأت عزة في عملها بعد أن جلست مباشرة. أخذت تداعب شعر مالك، فإذا به يمسك يدها بقوة، حدجها قائلاً:

- مش عايزك عشان كدا.

تشدقت عزة قائلة:

- هو انت منهم ولا إيه؟

- بقولك إيه.. عايزك في شغلانة هناخد منك يومين.. اليوم بألف جنيه.

ابتسمت عزة قائلة:

- هتشغلي إيه؟ سكيرتيرة؟ (ثم أطلقت ضحكاتهما).

- لا.. هاقابلك بكره تحت كوبري الجامعة، في مزسى هناك هتلاقيني

مستنبيكي في مركب، هناخد رحلة نيلية ومشرحك كل حاجة.

همّ بالذهاب ثم ألقى بين يديها مبلغ خمسمائة جنيه.

- دا العربون.. ماتأخريش بكره الساعة تمانية.. ولو فكرتي ماتجيش وتأخدي

الفلوس.. هزعلك.

كانت نبرة صوته قوية وسط صخب الموسيقى العالي. رأت في عينيه قوة

فشعرت بالخوف منه، ولكن عندما تذكرت الألفي جنيه، عاد الاطمئنان إلى

قلبي مرة أخرى.

في تمام الثامنة حضرت عزة إلى المزمى، وجدت مالك جالساً بالمركب في انتظارها. تقدمت وجلست بجواره. تحرك المركب في طريقه وسط المياه، تحدث معها عن مهمتها التي يجب أن تكون دقيقة جداً في تنفيذها، طلب منها عند اصطحاب حسني لها الخميس المقبل أن تُحضر له رابطة عنق خاصة به، وأن تحتفظ بالوأي الذكري وبداخله السائل المنوي، اتفقا أن تلتظره في نفس المكان بعد إتمام مهمتها، أعطاهما خمسمائة جنيه، واتفق أن يعطيا باقي المبلغ بعد أن تُحضر معها ما طلبته منها، أخبرها أن هذا سيتم على مرتين، وفي كل مرة ستُحضر ما طلبه منها، أخرج من جيبه شريطاً لاصقاً شفافاً، وأعطاهما إياد، تعجبت فقال لها:

- لما البغل دا ينام بعد ما تخلصوا.. أقطعي جزء من الشريط دا وألزيه على صباعه من غير ما يحس.. وهاتيه تاني.. أهم حاجة بصمة إيدته ماتضيعش من على الشريط، وخدي بالك بصمتك ماتكونش موجودة. نقذت ما طلب منها على مرتين، في كل مرة كان هو المجهول القابع في الظلام ينتظر نتيجة تخطيطه، ويتأكد أنها قامت بالمطلوب.

أدرك منذ وصوله إلى الجرنال أن هناك عناصر في هذا المكان ستساعده في ما يريد إذا استطاع أن يكسبهم في صفه، تأكد من خطته عندما رأى صور هاني، بدا له أن السيطرة عليه أمر سهل، ولكن عندما وقعت الصور أمامه وجدها سلاحاً قوياً، طلب من هاني أن يساعده في القتل، وافق هاني وزادت رغبته عندما رأى هند ونسرين، أيقن أنهما فرانس سهلة المضغ، الاتفاق بينهما واضح، سيقوم مالك بقتلهم وذبحهم، أما هاني فسيقوم

بمضاjectهن. أكد عليه مالك أن يرتدي الواقي حتى لا يترك أثراً له في المكان. ارتدى كل منهم حُلة سوداء مصنوعة من الجلد كالتي تظهر في الأفلام الأجنبية. تلتصق في الجسم، ولُحف من الجلد السميك في القدم حتى لا يترك أي أثار للأقدام على السجاد. كل هذا حتى لا يترك أي أثر لبقايا قشور الجلد أسفل أظافر الضحية. وحتى لا يترك الحذاء أي أثر فيستطيع المعمل الجنائي معرفة هوية القاتل.

يحدد مالك الموعد المناسب. يصعد إلى الشقة ويطرق الباب. تفتح له الضحية في ترحاب. وما أن تستدير حتى يضربها على رأسها من الخلف فتسقط. يسرع ويفتح الباب ليدخل هاني. يذهب مالك إلى المطبخ ويحضر السكين. ثم يُخرج من حقيبته رابطة العنق الخاصة بحمسي. يطوق رقبتها برابطة العنق ويضغط في قوة. تقاوم الضحية. ثم يقوم بذبحها. يحملونها إلى غرفة النوم لكي يقوم هاني بمهمته. بعد أن ينتهي هاني يقوم مالك بسحب عينة السائل ووضعه داخل الجثة عن طريق حقنة مجهزة لذلك الغرض. يُخرج الشريط اللاصق ويخلطه بدم الضحية ويبدأ في لصقه على الأماكن التي وُجدت بها البصمة. ينتهي من مهمته. يذهب إلى المطبخ ويزيل بقايا الدم الموجودة على السكين. يخلع بدلته وينصرف هو وصديقه في هدوء.

يومان مرّا على التحاق مالك بالجرنال. بدأت هناك في الاقتراب منه. بدا لها مالك الشاب الهادئ ذا الملامح الطيبة. قراها سريعاً وعرف أنها ترغب في أحد يشاركها مشاعرها التي تفيض. ترغب في الحب وهو يرغب في مكاتها

عند مدير التحرير، تبادل مصالح. لم تشعر أنها كانت في يوم من الأيام له ككوبري للعبور إلى الجهة الأخرى، تصنع أنه يهتم بها. بعض المكالمات بعض النظرات المتصنعة، حتى جاءت الفرصة ورشحت مدير التحرير بعد أن أوقع بزهير منصور عن طريق مروة بعد أن أخذت منه كل الأوراق المهمة المتعلقة بالقضية. مما أسفر عن طرده من الجرنال: لتتدخل هند وتدفع به إلى الأمام، أمسك مالك الخيط جيداً، واستطاع أن يتقن عمله. بدأ اهتمامه يقل تدريجياً بهناء. حتى وصل إلى مكانة عالية داخل الجرنال.

قبل مقتل هند بعامين

- تقدم سلمان ودلف إلى غرفة مالك سأله متعجباً:
- أنت لسه مالبستش؟ معاد العفلة الساعة تسعة.
نظر له مالك وهو ممدد الساقين على السرير:
- هو أنا لازم أحضر معاك العفلة دي؟
- طبعاً.. كل الموظفين وعائلاتهم هيحضروا العفلة دي بمناسبة مرور عشر سنين على تأسيس الشركة. مش معقولة يعني أبقي صاحب الشركة وماجيبش عيلتي معايا.
- هي عابدة رايحة؟
- أه.
تشدق مالك قائلاً:
- طيب هقوم ألبس.
في القاعة الكبيرة بأحد الفنادق وقفت هند وسط مجموعة من الرجال

والنساء تتحدث بثقتها المعهودة، بدا عليها وكأنها فنانة مشهورة يلتفت حولها المعجبون، أناقتها وجسمها الرشيق لا يعكسان أنها قد تجاوزت الأربعين. الموسيقى صاخبة وضحكتها أعلى من الموسيقى في أذن من حولها، تقدمت عايذة ومالك ليصافحا هند، قالت هند وهي تبتسم وتتأمل ملامح مالك:

- إزك يا مالك.. عامل إيه؟

أجابها مالك ببرود:

- كويس يا هند.

حدجته عايذة، نظر لها مالك في تحدٍ قائلاً:

- أيوة هند.. المفروض أقولها طنط والكلام دا؟ (ثم أدار وجه إليها متسانلاً):

- مش هند أحسن برضه؟

ابتسمت له قائلة:

- اللي يعجبك يا قمر.. بقيت راجل ويتعرف تقدر الجنس اللطيف. (ثم أطلقت ضحكتها).

علمت هند من عزت ذات مرة أن مالك وأمه على غير وفاق، ودائماً يتنازعان فيما بينهما، ولا يتدخل سلمان لحل الخلاف بينهما، في معظم الأوقات يتحدث سلمان إلى عزت عن تلك العلاقة المتوترة، علمت هند فقررت أن تخبر مالك إذا احتاج لها في أي شيء ستكون دائماً موجودة معه، جنح لها مالك في بعض الأوقات، زارها في البيت وتحدث معها، رأى فيما بعد معاملتها وتحكمها مع عزت، وعرف أن عزت يتحدث مع فتيات في الهاتف ليشتبع رغباته، رآها تتوحش أمامه، وأحكمت السيطرة على كل شيء، فنالت المرتبة الثانية من ضحاياها.

منزل هاني

صمت هاني بعد أن ذكره مالك بتفاصيل الصور. حاول أن يتجنب الحديث المتكرر عنها. ولكن مالك دفعه دفعاً للحديث مرات كثيرة. سأله هاني محاولاً تجنب الصدام معه:

- ممكن أخذ الفلوس؟ ولا لسه هتسمعي كلام تاني؟

- أنا ماجبتش معايا فلوس.

تغيرت ملامح هاني واندفع باتجاه الحقيبة: للتأكد من صحة كلامه. باغته مالك بضربه على مؤخرة رأسه بمطفاة السجائر الكريستالية. سقط هاني أرضاً على بطنه. انقضَّ عليه مالك وأخذ بضربه وهو يصيح:

- إنت فاكر نفسك هتعرف تمسك عليها حاجة يا ابن الكلب؟

حاول هاني أن يفلت منه. ولكنه لم يستطع فقد كان لتأثير الضربة مفعول قوي أفقده توازنه. أغرقت الدماء ملابس هاني. أسرع مالك إلى المطبخ وأحضر السكين. ثم اتجه مسرعاً إلى غرفة هاني. وأحضر رابطة عنقه. أسرع إلى الغرفة ووقف يراقب هاني وهو يحاول الوقوف. مَدَّ يده إلى الكرسي المذهب ليستند عليه ليقف. قبض بيده على جزء من متسلسلة الأفكار التي كانت صفحتها مفتوحة فقطع جزءاً منها ظل عالقاً بيده. تقدم مالك بعد أن استطاع هاني أن يقف على قدميه. جاء مالك من خلفه وطوّق رقبته برابطة العنق وبدأ يخنقه. حاول هاني أن يفلت منه ولكنه لم يستطع تحت تأثير الضربة الأولى. سحب مالك السكين ثم ذبحه. دفعه فسقط أرضاً. أغرقت دماؤه الأرض. اندفعت من رقبته كصنبور اندفع منه الماء متدفقاً. اتجه مالك في هدوء إلى المطبخ. ومسح السكين ثم تركه داخل الحوض. أسرع إلى

الغرفة مرة أخرى وأخذ كوب الشاي وبداخله أوراق النعناع وعاد إلى الحوض وأفرغ محتويات الكوب، ملم أشياءه ثم انصرف في هدوء.

نظر مالك إلى أمه، وهو خلف القضبان الحديدية يتأمل ألامها ودموعها التي تنهمر، ابتسم، ثم نظر إلى أبيه الذي جلس في انكسار، وجه نظره إلى أحمد خيرى الذي يستعد للمرافعة، فقد طلب أحمد من النائب العام أن يحقق في القضية كوكيل نهاية، وبعد الموافقة على طلبه أعدّ المرافعة، وجاء في آخرها طلبه بوقوع أقصى العقوبة على المتهم وهي الإعدام، انتفضت القاعة من التصفيق، وظن مالك مهتسماً، طلب القاضي من الحضور الهدوء، وعلق الجلسة للمداولة، افتريت عابدة من الفحص العديدي، ونظرت إلى مالك وهي تبكي، بينما ظل سلمان قابلاً في مكانه، ابتسم لها مالك في سخرية قائلاً:

- أول مرة أشوفك كدا.. ضعيفة.. وهو دا اللي كنت عابزه..

- هو أنا كنت للدرجة دي وحشة في نظرك؟

- جسمي أكبر دليل على ساديتك.. كل حنة فيه بحروق شكل.. وشخصيتك اللي فرضتها عليا وصلتنا للطريق دا.. أنا عارف إني هتعدم.. مش فارق معايا شيء.. روعي عيني حياتك زي مانني عابزة.. سيهطري أكثر.. واثبي للعالم كله إن انني على طول اللي صح.

عاد القاضي مرة أخرى بعد المداولة، وأعلن عن الحكم.. ستنتظره البدلة الحمراء عما قريب.

بعد مرور عامين

ترك سلمان تجارة الأراضي، عاد مرة أخرى إلى شقة عين شمس ليستمتع بما تبقى له من أيام يقضيها مع نفسه، ترك الشركة لعزت بعد أن فضّ الشراكة بينهما، كل يوم يستيقظ صباحاً يرتدي ملابسه ويذهب لشراء الجرنال. ويعود بعداً لنفسه الفطور. استمر على هذا الحال بعد انفصاله عن عابدة لمدة عام، داهمه المرض، تردد على المستشفيات، ولكن رأى أن ذلك دون أي جدوى، عاد لروتين حياته مرة أخرى، حتى رحل في هدوء دون أن يشعر به أحد.

تركت عابدة العمل في الوزارة، طلبت أن تسوّي معاشها، باعت شقتها في مدينة نصر وعادت إلى دار الخطاطبة مرة أخرى، تغيّرت أشياء كثيرة هناك، جلست وحيدة بالدار تتذكر الأيام الجميلة التي قضتها هناك، يحضر إليها أخوها مرة كل أسبوع لانشغاله بالتجارة، طلبت منه أن تعطيه مبلغاً من المال لكي يوسع تجارته، لم يعارض وسألها هل تريد الأرباح سنوية أم تريد مبلغاً كل شهر، أخبرته بأنها لا تريد المال الذي جمعته من العمل، نفذت رغبتها، علمت بموت سلمان بعدها بشهور عندما كان أخوها في زيارة إلى القاهرة ماراً بأحد أصدقائه في منطقة عين شمس وأبلغه، حزنت عليه بقلب منكسر، وقالت لنفسها إنه كان سبباً في شقاء هذه العائلة!

فوق هضبة المقطم وقفت سيارة بالقرب من حافة الهضبة، كانت الشمس تستعد للمغيب، والبيوت تظهر في الأفق بهيئة صغيرة جداً، طوّق رقبتها بيده يداعب خصلات شعرها، بينما جلست جواره تنظر له بابتسامه صافية.

استأذنها أن يذهب ليُحضر بعض المشروبات من شنطة سيارته، ابتسمت له وأشارت برأسها بالموافقة، وضعت يدها على بطنها وأخذت تداعب طفلها الذي تجاوز عمره داخلها شهره السادس، نظرت إلى قرص الشمس الذي بدأ يسقط خلف البنائات، خرجت من السيارة وجلست على مقدمة السيارة وأمسكت في يدها متسلسلة الأفكار، لاحظ زوجها خروجها من السيارة فصاح قائلاً:

- إيه يا يارا.. فيه حاجة؟ خرجتي ليه؟

- مافيش يا محمود.. المنظر من هنا أحسن.

طيب هجيب بقية الحاجة وهجيلك.

أخذت تقلب في أوراق متسلسلة الأفكار، استقرت على صفحة بيضاء وأمسكت قلماً بيدها كان داخل المتسلسلة، نظرت إلى العمارات الرابضة أمامها، وبدأت تكتب حتى وصلت إلى نهاية ما كانت تكتبه، حضر زوجها وجلس بجوارها ينظر إلى المشهد الرائع لشروق الشمس، قدّم لها علبة مياه غازية، أخذتها منه في صمت، وعادت لتتبي ما كانت تكتبه، وضعت يدها اليسرى على بطنها وكتبت:

كم بيتاً في مصر سيُخرج "مالك" جديداً؟

تمّت

يونيو ٢٠١٤

شكر خاص

أحمد سلامة
أشرف العشناوي
عمرو سمير عاطف
عمرو الجندي
محمد مجدي
د. عصام منا
د.سارة القاضي
د.سيف علم الدين
أحمد على عطية
مشام مجدي
محمد فرج عبد الوهاب
بسمة خليفة
محمود على كومبوند
أحمد خيري
أحمد مكي
أحمد عبد الرموف
طارق حسين
ماجد شبيحة
سمير عز
محمد عز

"هذه الرواية من نوعية روايات أدب الجريمة الراقى، نمط روائي مكتمل يندرج تحت عنوان "من فعلها؟". أجاد فيه سرد الرواية البوليسية دون تكلف أو افتعال، وهو أمر يستحق الإشادة.. شخصيات الرواية مترابطة درامياً، غاص الكاتب في أعماقها بصورة تحسب له.. هذه الرواية خطوة واثقة لروائي واعد في أدب الجريمة، مختلف في تناول والطرح، وفي الوقت ذاته محتفظ بالتشويق اللازم".

أشرف العشماوي

ربما كان القاتل يستخدم الكرافته لقتل ضحاياه ، وربما الكرافته لم تكن أداة الجريمة، ولكن فقط كانت التميمة التي يتركها في مكان الحادث ليعرّف عن نفسه كقاتل أنيق لن يستطيع أحد أن يحل لغزه . وربما أن القاتل ليس موجود من الأساس وأن المصادفة وحدها هي بطلة القصة كلها . لكن الأكيد أن أحداً لم يرغب في حدوث كل هذا الصراع وكل هذه المشاعر المتلاحقة وكل هذا الهمم والوهم والأرق. وبرغم ذلك، كل شيء يحدث رغماً عنا..